



2891.1920

ARRISSI

PRO D. GEORGIO CO-

miti ab Erpach, Palatinatus Rheni Archipin
terna, Praefidi Alsatie &c. Domino
suo Clementi, Philippus Me-
lanchihon. S.




VM PRO
ea admira-
tione, quā
de te, Claris-
sime uir, q̄
tempore &
Lipsię te pri-
mum uide-
bā, & de re-
bus graui-
simis, ut tū
forte incide-
rant, cum


summa prudentia, summaq; facundia disse-
rentem audiebam, concepi, singulari quodā
studio erga te accensus fuisset, iā olim equi-
dem optaui, animum atq; uoluntatem hanc
meam digno atq; idoneo aliquo argumēto
tibi declarare posse. Ea enim pulcherrima-
rum rerum propria quaedam uis est, ut non
solum animorum nostrorum sensus, recor-
datione sui afficiant atq; oblectēt, uerum etiā
eiusmodi


EPIST. NVNCVPAT.

eiusmodi desyderio impletos a se dimittant,
ut quārumuis procul amotus atq; sepositus
fueris, subinde tamen recurrere & ad ea quę
absunt, præsens referri, tibi uideare. Et quę
admodum in excellentibus picturis ac tabu-
lis accidere nobis ipsi uidemus, ut oculi no-
stri contemplando, satiari fere nunq̄ possint,
semperq; nouum aliquid spectantibus no-
bis sese offerat, quod discedentes ultro allici-
at, detineatq; ita ipsa uirtus quoq; sensus at-
que cogitationes nostras trahit, neq; unq̄ a
sua admiratione quiescere, longiusue recede-
re permittit. Itaq; etiam sit, ut non modo ipsi
intra nos earum rerum, quarum studio atq;
amore ita tenemur, uoluptatem capere con-
tenti simus, uerum etiam nescio qua ui com-
puli aliis quoq; eadem illa, quibus nos affici-
mur, prædicare atq; cōmendare subinde stu-
deamus: ac perinde atq; ungēto aliquo deli-
bui odores nostros in obuios ac proximos
quosq; diffundimus. Proinde cū eodem mo-
do erga te, Clariss. uir, ego quoq; cōmotus
& incensus iam diu essem, cuperemq; studiū
atq; affectum hunc meū etiam opere, ac ceu
manifesto aliquo signo, testatū facere, nuper
posteaq; Lucianicū in Demosthenem Enco-
mium scholæ nostræ publice interpretandū
cepissem, ipsumq; libellum pro meo more
ac modo, Latīna oratione uertissem, operā









ENCO

MIVM DEMO

sthenis ex Luciano iam pri-
mum uersum & editum,
authore Philippo
Melanchtho
ne.

ADDITAE SVNT

due grauiſimæ Oratio=
nes Iſocratis Latine
uerſæ.



CLARISSI

MO. RO D. GEORGIO CO

mitti ab Erpach, Palatinatus Rheni Archipin
cerne, Praefidi Alsatiæ &c. Domino
suo Clementi, Philippus Me-
lanchihon. S.

2891.1920



VM PRO
ea admira-
tione, quā
de te, Claris-
sime uir, &
tempore &
Lipsiæ te pri-
mum uide-
bā, & de re-
bus grauif-
simis, ut tū
forte incide-
rant, cum

summa prudentia, summaq; facundia disse-
rentem audiebam, concepi, singulari quodā
studio erga te accensus fuisset, iā olim equi-
dem optauī, animum atq; uoluntatem hanc
meam digno atq; idoneo aliquo argumēto
tibi declarare posse. Ea enim pulcherrima-
rum rerum propria quædam uis est, ut non
solum animorum nostrorum sensus, recor-
datione sui afficiant atq; oblectēt, uerum etiā
eiusmodi

EPIST. NVNCVPAT.

eiufmodi defyderio impletos a fe dimittant,
 ut quārumuis procul amotus atq; fe pofitus
 fueris, fubinde tamen recurrere & ad ea quę
 abfunt, præfens referri, tibi uideare. Et quę
 admodum in excellentibus picturis ac tabu-
 lis accidere nobis ipfi uidemus, ut oculi no-
 ftri contemplando, fatiari fere nunq̃ poffint,
 femperq; nouum aliquid fpectantibus no-
 bis fe fe offerat, quod difcidentes ultro allici-
 at, detineatq; , ita ipfa uirtus quoq; fensus at-
 que cogitationes noftras trahit, neq; unq̃ a
 fui admiratione quiefcere, longiusue recede-
 re permittit. Itaq; etiam fit, ut non modo ipfi
 intra nos earum rerum, quarum ftudio atq;
 amore ita tenemur, uoluptatem capere con-
 tenti fimus, uerum etiam nescio qua ui com-
 pulfi aliis quoq; eadem illa, quibus nos affici-
 mur, prædicare atq; cōmendare fubinde ftu-
 deamus: ac perinde atq; ungēto aliquo deli-
 buti odores noftros in obuios ac proximos
 quofq; diffundimus. Proinde cū eodem mo-
 do ergate, Clarifs. uir, ego quoq; cōmotus
 & incenfus iam diu efferem, cuperemq; ftudiū
 atq; affectum hunc meū etiam opere, ac ceu
 manifefto aliquo figno, testatū facere, nuper
 pofteaq̃ Lucianicū in Demofthenem Enco-
 mium ſcholæ noſtræ publice interpretandū
 cepiffem, ipfumq; libellum pro meo more
 ac modo, Latīna oratione ueriffem, operā

EPISTOLA NVN.

hanc nostram dedicandam tibi, tuoq; nomi-
 ni inscribendam mihi esse putavi: non aliā
 certe ob causam, quam ut singularem istam
 tuam eloquentiam singulari quoq; eloquen-
 tiæ exemplo, non meo quidem illo, sed eius
 cui Encomium hoc dictum est, publice com-
 mendarem. Nam cum tanta tua in dicendo
 prudētia tantaq; copia tibi sit, quantam uix
 puto me ullo antea in homine, qui quidem
 eius ætatis foret, cuius tu eo tempore natus
 eras, usq; animaduertisse: quid rectius aut dig-
 nius potui, q̄ eo argumento, eoq; in autho-
 re uoluntatem tibi meam declarare, qui & ip-
 se omnis eloquētiæ parens merito habetur,
 & ab altero etiā ipso eloquentiss. noua qua-
 dā eloquēdi ratiōe laudat. Nā ut hoc quoq;
 hic addā, eiusmodi in hoc Encomio laudā-
 di figura Lucianus usus est, ut singulari quo-
 dam & laudum & orationis genere Demo-
 sthenis claritatem atq; uirtutem, memoriæ
 animisq; hominum commendare uoluisset
 uideatur. Non enim communibus illis Rhe-
 torū formulis ac locis insistit, neq; etiam sim-
 plici ac recto ductu, ingenij, fortunæ, ac cor-
 poris dotes ornando atq; amplificando pro-
 sequitur, sed noua quadam occasione ad
 ipsam causam uelut attractus, dum Homeri
 cuius cum illo contentionem inducit, laudi-
 bus occupatum se simular, aliud plane agen-
 do hoc

C V P A T O R I A.

do hoc ipsum agit, ut ostendat illum quem admodum corporis atq; alijs externis dotibus longe Homero superiorem, ita ingenij felicitàte animiq; constantia, ac robore nulli clariss. uirorum usq; inferiorem fuisse. Imo tanq̃ communia hæc, a quibus aliq̃ totamplerunq; laudandi materiam atq; facultatem sibi petunt, pro paruo duceret, aut plane contemneret, posthabitis alijs locis, continentia solum, atq; fortitudinem, quibus immoraretur, & quæ uerbis amplificaret, potiss. delegit. Quarū alteram quidē ille ita præstiterat, ut nullis unq̃ corruptelis atq; *δωροδοκίαις*, quibus eo tempore Athenien. Respub. præcipue infestabatur, aduersus patriam corrupti se passus sit. Alteram autem ad extremū usq; spiritum animo ita obfirmato atq; constāti custodiuit, ut cum incolumitatem & certa præmia, si ad Antipatrum transisset, proposita sibi uideret, uoluntariam mortem in honestæ uitæ antehabendā sibi putarit. Præcipue uero in attollendo illius erga patriam amore operam sumit, quem tantum in illo fuisse indicat, ut non modo in classem, & publica ædificia priuatas facultates impenderit, uerum etiam cum iam iterum ab infensis ciuib; per summam contumeliam urbe eiectus fuisset, mori tamē potius uoluerit, q̃ cū Macedonibus aduersus patriā, adeo etiam

C V P A T O R I A .

Ingratam consentire. Et ad hanc quidē rem
 non ullo domesticorum testimonio, aut ex
 Græcorum alicunde historia petito, utitur,
 sed quod uel præcipuum iudicandum est,
 ab ipsa hostium atq; Barbarorum confessio
 ne, qua nihil ad confirmandam Demosthe
 nis laudem grauius esse poterat, fidem uer
 bis facit. Quo sane in loco illud admiratione
 dignū mihi maxime uideri solet, quod duo
 bus diuersarum gentium clariss. eloquentiæ
 luminibus, patriæ autem utrinq; fidelissimis
 tutoribus atq; patronis, nō modo simili fer
 me fato perire contigit, uerum etiam q̃ n̄dē
 eodem exemplo maximum uirtutū atq; lau
 dum suarum encomium, ab hostibus, n̄sq;
 ipsis quorum odio atq; tyrannide perierat,
 retulere. Nam quod hic Lucianus de Anti
 patri, Philippi, aliorumq; testimonio confir
 mat, idē fere a Plutarcho de Cicerone & Au
 gusto, cuius proscriptione hic damnatus fue
 rat, traditum uidemus. Cum enim ex Cæsa
 ris nepotibus quidam, Ciceronis nescio quē
 libellum, legendi causa manibus teneret, in
 quit, & mox interueniente subito Cæsare,
 eundē sinu abscondere uellet, nec tamē pos
 set, quin uideretur, Cæsar accepto libello, cū
 stando plurimam eius partem euoluisset, red
 didisse adolescenti cum his uerbis dicitur:
 Eloquens hic uir, Eloquens fuit o fili, & ama
 tor pa

EVPATORIA.

tor patriæ. Dignum mehercle præconiũ, & haud scio an plus laudũ & gloriæ Ciceroni addens, quæ uel laurea uel supplicatio illa, de qua ille sæpe ac multũ gloriari solebat. Quod enim uirtutũ testimoniũ præclarius esse potest, quæ quod etiam is qui uitã, opes & reliqua omnia abstulit, ultro nulloq; cogente perhibetur. Nã ea profecto uirtutis uis atq; potestas est, ut animos ac sensus nostros, utcũq; erga ipsos homines odio, aliisue impulsiónibus affecti sumus, cũ honesta ac præclara illorũ facta cernimus, incredibili quodam studio atq; amore accēsos & inflammatos reddat. Itaq; etiã Vlysses, ut apud Sophoclẽ fingit, cum improuiso Aiakis, cũ quo tum summo odio ipse dissidebat, mortem deprehendisset, dextrãq; illam qua nō modo antea pro Græcis strennue pugnarat, sed etiã tunc contra seipsum, dum præsentẽ ignominiam euitare studebat, fortiter usus fuerat aspexisset, cũ cætera illius uiri præclara facinora uerbis extulisset, tãdẽ hæc quoq; addidit, credo ipsa uirtute ita extorquente, ut diceret: νικᾷ γὰρ ἡ ἀρετή μετ' ἐχθρὰς πολὺ. Vt enim rectius dictum a Poeta est, τὰ γὰρ τοὶ καλὰ καὶ πρὸς ἐχθροῖς καλὰ. Hoc igitur tanti uiri, & nō solũ ab omnibus, tum Græcis tum Latinis, uerũ etiam ab ipsis hostibus ac Barbaris tan-

E P I S T. N V N C V P A T.

topere laudati, Encomiū, in quo si ad argumentum respicias, singulare quoddam præclariss. uirtutū exemplum, si uero ad ipsum libellū, nouum quoddā laudandi adeoq; ipsius eloquentiæ specimen, proponit, ut a Luciano quidem compositū, a nobis autem Latina oratiōe uersum est, tibi Clariss. uir, tuoque nomini dedico: simul ut a principio dixi, quo ex hoc uelut argumento quodā, uoluntas erga te mea certa tibi constaret: simul etiam ut quoties in hoc Demosthene ipsam uirtutem, eiusq; incomparabilē æstimationē tanq̃ in speculo aliquo intuereris, Clariss. Heroum maiorum tuorum in mentē tibi ueniret, qui ut partim ipsi per se, partim apud Illustriiss. uiros ac Principes summo cū splendore, summaq; prudentia semper uixere, ita haud dubie una cum reliqua generis nobilitate præclariss. uirtutum hæreditatē atq; successionem tanq̃ per manus traditam tibi reliquerunt. Et quemadmodum præstantissimus poeta de Ascanio ait, ita te quoq; in antiquam uirtutem animosq; uiriles, Et pater Aeneas & auunculus excitat Hector. Tu uero Clariss. uir, si pro nostro hoc erga te studio uicissim nos tibi commendatos habueris, beneficium abs te, ut maximum ita gratiss. putabo me consecutum esse. Vale.

ENCOMIVM

DEMOSTHENIS EX LV.

ciano uersum, Authore Philip-

po Melanchthone.



VM IN porticu de
ambularem, exeunti
ad sinistra die 16. pau
lo ante meridiem, for
te se mihi Thersago
ras offert, existimo eū
plerisq; uestrum notū

esse, pusillus est, naso aquilo, fere candi
dus, uirili specie. Hunc cum procul acce
dentem uiderē, dixi, hic Thersagoras poē
ta est. Et interrogauī quorsum aut unde
iret. Ille inquit domo se huc uenisse. Num
inquā deambulandi gratia? Tum ille:
Omitte hoc interrogare, nocte intempe
sta surrexi, ut ad Homeri natalem carmē
ei dedicarem. Præclare inquā facis, q
illi studes gratiam institutionis referre.
Hoc cum instituissem, ait ille, huc ueni,
neq; animaduerti me deambulationē ad
meridiem usq; produxisse. Tum ego, &

ENCOMIUM

mihi opus est de ambulatione. Sed ille multo ante inquit oportuit me illum salutare, monstrabat autem manu Homerum. Scitis enim in templo Ptolomæi ad dexteram collocatum esse, prolixa coma insignem, ad hunc inquit eundem mihi est, ut cum salutem, ut orem, ut mihi magnam uersu copiam largiatur. Ego contra inquam si quid uotis proficitur, & ego iam olim Demostheni obstrepo, ut mihi suppeditet orationem ad natalem eius ornandum. Si igitur satis erit uota facere, adiunge me tibi socium, nam commune inquit lucrum auferre cupimus. **THER.** Ego inquit habeo poema lucubratum hac nocte & hodie, quod Homero propter beneuolentiam dedicaturus sum. Nam diuino quodam furore commotus ad poeticam rapior, ut iudicabis ipse. Cero enim mecum libellum in hoc paratum, ut ostendam sodalibus, cum in aliquem ociosum incidero. **LVC.** O te felicem inquam, qui uideris mihi perinde facere, atque aliquis qui postquam cursu uicit in stadio, redit abluto puluere, ut obletetur se spectando, & cum luctatore

DEMOSTHENIS.

luctatore iocatur, expectante ut iam in certamen uocetur. Cui respondet ille, at paulo ante, cum a meta procurrendum esset non erat ocium ad iocandum. Sic tu uelut in cursu poetico uictor, facis me ludos ac delitias, metuentem stadii fortunam. **THER.** Scilicet ait ille ridēs, quasi rem difficilem susceperis. **LVC.** Fortassis inquam Demosthenes uidetur tibi indignus, qui ad Homerum conferatur, & uideri uis in argumento graui, ac difficili posuisse operam, cum Homerum laudasti, me uero existimas leue argumentum de Demosthene sumpsisse. **THER.** Cauillaris inquit ille, nam ego nolim heros illos inter se committere, tametsi magis faueo Homero. **LVC.** Bene inquam, an non putas me Demostheni magis fauere? Sed quoniam non recusas hac de re mecum colloqui, apparet te solā poeticam admirari, & solutam orationē prorsus contemnere, sicut eques peditem præteruictus aspernatur. **THER.** Tum ille, Dii prohibeant, ne sic insaniam, tametsi non leui furore opus est iis qui ad poe-

ticas fores accedunt. Verū & Oratoribus
 opus est afflatu quodam diuino, ad efficiē
 dam orationem nō humilem aut frigida
 dam. Nec enim hoc ignoro, ac saepe me
 comparatio, cum aliorum oratorū, tum
 Demosthenis cum Homero delectat, cum
 similem uideo uim, acerbiter & impe
 tū. Vt Homerus Agamemnonem ap
 pellat uinolentū, ita Demosthenes in Phi
 lippi ebrietatem, saltationes, petulantiam
 inuehitur. Et quale illud est apud Poētā:
 Vnum augurium optimum est pugnare
 pro patria, tale illud est apud Demosthe
 nem: Oportet bonos uiros bona cum spe
 suscipere defensionem Reipub. Et illud.
 Forfitan ipse senex deplorat talia Peleus.
 Simile est huic sententiæ: Quā graui
 ter ingemiscerent illi fortes uiri, qui prop
 ter gloriam & patriæ libertatē in acie peri
 erūt. Cōfero & magna ui fluentē Pytho
 nis orationē ad hybernas niues, quarū si
 milis oratio Vlissis esse scribitur. Et illud.
 Nī foret hæc hominum natura ob
 noxia morti.

Simile est huic loco: Omnes homines na
 tura

D E M O S T H E N I S .

tura morti obnoxii sunt, etiam si quispiam conetur se inclusum in caueam seruare. Denique infinitæ sunt similes utriusque sententia. Delectat autem me & affectus, tum uehementiores tum leniores, & orationis uarietates, & metaphoræ tadium leuantēs, & tempestiui ex digressionibus reditus, & concinnæ collationes, denique totius urbanitas orationis. Et mihi sæpe uisum est (neque enim dissimulanda est ueritas) plus esse grauitatis in Demosthene castigante segniciem suorum ciuium magna libertate, quàm in Homero cum Achiuos Achaidas appellat. Et Græcorum Tragicordias grandiore sono representat quàm Homerus, qui fingit colloquia in mediis pugnis, & certamina iactu lapidis dirimit. Sæpe etiam apud Demosthenem membra suos habent numeros ac mensuras, quales sunt in poetica. Sicut neque desunt in Homero antitheses, Cōparia, figuræ asperiores aut candidiores. Nam ingenia uidentur sua sponte similes uirtutes, etiam in dissimilibus studiis gignere. Quare igitur tuam Calliopē aspernare? Quamuis

autem hanc ualde admirer; tamen mea
 causa duplo plus habet negotii quam De-
 mosthenis Encomium, non ob illam caus-
 sam, quia mihi carmen scribendum est,
 sed etiam propter argumentum, nullam
 habeo materiam satis splendidam ad in-
 choandas laudes præter ipsam poeticam,
 cætera sunt ignota, patria, genus, ætas, nã
 si hæc nota essent, nullæ extitissent inde
 dissensiones. Alii patriam ei assignant ur-
 bẽ Ionicã Colophona, alii Cumam, alii
 Chium, nonnulli Smyrnam, quidam The-
 bas Aegyptias & innumeras alias. Patrẽ
 Mæonem Lydum aut fluiuium. Matrem
 Melanopen aut aliquam nympham, siqui-
 dem humanũ genus ignoratur. Alii exi-
 stimant eum temporibus heroicis fuisse,
 alii Ionicis, nec satis constat utrum Hesio-
 dus sit antiquior. Quidam etiam conten-
 dunt prius ei nomẽ Mellissigenæ fuisse,
 quàm hoc quod nunc in usu est Homeri.
 Nec de fortuna eius aliquid cõstat, de pau-
 pertate, de cæcitate, ut satius esset fortasse
 omittere ista cum sint ignota. Valde igitur
 angusta erit Encomii materia, si nulla
 la res

DEMOSTHENIS.

lares gestæ, & carmen tantum laudandū
erit, & sapientia ex uersibus æstimanda.
Tibi uero amplissima materia ad manū,
& in promptu est dicendi de rebus certis
& celebratissimis, tantum uerbis opus est,
tanquā condimento ad obsonium para
to. Quid enim non magnum & splendi
dū fortuna Demostheni concessit? quid
non celebratissimū? nonne patria Athe
næ opulētæ & nobiles, & Græciæ propug
naculum? Quod si mihi Athenæ contigis
sent, poëtica cōsuetudine recitarem amo
res Deorum, iudicia, commigrationes,
dona, Eleusinem. Porro de legibus, iudi
ciis, cōcionibus, Pyræo, coloniis, trophæ
is, terra mariq; partis, ne Demosthenes
quidem ipse pro dignitate dixerit. Ex his
magna mihi copia suppeteret. Idq; Enco
mium nō existimarem prætermittendū
esse, cum in præceptis laudationum hoc
contineatur, ut laudes ex patriæ ornamen
tis cumulentur. Isocrates Helenæ præco
nio inseruit Theseum. Poëtis uero con
cessa est maxima libertas. Sed tu fortassis
irrideri te metuis, si initium orationis in

sto grādus sit, & uereris ne quis iuxta pro
uerbiū dicat : Epigramma maius esse ca-
latho, itaq; etiam si omittam Athenas, oc-
currer pater praeſectus claffis, aureum, ut
Pindarus ait, fundamentum. Nulla enim
Athenis maior dignitas eſt quā praeſe-
ctura claffis. Quod uero extinctus eſt De-
moſthene adhuc puero, nō eſt calamitas
iudicanda, ſed gloriae occaſio, retegens ge-
neroſam indolem. Iam Homeri institu-
tionē & ſtudia nuſquā legimus, ſed ſta-
tim oportet nos attingere poēmata eius,
cum de educatione, deq; ſtudiis eius nul-
la extent hiftoriae. Neq; licet fingere eū
& Muſis accepiſſe poëticam, ſicut de Heſi-
odi Lauro ferunt, quae ocioſis paſtoribus
poëticam inſpirabat. Tu uero Calliſtratū
habes, & longum & magnificum catalo-
gum, Alcida mantem, Iſocratem, Iſaum,
Eubulidem. Et cum innumerae illecebrae
Athenis ad ſe inuitēt, etiam illos qui ſunt
in cuſtodia patrū, cunq; adoleſcentia per
ſe procliuſ ſit ad uoluptatem, ac Demo-
ſtheni liceret propter tutorum negligen-
tiam uoluptates ſequi, tamen continuit
cum

D E M O S T H E N I S .

cum amor uirtutis ac doctrinæ, & duxit
 non ad Phrynæ ianuam, sed Aristotelis,
 Theophrasti, Xenocratis, Platonis. Hic
 poteris philosophari, duplicem amorem
 esse in animis humanis, alterum mari or-
 tum, uarium, ferocem; scilicet, uenereos
 fluctus in animo, qui mouetur ex æstuan-
 tibus cupiditatibus iuuenum, naturam
 plane marinam: alter amor est aurea ca-
 thena cœlo demissa. Hic non habet faces
 aut tela, quæ faciant lethalia uulnera, sed
 bonum furorem immittit mēibus, quæ
 sunt cognatæ Diis, incitantē ad natiuam
 & incorruptam pulchritudinis formam
 comprehendendam. Omnia hæc amori
 facilia fuerunt, tonsuræ, latebræ subterræ-
 neæ specuū, corrigere linguæ uicia, actio-
 nem in ætate uirili discere, exercere me-
 moriam, aduefacere animum ad contem-
 nendos populi fremitus, continuare stu-
 dia per diem & noctem. Vnde quis nescit,
 qualis extiterit orator Demosthenes? quo
 modo orationem uerbis & sententiis or-
 nauit, argumentis adspersit adfectus,
 quantus in copia splendor sit, quanta uis

& impetus, quanta uerecundia & parsimonia sit in uerbis & sententiis, quanta uarietas figurarum. Itaque Leosthenes inquit solum illum ex omni Oratorum numero uiuam orationem habuisse, non fabricatam malleo. Nō enim componebat orationes ebrius, ut Callisthenes Aeschylum ait Tragoedias inter pocula scripsisse, cū uino incaluisset. At Demosthenes scribēs aliquid, aquam bibebat. Et extat hac de re Demadis iocus, qui dixit alios ad aquam dicere, Demosthenē uero etiam scribere ad aquam. Et Pytheas inquit orationem Demosthenis lucernam olere. Hunc campum habes, ait ille, de Demosthene dicēdi, qui conueniet etiam ad meum argumentum, cum erit de poetica Homeri dicendum. Sed postea transibis ad benefacta, & liberalitatem & dignitatem, quam in Repub. adsecutus est. Hic cum iret conneckeretq; reliqua, plura dicturum ego interpellauī, ac ridens inquā. LVC.
Hauris ne modo tanquā balneator, ut reliqua oratione perfundas mihi aures?
THER. Etiam inquit ille, congiaria, ludos

DEMOSTHENIS.

ludos ex propriis facultatib. ultro factos, instructas naues, murum, fossam, redemptos captiuos, uirgines dotatas, cōsilia optima in Repub. legationes, leges. L V C. Cūq; incidisset in magnitudinem rerū gestarum, cœpi ridere hominem supercilia contrahentem & timentem ne deficeret eum oratio de rebus gestis Demosthenis. At fortasse me inquā m putas unum ex omnibus, qui eloquentiæ dederunt operam, nihil audisse de rebus gestis Demosthenis? T H E R. Imo ait ille, opus est nobis mutuo auxilio in scribendo, quē admodum paulo ante dicebas. Verum nisi fortasse aliter affectus es, existimo tibi perstringi oculos fulgore Demosthenica gloriæ, nec posse te tam claram lucē inspicere. Mihi quidem accidit hoc initio in Homero. Pene igitur abieceram argumentū, quia non potui intueri, postea nescio quomodo recepi in manus, & paulatim assuefeci oculos, ne reformidarent aspectum, neue quisquam me accusare possit cæcutientem in sole nothum gentis Homerica. Quanquā m tua causa fa-

cilior est quàm mea: Nam cum in Home-
 ro nihil prater poëticâ laudare possimus,
 tota illa laus simul in animo concipien-
 da est. Tibi uero cum totum Demosthe-
 nem consyderas, ingens copia se offert, ut
 dubites huone an illuc te uertas, nec pos-
 sis statuere quid primum sumere uelis, si-
 cut delicati in Syracusanis mensis, aut aui-
 di spectatores & auditores, cum uaria spe-
 ctacula & carmina offeruntur, dubitant
 quo potissimû applicent animum: Itaq;
 opinor te ex alio in aliud desilire, nec pos-
 se in una re commorari, cum te subinde
 alia ad se rapiant, uidelicet, natura libera-
 lis, ingenium ardēs, temperantia, eloquē-
 tia, magnitudo animi in rebus gerendis,
 multa & præclara facinora, fortunæ despi-
 ciētia, iusticia, humanitas, fides, audacia,
 prudētia, singulæ actiones in Repub. For-
 tasse hinc intuens decreta, legationes,
 contiones, leges, inde classes, Eubœam,
 Megara, Bœotiam, Chium, Rhodum,
 Hellepontum, Bysantium, dubitabis quo
 te potissimum uertas in tanta copia, cum
 in unaquaq; re emineat peculiare quid-
 dam

D E M O S T H E N I S .

dam laude dignum. Vt igitur Pindarus
alicubi dubitat, multa uidens sibi propo-
sita esse cum inquit.

Num mea Ismenū Meliamue nympham
Seu magis Cadmum, genus aut uirorum
Dentibus sæui genitum Draconis

Carmina dicent?
Seu canam Thebas celebres ue pugnas
Herculis? seu Bacche tuos honores?
Seu prius nunc Harmoniæ puellæ.

Dicam hymenæos?

Idem tibi accidet, ut dubites, utrū ora-
tiones an res gestas, aut eloquentiam, aut
doctrinam, aut authoritatem, aut mortē
uiri sumas laudandam. Verum non er-
raveris quicquid sumes. Si solam eloquen-
tiam elegeris argumentum copiosum ha-
bebis. Hic satis erit eum cum Pericle cō-
ferre. Nam illius fulgura, tonitrua, & acu-
leos reliētos in animis audientium, fama
tantum accepimus, sed nullæ extant eius
orationes. Quare constat eas præter actio-
nem nullam habuisse solidam aut durabi-
lem laudem, quæ promereretur admira-
tionem apud posteros. At Demosthenis

scripta extant, sed hoc relinquam tibi dicendum, si hoc argumentum tractaueris. Si cōuerteris te ad mores eius, & ad res gestas, poteris excerpere unum locum, aut ad summum duos, hi tibi amplissimam materiam suppeditabunt. Res enim sunt splendidissimæ. Quod si non uis totū argumentum pertractare, fumes partem aliquā Homeri exemplo, qui heroas ex partibus laudat, prædicat pedes, aut caput, aut comam, aut uestes, aut clypeum. Et ne Dii quidem huiusmodi laudes aspernantur, sumptas à telis, arcu, clypeo, nedum ab aliqua corporis aut animæ parte. Beneficia uero deorum nemo complecti semel potest. Itaq; neq; Demosthenes ægre feret, si uirtutes eius nō comprehenderis una oratione. Nam ne ipse quidē suas laudes omnes una oratione cōplecti posset. **LV C.** Hæc dicentē Thersagoram interpellaui. Ac puto inquā hæc te narrare, ut eloquentiam tuam apud me ostentes, cum initio tantum uolueris declarare, quantus poëta sis, nunc ostendis etiam quantum in soluta oratione ualeas. **THER.** Tum ille.

DEMOSTHENIS.

ille. Volui inquit hoc argumentum percurrere, cum uiderem te segniores esse, si tamē cura paulisper remissa audires me poēma meum recitantem. LVC. Ego uero respondi illum nō facere operæ precium, ac uide inquā, ne magis etiam perturbatū me dimittas. THER. Tum ille. Facile remedium erit, si nondū etiam tibi satisfactum est. LVC. At nescis inquā, quæ res me angat. Deinde ut medicus ignorās morbi genus, aliena remedia adhibebis. Tu enim instituisti me iuuare tanquā rudem aliquem, & nūc primum ad hæc studia accedentem, uerum hæc mihi iam olim detrita sunt. Proinde remedia tua nihil ad meam sollicitudinē faciunt. THER. At hoc inquit remedium fuerit: Trita uia tutissima est. LVC. Mihi uero diuersum inquā placebat. Aiunt Cyrenaicum quendam philosophum se aurigantem Platoni ostentasse ante Academiam, quod in eadem orbita subinde duceret & reduceret currum, nihil deerrans, ut uestigia tantum unius perpetui cursus uiderentur. Ego cōtra studeo

tritam uiam & uetera uestigia effugere.
 Verum difficile est nouam uiam relictā
 ueteri excogitare. THERS. Ad hæc
 Therſagoras ait. Placet igitur Paſſonis
 conſilium. LVC. Quod inquā. Nō
 enim audiui. THER. Tum ille. Fe-
 runt quendam cum Paſſione pactum eſſe,
 ut equum pingeret uolūtante ſe, iſte cur-
 rentem pinxit, & circa equum exuſcitātū
 puluerem. Cūq; aſtaret apud pingentē
 ille qui locauerat equum pingendum, &
 cum pictore expoſtularet, quia aliud pa-
 ctus eſſet, exhibet pictor tabulam puero,
 & iubet inuertere ac picturam illi oſten-
 dere, ita uidebatur equus in tergo iacere,
 ſeq; uolūtare. LVC. Feſtiue inquā,
 uerum putas me tot annis non ſæpe cona-
 tum eſſe, ut materiam uerterem? Ego ue-
 ro multifariam uerti ac reuerti, & uercor
 ne mihi ad extremum accidat idem quod
 Proteo. THER. Quid nam ait ille?
 LVC. Hic fertur conſumptis omnibus
 formis, quas ſolebat induere uidelicet, be-
 ſtiarum, plantarū, clementorū, rurfus pe-
 nuria peregrinæ formæ Proteus factus.
 THER.

DEMOSTHENIS.

THER. Tu inquit ille, magis varias
 formas excogitas quàm Proteus ut effu-
 gias meam recitationē. **LVC.** Ego
 uero inquàm libenter præbebo me audi-
 torem, & eiiciam curam excogitandæ ora-
 tionis ex animo. Forsan enim cum lecto
 poëmate defines partum tuū curare, me
 quoq; parturientem adiuuabis. Itaq; cū
 peruicissem tādē, sedimus in proximo
 saxo. Hic ego audio recitantē egregiū
 poëma. At inter legendum repente uelut
 furore percit⁹, clauso libro, auffer inquit
 mercedē huius auscultationis, sicut Athe-
 nis sportulæ dabantur in concionibus ac
 iudiciis. Sed uide etiam atq; etiam, ut gra-
 tiam mihi habeas, Ego ne inquàm gratiā
 habeam, cum nondum intelligam quid
 dicas? Verum quid est quod promittis?
THER. Incidi, ait ille, in domesticos
 commentarios regum Macedoniae, quæ
 res incredibilem mihi læticiam attulit,
 quare librum illum non sine magno ne-
 gocio mihi comparauī, huius mihi iam
 uenit in mentem. Continet autem cum
 reliquam interiorem Antipatri uitam,

E N C O M I V M

tum etiā quādam de Demosthene, quā cupide lecturus uideris. LVC. Ego uē ro iam inquā refero gratiam pro Euan gelio, dabo tibi operam reliquos uersus re citanti, neq; dimittam donec promissum præstiteris. Nā ut Homeri Encomio mag nifice me delectasti, ita delectabis haud du bie & Demosthenis Encomio. Postquā igitur perlegit reliquos uersus, paulisper ibi commorati sumus, donec pro poēma te debitas laudes rependerem. Deinde ad ædes Therſagoræ imus, ibi uix tandē re perit librum, sed reperit tamen, quē ego accipiens domum redii, & cum legissem, decreui nihil mutare, sed totam historiā uobis ad uerbum recitare. Non enim mi nor honos habetur Aesculapio cum Ali/ sodemi & Sophoclis uersus ei decantant, si desit nouum poēma sacrificantibus. Et Baccho iam olim desuit mos noua poēma ta faciendi, sed aliis composita non mino rem gratiam merentur, his qui ea tempe stue proferunt ad Bacchum celebrandū. Liber autē hac continebat (licet em̄ mihi interdū addere commentariū. Narratio
autem

DEMOSTHENIS.

autem libri erit). Sic igitur ait, Antipatro indicatum esse quod adesset Archias. Verum si quis adolescentium hoc ignorat, Archias fuit is cui rex mandauerat exules capere. Habebat & de Demosthene mandatum, ut nulla vi adhibita persuaderet ei, ut ex Calauria discedens, ad Antipatrum ueniret. Porro Antipater in tantam spem erectus anxie expectabat Demosthenis aduentum. Quare cum audiuiisset Archiam ex Calauria uenire, mox iussit eum intro uocari. Postquam ingressus est, sed ipse liber narret ista. ARCH. Salue Antipater. ANTI. Quid ni saluus sim siquidē Demosthenē adducis. ARCH. Adduco ut potui, nam urnam adueho in qua sunt exuuiæ Demosthenis. ANTI. Magna de spe deiectus sum, quid enim mihi cum urna & ossibus, si nō contigit Demosthenes? ARCH. Non fuit possibile rex uiuum in hostium potestatem redigere. ANTI. Cur nō in Bœotia aut hic accepistis aurum ad eum corrumpendum? ARCH. Nos uero citius Byzantium ui aut machinis, quam Demosthe-

E N C O M I V M

nē auro expugnaremus. **ANTI.** Ego Parmenio, si quis Atheniensis in cōsiliis Reipub. pluris facit me quā patriā, huic argentum offerre soleo, amicitiam nō offero. Si quis autem propter patriam mihi inimicus est, aduersus hunc bellum gerō, ut aduersus arcem, mœnia, portus, fossam. Admiror autem uirtutem, & urbem beatam esse duco, cui talis ciuis contigit. At proditores, cum eorum opera non indigeo amplius, perdere cupio. Illum autē incorruptum ciuem malim apud me habere quā equitatum Iliricum, aut quicquid est mercenariorū militū. Nec postpono his eloquentiam ac prudentiam talis uiri. Cum hæc ad Parmenionem dixisset, rursus mecum loqui cepit. **ARCH.** Ego curauī diligenter eos, qui cum Diopithe Athenas missi sunt. **ANTI.** Tu uero nobis ab Atheniensī duce aut milite metuis? Triremes, Piræus, portus, nugæ sunt. Quid enim facerēt homines in spectaculis, ludis, conuiuīis uitam omnem cōsumentes? Si unus Demosthenes nō fuisset Athenis, facilius potiti essemus urbe quā The-

DEMOSTENIS.

Thebis aut Theſſalia, dolo, ui, opprimētes
& corrūpētes. Vere unus ille uigilat in om-
nes intentus occaſiones, & noſtros obſer-
uat impetus, & inſtructus eſt aduerſus nō
ſtra conſilia. Nunquā fallere neq; inſi-
diando, neq; agendo, neq; cōſulendo poſ-
ſumus. Hic uelut murus eſt aut ſcopulus
obſiſtens, quo minus omnia primo impe-
tu capiamus. Nam quantum in ipſo fuit
nō potuiſſemus Amphipoli, nō Olyntho
non Phocenſibus, non Pylo, non Cherro-
neſo, non ora Hellesponti potiri. Ille inui-
tos incitat, & tanquā mandragora ſopi-
tos expergefacit, ac uelut ſecans & urēs ca-
ſtigat ignauiam ſumma libertate, nihil
ad gratiā dicens. Publicas pecunias quæ
antea diſſipabantur in ludis, cōfert in ſti-
pendiū, cōſcribit claſſem, quæ pene perie-
rat confuſione ueterum tributorum. Et
urbem quæ iam nihil generoſum cogita-
bat, tantū ſportulas & ſeſquidenarios cap-
tabat, reſtituit in priſtinam dignitatem,
& excitauit fractos & abiectos ciues ad imi-
tationem gloriæ maiorum, & rerum ad
Marathonem & Salaminem geſtarum.

Et Græcos inter se societate & fœderibus
 deuinxit. Hic non potest falli, non arte de
 cipi, corrûpi uero nō magis potest, quàm
 Aristides à rege Persarum corrumpi po
 tuit. Hunc igitur Antipater magis formi
 dare oportuit, quàm omnes Triremes
 & uniuersam classē. Quod enim apud
 ueteres Athenienses Themistocles & Pe
 ricles fuerunt, id nunc est istis Demo
 sthenes, prudentia par Themistocli, mag
 nitudine animi Pericli. Itaq; redegit in
 ipsorum potestatem Eubœam, Megara,
 oram Hellesponti, Bœotiam. Et foeliciter
 accidit quod Athenienses Charetem, Dio
 pithen, & Proxenum, & similes quosdam
 præficiūt exercitui, Demosthenem uero
 domi retinent in suggestu. Quod si hic in
 potestate haberet arma, naues, exercitus,
 occasiões rei bene gerendæ, & pecuniam;
 uererer ne de Macedonia iam periclitare
 mur. Nunc enim decretis tantū pugnans
 nos undiq; adoritur, occupat, conficit pe
 cuniam, exercitus. Sed cur non compre
 hendistis uiuum? A R C H. Cœpimus
 uiuum. A N T I. Num in itinere extin
 ctus

DEMOSTHENIS.

stus est? ARCH. Non, sed in Calauria

ubi erat. ANTI. Forſan hoc accidit

negligentia ueſtra, quia non bene tracta-

ſtiſ hominem? ARCH. Imo nō fuit

in poteſtate noſtra. ANTI. Quid aiſ?

mera ſunt ænigmata quæ dicis, uiuū cō-

piſtiſ, nec tamen fuit in poteſtate ueſtra.

Non mandaſti initio ne quiſ ei uim affer-

ret? ARCH. Nihil profuit q̃ nemo ei

uim attulit. Hoc enim curæ nobis fuit.

ANTI. Non accidit igitur ueſtra negli-

gētia, ſed fortāſſe uoſ ipſi interfeciſtiſ eū.

ARCH. Non interfecimus, neq̃ opus

erat ei uim afferre, cum uerbis impetrare

muſ, ut imperata faceret. Quid autem

prodeſſet, ſi uiuum adduxiſſemuſ? quid

facereſ de eo aliud quā m̃ q̃ occideret?

ANTI. Dii meliora Archia, non ſatiſ

animaduertiſti, aut qualiſ uir fuerit De-

moſthenes, aut quod meum ſit de hiſ iu-

dicium. Sed putas perinde eſſe, Demoſthe-

nem inuenire & hoſ proditoreſ, qui male

perierunt, Himeræum, Ariſtonicum, Eu-

craten, qui nihil differunt à fluctibuſ, qui

perpetuo huc atq̃ illuc agitantur, homi-

,, nes sordidi, qui per occasionem subito in
 ,, tumultibus inclarescunt, & ad leuem spem
 ,, motus alicuius ualde insolentes, ac super-
 ,, bi fiunt, uerum breui tanquàm uesperti-
 ,, ni flatus metu perterriti diffugiunt. Num
 similem putas Demosthenem improbo
 Hyperidi? perfido assentatori uulgi? quē
 non puduit iniquo iudicio Demosthenē,
 ut gratiam apud uulgus iniret, circūueni-
 re, & assentari multitudini, ea in re cuius
 statim illos poenituit, Etenim nō multo
 post hanc calumniam, contigit ei reditus
 clarior reditu Alcibiadis. Istum autem ni-
 hil puduit lingua incessere hoīes quondā
 amicissimos, quam conueniebat ei prop-
 ter ingratitudinem præcidere. ARCH.
 Quid audio, non oderas Demosthenem
 maxime omnium hostium? ANTI.
 Non, siquidē rationē habeā morū & fidei
 eius, & amem ubiq; integritatē, & cōstan-
 ,, tiam. Nam honestæ res etiā apud hostes
 ,, honestæ ducendæ sunt, & uirtus ubiq; di-
 gna laude est. Neq; uelim esse deterior
 quàm Xerxes, qui Bulidi & Sperchidi La-
 cedæmoniis pepercit, propter admiratio-
 nem

DEMOSTHENIS.

nem uirtutis eorum, cum posset eos occidere. Ego uero, si quem alium Demosthenem maxime admiratus sum, tum quia bis cum eo Athenis congressus sum, tum quia eius laudes ex aliis cognoui. Neque uero tantum propter eloquentiam (ut arbitretur aliquis) magnifeci eum. Quanquam Python ad hunc collatus nullus erat, & Attici oratores ludus erant cum isto congressu, tantum uincebat actione, sono, compositione, sententiarum luminibus, densis argumentis, conciliandis & impellendis animis. Itaque ualde poenituit nos consilii, cum Græcos Athenas conuocassemus, ut Athenienses obiurgaremus, freti promissis Pythonis. Sumus enim circūuenti Demosthenis argumentis, qui erat insuperabilis in dicendo. Sed hanc eloquentiæ laudem nō duco in illo summam fuisse, erat enim organi uice, sed magis admiratus sum eum propter magnitudinē animi, & consilii, & constantiæ, quam in periculosis tempestatibus retinebat, nunquam cedens aduersis rebus. At meminisse Philippum de illo sic sentire, qui cum

afferretur quædam contio, in qua Demo-
 sthenes in Philippū inuectus erat, & Par-
 menio uehementer stomacharetur, & De-
 mostheni cōuiciaretur, hic uir inquit dig-
 nus est, quem libere loqui sinamus. Nam
 huic uni omnium Græciæ oratorum ni-
 hil fertur expensum in meis rationibus,
 cum quidē ego malim ei cōfidere quàm
 naualibus scribis. Nullus est autem istorū.
 cui non inuenias in meis rationibus per-
 scriptum esse aurum, ligna, redditus, agros,
 at Demosthenes classes armat, comparat
 exercitus, & subinde reparat. Talia dice-
 bat ad me Philippus, tūc & sæpe aliās de
 hoc uiro. Et in quadā fœlicitatis suæ par-
 te numerabat, quod Demostheni non es-
 set commissa summa imperii apud exerci-
 tum, cum omnia sua consilia perturbare-
 tur illius orationibus, quæ ex Athenis ue-
 lut arietes, uel catapultæ mittebantur. De
 pugna ad Chæroneā facta, nec post uicto-
 riam desiit prædicare, quantū hic uir cre-
 asset periculū ipsi. Nisi em̃ præter spem,
 inquit, propter ducum inscitiam, & acie
 male instructam, & insperatam fortunā,
 quæ

D E M O S T H E N I S .

quæ multa nobis conficere solet, uiciffemus, uno die non modo regnum, sed & uitam meam, in discrimen adduxerat. Coniunxerat potētissimas urbes, coëgerat omnes uiros Græciæ, Athenienses, Thebanos, Bœotios, Corinthios, Eubœenses, Megarēses, & effecit ut periculum simul omnes ciuitates subirēt, & mihi transitum in Atticam interclusit. Tales erant huius de Demosthene sermones perpetuo, & cum diceretur ad eum quod magnum antagonisten haberet populum Atheniensem, respondere se unum habere antagonisten Demosthenem. Nam quod absq; Demosthene sit Athenienses similes esse Aeniensium & Thessalorū. Et quādo legatos ad urbes mittebat, si quos alios miscrant Athenienses, facile uincebat ipse, sed Demosthene præsente, frustra inquit, se legatos mittere. Non enim possunt contra Demosthenis eloquētiā erigere trophæū. Sic Philippus dicebat. Itaq; ego, qui quidem lōge inferior sum Philippo, si cōpissim talem uirum, num uelut bouē ad cēdem abducerem? an uero potius in confi-

lium de toto regno Graciæ constituendo
 adhiberem? Nam initio natura ei bene
 affectus fuit, propter res eius gestas, ac ma-
 gis propter Aristotelis testimonium, qui
 solebat eum sæpe ad Alexandrū & ad nos
 ducere. Et cum tot essent, qui ad eum ueni-
 re consueuerant, neminem sic admirabatur
 propter magnitudinem ingenii, temperā-
 tiam, grauitatem, acumen, libertatem &
 tolerantiam. Vos inquit Aristoteles simi-
 lem putatis esse Demosthenem Eubulo,
 Phrynoni, & Philocrati, & conamini hūc
 quoque pecunia corrumpere, qui uniuersum
 patrimoniū in Atheniēses priuatim & pu-
 blice cōtulit. Et quia nihil proficitis pecu-
 nia, minas adhibetis, cum iste nihil du-
 bitet pro patria mortem oppetere. Et si
 quid in uobis reprehendit, ægre fertis. At
 ille ne populum quidem metuit. Non ui-
 detis eum amore patriæ Rempub. gerere
 ac ducere, hanc administratiōe tanquā
 philosophiæ ac uirtutis scholam quandā
 esse, quam non conueniat ad quæstū aut
 alias cupiditates conferre. Propterea Ar-
 chia ualde optarem mihi eius consuetudi-
 nem

nem contigisse, ut cōsilio eius uti possim
in præsentia, & audire uocem liberæ men-
tis, tot alioqui circumfusus assentatoribus.
Ac mihi sane uidet hoc nomine reprehen-
dendus esse quod uitam suam in discrimē
adduxit pro tam ingratis ciuibus, cū pos-
set alios inuenire amicos fideiores & con-
stantiores. ARCH. Alia quidem recte
dixisti, sed hoc frustra dixisses illi, adeo fu-
rebat amore patriæ. ANTI. Sic est,
quid enim manifesta negem, sed quomo-
do mortuus est? ARCH. Magis etiā
mireris eum si hoc scias. Nam & nos qui
adfuimus, nō minus obstūpuimus quā
alii spectatores. Videtur enim iam olim
apud se cōstituisse de hoc exitu uitæ, quod
intelligi potest ex apparatu. Sedebat enī
intus in templo, ac frustra superiorib⁹ die-
bus, cum eo collocuti eramus. ANTI.
Quales fuerūt uestri sermones? ARCH.
Multa humanissime proponebā, promit-
tebam ei ueniam abs te, nō sane expectās,
non enim noram hanc tuam uoluntatē,
sed arbitrabar te huic uehementer iratū
esse, tantū ista dicebam persuadēdi causa.

ANTI. Quomodo accepit ille uestram
 orationem? & nihil me celes. Vellem enim
 me coram audiuisse, sed tu nihil omittas.
 Magna res est tanti uiri mores sub exitū
 uitæ cōtemplari, utrum spiritus defecerit,
 utrum expalluerit, an cōstantiam animi
 retinuerit. ARCH. Nullam significa-
 tionē pauoris edidit. ANTI. Quomo-
 do? ARCH. Suauiter enim risit, ac lu-
 sit in priorem uitā meam, dixit me ineptū
 histrionem esse tuorum mendaciorum,
 nec posse cōmouere spectatōrē. ANTI.
 Itaq; non credens tuis promissis despon-
 dit animum. ARCH. Non, Quod si
 audies reliqua, nō tantū uidebis fidē nō
 habuisse, sed etiam acrem obiurgationē
 attigisse. Dicam enim quia iubes. Nō in-
 quit indignum est aut nouū Macedoni-
 bus sic capere Demosthenem, ut Amphi-
 polim, Olynthum, Oropum. Talia multa
 dixit. Adhibuimus enim scriptores, qui eius
 dicta exciperent. Ego, inquit, metu tormē-
 torum, aut mortis non moueor, ut spe ui-
 tæ proposita promittā me ad Antipatrū
 uenturum.

DEMOSTHENIS.

uenturū esse. Sed si hæc uera sunt quæ dicitis, multo magis cauere debeo ne mens mea uideatur ab Antipatro corrupta, neue uidear deseruisse ordinem, in quo ad Græciæ defensionem collocatus sum, & transfuga factus, ad Macedones concessisse. Si mihi honeste est uiuere, Pyræ⁹ præbeat & Triremis quam instruxi, & murus, & fossa, meo sumptu facta, & trib⁹ Pandionis, cuius causa ultro ludos feci, & Solon, & Draco, & libertas conciuiū, & liber populus, & decreta & leges classium, & maiorū uirtus ac trophæa, & ciuium beneuolētia, qui me sæpe coronauerunt, & Græcorum authoritas qui hæten⁹ à me seruati sunt. Quod si mihi uita debeat contingere alterius misericordia, quāquā id turpe est, tamē hoc beneficiū malim accipere à meis ciuib⁹, quorū redemi captiuos, aut à patribus, quorum elocaui filias, aut quibus donauī pecunias. At si me nec insulæ imperium nec mare defendet, petam ab hoc Neptuno auxiliū, & ab hac ara, & à sacris legibus. Sin autem Neptunus non potest defendere immunitatem templi, nec pu-

E N C O M I V M

det eum prodere Demosthenem Archiæ,
 moriar, nec mihi Antipater pro Deo co-
 lendus erit. Liceret mihi amiciores habe-
 re Macedones quàm Athenienses, et frui
 fœlicitate uestra, si imitari uellê Callime-
 dontê, Pytheam & Demadê. Liceret ani-
 mum uel sero mutare, nisi uerecundia Co-
 dri & filiarum Erichtei prohiberet. Non
 igitur uolui transfugam fortunam sequi,
 „ Honestum enim effugium mors est, quæ
 „ est extra omne periculû turpitudinis. Et
 nunc Archia, quantû in me est, non uolo
 dedecorare Athenas, seruitutem accipiês
 abiecta libertate, in qua mori est honestis-
 simû. Verum conuenit te meminisse Tra-
 goediarum, nonne grauius dictum est:
 At illa iam moriens tamen
 Decenter ut caderet cauebat sedulo.

Hoc cum fecerit puella, quanto turpius
 erit Demostheni præferre inhonestâ uitâ
 honestæ morti: ac obliuisci Xenocratis
 & Platonis disputationum de immortali-
 tate animarum. Addidit etiam quædam
 inuectus in eos qui calamitatê exprobrât.
 Verum quid attinet me nunc recitare, cû
 ego

DEMOSTHENIS.

ego ad extremū partim præcarer, partim
 minas adhiberē, & blandiciis terrores mi
 scerē. Ego inquit ille persuaderi mihi pa
 terer, si Archias essem, sed quoniam De
 mosthenes sum, peto ut ignoscas mihi,
 qui non consueui inconstans esse. Hic cū
 eum ui abducere uellē, idq; ipse sentiret,
 cœpit me irridere, & Deum aspiciens, ait,
 Archias putat tantū arma & exercit⁹ præ
 fidia uitæ esse, & meum apparatus cōtem
 nit, quē expugnare neq; Illyrici neq; Tri
 balli, neq; Macedones possint. Firmior
 est enim quàm ille murus ligneus, quem
 olim nobis Apollo respondit inexpugna
 bilem fore. Nam ut prudentia me in ad
 ministratione Reipub. securum præstitit,
 ita me aduersus Macedones securum red
 det. Nunquā formidaui Eustimonē,
 aut Aristogitonem, aut Pytheam, & Calli
 medontem, aut Philippū, neq; modo hūc
 Archiam formido. Cum hac dixisset, Age
 inquit, ne afferas mihi uiolentas manus,
 non enim prophanabo templum quan
 tum in me est, salutato Deo spōte sequar.
 Ego sic sperabam facturum, cum ille ma

ENCOMIUM DEMOSTHENIS.

num ori admouet, neq; ego suspicabar eū aliud facere quā orare deos, sed quid egerit, postea ex ancilla per tormenta cognouimus, diu eum habuisse paratum uenenum, ut morte libertatem redimeret. Neq; extra templi limē peruenerat, cum lapsus inquit, hoc cadauer ad Antipatrū uehes, Demosthenem uero nō uehes, nō per. Et uidebatur suo more iuraturus per illos qui in Marathone occubuerunt, sed ualedicēs auolauit. Hunc ego finem Rex afferro expugnati Demosthenis. **ANTI.** Demosthenis scilicet. O inuictum animum & beatum, quā generosum facinus. Prudentia est in manu retinere libertatis possessionem. Sed decessit uiicturus in beatorum insulis apud heroas, ut dicitur, aut in cōlū peruenturus, ut Deus factus comes sit Iouis liberatoris. Corpus uero nos remitemus Athenas, futurum honestius ornamentū patriæ, quā illi qui in Marathone occubuerunt.

Clarissimo

CLARISSI

MO VIRO D. DOCTORI CHRISTO

phoro Turco Iurifconsulto Cancellario Prim-

cipis Moguntini, suo patrono.

Georgius Sa-

binus.

CVM tua facundæ mihi gratia cognita lingue
Esset, & ingenij dextera fama tui,
Nec meus auderet sine Mœcenate libellus,
Solutus ad ignotas Principis ire fores,
Commendata tuo mea scripta fauore putabam,
Posse sacro tanti Præfulis ore legi.
Ergo uir eloquij clara celeberrime fama,
Te iuuenis supplex uersibus oro meis,
Hic liber ingenuo tibi si candore probatus,
Dignus honorato Principe uisus erit,
Vt nostra exhibeas illi non noxia scripta,
Mollia cum sandi tempora nactus eris.
Hæc noua quæ lacijs oratio reddita uerbis,
Græca sed, a summo Rhetore scripta, fuit,
Suadet, ab Herculeo Macedum Rex natus Amynta,
Aduersus patriam ne ferat arma suam,
Vertat in externas sed bella domestica gentes,
Argolico subdens Persica regna iugo.

Sic tuus hoc utinam discordi tempore Princeps,
Caesaris ingenium flectere mite queat,
In patria gratæ conseruet ut oia pacis
Bellaq; cum diro iusta latrone gerat.
Qui Ducis Austriaci tot cladibus afficit urbes,
Vastat & hostili Pannonia regna manu,
Seq; triumphato moturum uictor ab Istro,
Ad liquidas Rheni castra minatur aquas.
Si mea nunc igitur te iudice scripta placebunt,
Atq; uidebuntur Præsule digna tuo,
Quem damus, augusta precor hunc de pace libellum
Ut tua propenso lingua fauore iuuat.

REVE

REVEREN^o

DISSIMO ET ILLVSTRISSI^o

mo Prin. ac D. Domino Alberto Cardina

li. Electori, Archiepis. Mogūino, Madebur

genſi, Primati Germaniæ, Adminiſtratori

Halberſtadenſis Eccleſiæ, Marchioni

Brandenburgenſi, Principi Pome

ranæ &c. Domino ſuo cle

mentiffimo, Georgi

us Sabinus

S. D.

QUANTVAM nulli iuſtius dedi
cāt ſua ſcripta, Clariffime Princeps,
ſtudioſi omnes, quam tibi, quia uix
quiſquam aliſus principum melius intelligit
ſtudia, aut benignius fouet eruditos, quā tu,
ramen ego præter hanc cauſam, & aliā quā
dam in hoc opere tibi dedicando propriam
ſequutus ſum. Exhibeo enim tibi orationē
Iſocratis, in qua uir illis temporibus autori
tatis ſummæ in uniuerſa Græcia, & concor
diæ publicæ cupidiffimus, hortatur Philip
pum Regem Macedonū, qui ad id tempus
bellum cum Athenienſibus geſſerat, ut pacē
cum Græcis ciuitatibus omnibus faciat, &
conſtituta domi concordia bellum in Aſiam
una cum ſocijs transferat, & nō modo Græ
cos, ſed etiam patriam metu ſeruitutis libe
ret. Imperabant enim eo tempore in Aſia

D 3

EPISTOLA NVN.

Persæ, qui colonias Græcorum crudeli seruitute oppressas tenebant, quicq̃ sæpe in Europam traiecerant, & Græcos maximis cladibus affecerant, & quotidie bellum uicinis gentibus in Europa denunciabant. Itaq̃ grauissime commemorat Isocrates hanc futurā esse rem maximo Rege, ac sc̃elicissimo Imperatore dignam, si constituta domestica concordia ciuibus ac socijs parcat, & pro patria aduersus externos ac Barbaros bellū gerat. Ac profecto diuinitus admonet Isocrates, se si quid boni dixerit, non esse authorem existimandū, quia confectus senio propter ætatis imbecillitatem res r̃aras perspicere nō potuerit, sed Deum subiecisse, sollicitū de Græciæ salute & uolentem Græcos præsentibus malis tandem liberare, & Macedonum gloriam augere. Nam hac oratione, ceu fatali uoce, Persicum regnum concidit. Philippus enim authoritate huius orationis excitatus, omnia ad tantum bellum necessaria comparare cœpit, sed morte impeditus successionē huius gloriæ filio Alexādro reliquit, quē Græci scribunt, & si domesticis bellis implicatus erat, tamē hac oratione lecta accensum esse, ut rebus domi compositis, citius in Asiā traiecerit. Hanc orationem cum his proximis diebus legerem, & illorum temporum motus cum præsentibus conferrem, non inuitus latinā feci, sperans multos bonos ui-

C V P A T O R I A

ros de Repub. cogitantes, libenter eam lectu-
ros esse. Tibi autē præcipue dedicaui, quod
uidere mihi quandam in ea imaginem tuo-
rum consiliorum uidebar. Nam ut Isocrates
Philippo, ita tu Philippi filio Carolo Cæsa-
ri, qui & imperij fastigio & sceleritate, par est
illius Philippi filio Alexandro, author esse
soles, ut constituta domi concordia pium &
necessarium aduersus externos hostes bel-
lum suscipiat. Cuncti alij nonnulli incitent
optimum principem aduersus patriam, nō
obscurè cognouimus te authoritatem tuam
omnem ad pacem tranquillitatemq; Germa-
niæ conferre. Quod quidem hoc tuo loco
dignissimum est & Deo gratissimum, & a bo-
nis ac prudentibus uiris ad omnem posteri-
tatem amplissimis laudibus uehetur. Nam
hoc tuum beneficium latissime patet. Cum
enim tales extiterint in hac Natione contro-
uersiæ, ut sine summo periculo ecclesiæ diu-
dicari armis non possint, si res non agetur ci-
uilitè, sed uiolentiis consilijs, nulla ad poste-
ros ecclesia, imo ne posteritas quidem futu-
ra uidetur ulla. Proinde omnium in te bo-
norum uirorum oculi in uniuersa Germa-
nia coniecti sunt, a te secundum Deum pa-
cem atq; salutem expetunt. Quid autem tibi
inter homines maius atq; gloriosius his iudi-
cijs bonorum contingere queat, quibus ti-
bi tribuitur tantum, ut in summo periculo

EPIST. NVNCVPA.

plurimum Reipub. præsidij in tua uirtute ac sapientia positum esse credatur. Ego igitur, ut hanc de te nostri ordinis opinionem cognosceres, Isocratem ad te misi, qui uidelicet hac ipsa de re interdum pro nobis tecum quasi colloqueretur, & nostra studia ac salutem nostram tibi commendaret. Cuius orationem, ut spero, cum intelliges cum tua sententia congruere, non aspernaberis. Porro quemadmodum ipse Isocrates inquit, Deum sibi consilij authorem fuisse, qui Græcæ calamitatibus afficiat, eaq; præsentibus malis liberare cupiat, ita speramus te quoque diuinitus ad pacis consilia duci, & precamur, ut Christus ea guber-

net ac fortunet. Bene uale. Anno

M, D, XXXIII,

ORA

ORATIO

ISOCRATIS AD PHILIPPUM

Regem Macedonum, de concordia domi
constituenda, & bello transferendo in Asiam
contra Barbaros, conuersa ex Græca
à Georgio Sabino Bran
deburgenfi.



EMIRERIS
Philippe quod in-
cipio, quasi de Am-
phipoli dicturus,
nec sumpsi exor-
diū propriū huic
orationi, quæ nūc
tibi recitabitur, de

qua antequam dicendi initium faciam,
pauca præfabor, ut tibi aliisque manifestū
reddam, me neque errore aliquo neque dely-
rio impulsū esse, ut ad te scriberē, quan-
quam fortassis aliqua ex parte ætas etiam
impulit. Cum enim ex isto bello Amphipol-
itano magnam tibi & ciuitati uiderē
impendere calamitatem, dicendum mihi
de hac urbe & regione putaui. Porro ni-
hil tale dicere uolui, qualia uel à tuis ami-

Occasio
scribendi.

Philippus
bellū gesse
rat cū Athe-
niensibus p-
pter Am-
phipolim.
Id cū esset
dissuasus
rus Isocra-
tes, et hanc
orationē in-
stituisset, in-
tellexit pa-
cē ab utris-
que factā es-
se. Hanc pa-
cificationē
initio com-
probat &
laudat.

D,

ORATIO ISOCRATIS

cis, uel à nostris Oratoribus dicuntur, sed quàm longissime dissidentia ab istorum opinionibus. Illi enim inseruientes affectibus uestris ad suscipiendum bellum uos hortati sunt. Ego autem nihil pronuncians de cōtrouersia, orationem institui, quam maxime utilē existimabam esse faciendæ paci. Dixi uos utrinq; frustrari expectatione uestra. Tu enim gerendo bello ea occupare cupiebas, quæ nos nostro bono amisuri eramus. Et uicissim urbs nostra bello gerendo tuam potentiam augebat. Nam tibi quidē proderat tenere Amphipolim, nobis autē retinere non proderat. De hac re ita uisus sum uerisimilia dicere, ut oratio plus haberet admiratiōis propter rerū ueritatem, quàm propter elegantiam sermonis. Et existimabant omnes nullū finē bellorum fore, nisi tu persuasus his rationibus urbis nostræ societatem atq; amicitia pluris faceres, quàm uestigalia ex Amphipoli reditura. Et uicissim urbs nostra hoc experimento docta, disceret quod nō cōducatur tales colonias deducere aut defendere. Sed ea loca quærenda esse quæ uici-

NOS

DE PACE PRIMÆ

nos habent ad seruitutem assuefactos, nō
 formidabiles, aut imperii cupidos. Sicut
 & Lacedæmonii Coloniam Cyrenas de-
 duxerunt ad homines imbelles. Ad hæc
 ostendebam te ad pacem faciendam, & hac
 ratione moueri debere, quod hanc regio-
 nem titulo tenus tantum nobis traderes,
 cæterū re ipsa tu retineres, & insuper be-
 neuolentiam nostrā acquirerēs. Nam tot
 obsides nostræ amiciciæ accepturus esses,
 quot in ditionem tuam colonos mittere-
 mus. At ciues nostros ostendebam hac ra-
 tione moueri debere, ne cuperēt retinere
 Amphipolin, quod si retineremus, coge-
 remur propter nostros colonos magis te
 colere, q̃ ullos unquā coluimus propter
 agricolas in Cherroneso. Cum autem res
 urbis nostræ sic se haberent, ut ego dixi,
 isti qui audierūt orationem, sperabant ea
 edita, uos mutato cōsilio bellum composi-
 tuos, & de pace atq; utilitate cōmuni deli-
 beraturos esse. Hæc siue stulte, siue impru-
 denter cogitata sunt, culpa illorū erit, qui
 me ad editionē hortabant. Ego dū in hac
 oratiōe apparāda uersor, priusq̃ eam absol-

O R A T I O I S O C R A T I S

ui, accepi uos pacem fecisse, quod sapiēter
 à uobis factum est. Nam quoquo modo
 componi rem magis proderat, quàm in
 his malis uersari diutius, quæ bellum affe-
 rebāt. Porro maxima læticia affecit me de
 cretum de pace facta, & arbitratus non so-
 lum in rem nostram, sed etiam tuam atq;
 aliorum Græcorū omnium fore, non po-
 tui ab incepto desistere, aut deponere cu-
 ram adhortandi uos ad concordiam. Cō-
 syderabamq; quomodo inchoatam pacē
 retinere possemus, ne urbs nostra pertæsa

Facta pace breui ocium rursus alia bella concupisce-
 inquit, se ret. Hæc singula mecum reputans, inue-
 ideo hanc ni nulla alia ratione ipsam quiescere pos-
 orationem se, nisi potētissimæ urbes omissis priuatis
 istituisset, ut discordiis, bellum in Asiam transferant,
 ostenderet & imperium quod nunc in ipsos Græcos
 & qua ra- & exercet, illud sibi in Barbaros parare ue-
 tiōe simul exercent, quemadmodū & in Panegyrica ora-
 conseruari lint, Græcię trā tione cōsului. Cum autem consyderarem
 Græcię trā tione cōsului. Cum autem consyderarem
 qllitas pos- hæc, & arbitrarer nullum aliud inueniri
 set, & libe- posse argumentū, neq; præstantius, neq;
 rari a metu cuius utilitas latius pateret, ego denuo de
 Persicæ ty- eadem re scribere adductus sum, nō igno-
 rannidis, rans

DE PACE PRIMÆ

rans ingenii mei imbecillitatem, sed sciebam, quod hæc oratio nō conueniret ætati meæ, sed uirum requireret florentē ætate, & ingenio longe aliis præstantem. Ad hæc intelligebam, quàm difficile esset duas orationes eodem argumēto edere, maxime cum prior ita scripta sit, ut æmuli nostri imitentur eam tanquàm exemplum, ac magis admirentur, quàm ulli istorum qui nostri studiosissimi sunt. Ego tamen facile despexi omnes difficultates, & in ultima senectâ adeo ambiciosus fui, ut ad te scribere instituerem, quo ostenderem & tuis Oratoribus, & nostris, quod ad populū habere conciones perinde sit, ac si quis ad neminem habeat orationem, quodq; tales contiones perinde sint inutiles, ac Sophistarum libri de Rebuspub. scripti. Sed qui prodesse uolunt, existimantes se utile consilium reperisse, permittant sane aliis, ut ad populū concionentur. Verum ipsi quærant certum aliquem lectorem principem uirum, sapientia, uirtute, & opibus præstantem. Hoc cum cogitarē, decreui ad te scribere, non ad aucupandā

Quare proprie ad Philippū scri-

O R A T I O I S O C R A T I S

gratiā, quanquā magnopere optarim tibi orationem meam non ingratham fore. Sed non fuit hæc consilii mei ratio. At uidebam alios præclaros uiros, qui tenent Respub. nullam potestatem habere aliud faciēdi, quā quod ipsis commissum est, nec esse pares his rebus, de quibus orationem institui. Tibi uero soli magnam potentiam & fortuna datam esse, qui & mittere legatos, ad quoscunq; uoles, possis, & accipere & quibusuis. Tum consulere id quod utile fore existimaueris. Præterea tantum imperium & opes possidere, ut nemo Græcorum sit tibi conferendus. Quæ res in utramq; partem magnam uim habent, & ad persuadendos & ad cogēdos homines. Et utroq; opus habent hæc quæ dicturus sum. Consulam enim tibi, ut constituta inter Græcos concordia expeditio nem aduersus Barbaros una cum ipsis suscipias. Quod si Græcos ad hoc bellum suscipiendum persuaseris, erit hoc & tibi priuatim honorificum, & publice utile. Hæc igitur totius orationis est summa. Nolim autem te ignorare, quod quidam me conuenerunt,

Propositio
& summa
totius ora-
tionis.

D E P A C E P R I M A .

uenerunt, quibus improbari meum consilium animaduerti, qua de re oportere fieri te certiores arbitror. Cum enim indicassem eis, quod orationem ad te missurus essem, non in laudes, neque praekoniam rerum a te gestarum compositam. Hæc enim alii celebrabunt, sed qua te hortarer ad res longe amplissimas, quarum & honestas & utilitas latius pateret, quam quas hactenus concupiuiisti, adeo ueriti sunt ne delirare uitio ætatis, ut obiurgare me ausi sint, cum prius me increpare nunquam soliti essent. Dicebant me inepte facturum esse, qui Philippo de rebus suis deliberandis orationem missurus essem, qui etiam si prius se opus habere consilio alicuius putarit, tamen gestis rebus tantis non minus ualere consilio, quam alii uideatur. Deinde & Macedonum habet prudentissimos apud se, quos uerisimile est, etiam si aliarum rerum rudes sint, tamen id quod illi magis conducit, rectius intelligere quam te. Præterea uero uersantur apud eum multi Græci, non ignobiles uiri, neque stulti, quorum ille consilio usus, non diminuit regnum, sed res

Occupatio, ne uideatur oblitus decori quod tanto regi consilium promittat.

O R A T I O I S O C R A T I S

gessit tantas, quantas optare uix ausus es-
 set. Quid enim nō successit ei ē nōne Thef-
 salos, qui Macedoniam prius infestabant,
 ea deuinxit sibi familiaritate, ut quilibet
 illorū maiorē ei fidem quā propriis ci-
 uibus habeat? Vrbes autem finitimas, par-
 tim beneficiis ad suam societatem pertra-
 xit, partim funditus euertit. Magnetas &
 Perrhebaeos, & Pæonas deuicit, & oēs sube-
 git. Totius uero multitudinis Illyriorum
 præter hos qui Adriam accolūt, uictor ac
 domin⁹ factus est, deinde in tota Thracia,
 quos uoluit præfectos constituit. Talē pro-
 fecto uirum, quiq; tanta gessit, non putas
 iudicaturum insigni hunc stultitia prædi-
 tum esse, qui libellum miserit, & existima-
 turum, istum neq; decori rationem habe-
 re, neq; consilia sua intelligere. Hæc post-
 quā audiui, quam perturbatus initio fu-
 erim, & quomodo me colligens rursus, ad
 singula quæ obiiciebantur responderim,
 prætermittam, ne uidear animi causa il-
 los exagitare. Cum autē satis refutassē il-
 los, meo iudicio, tandē pollicebar me ora-
 tionem solis ciuibus exhibiturum, & nihil
 aliud

DE PACE PRIM A.

aliud de hac quàm quod ipsis uideretur fa-
cturum esse. His auditis abierunt, nescio
quomodo affecti. Post paucos uero dies,
absoluta oratiōe atq; exhibita illis, ita pri-
orem sententiam mutauerunt, ut suæ
temeritatis eos puderet. Poenitebat autē
eos omnium quæ dixerant, nullaq; unq;
in re magis se errasse fatebātur, ac magis
impellebant ad mittendam hanc tibi ora-
tionem. Dicebant enim quod sperarent,
nō solum & ciuitatem mihi pro oratione
gratiam habituram esse, sed etiam uniuer-
sos Græcos. Hanc ob causam ista tibi com-
memorauī, ut si quid initio orationis esse
uideatur tibi, aut non probabile, aut im-
possibile, aut quod te facere nō deceat, ne
molestè ferens omittas quæ sequunt, nec
idem accadat tibi quod familiarib⁹ meis,
sed æquo animo perseueres, dum finē to-
tius oratiōis audias. Ego enim me de his
rebus dicturum esse confido, quæ decent
& expediunt tibi. Atqui non latebat me,
minorem uim in scriptis esse, quàm in ui-
ua uoce, propterea quod omnes existimāt
in seriis & necessariis negotiis consilium

Exaggerat
difficultatē
instituti, q̃
scripto po-
tius cogat
quā uo-
ce consiliū
dare.

O R A T I O I S O C R A T I S

uiua uoce dari, scriptas uero orationes tā-
 tum ad ostentationem & quæstum com-
 positas esse. Et recte sentiunt. Ociosa enim
 uidetur oratio destituta authoritate dicen-
 tis, destituta uoce, & uarietate actionis, quā
 non adiuuat etiam inter agendum occa-
 sio & sollicitudo & motus animorum in re
 præsentī. Deinde quam legit aliquis absq̃
 cura nullū sensum addens uerbis, sed tan-
 quā numerans, merito frigere iudican-
 da est. Et ob hanc causam uereor, ne præ-
 sens oratio minus ponderis habitura sit.
 Neq̃ enim dictionē ipsam numeris & fi-
 guris ornauimus, quibus utebar iuuenis
 si quid edidi, per quæ suauior simul proba-
 biliorq̃ redditur oratio, quorū nihil am-
 plius propter ætatem possum. Sed sufficit
 mihi tantum si ipsas res potero simplici-
 ter commemorare. Verum & tibi tali ui-
 ro cōuenire puto, ut magis rem, quā ge-
 nus orationis cōsyderes. Et sic optime iu-
 dicabis, an aliquid dicam, quod nō sit uti-
 le, si remoueris Sophistas, neq̃ cauillatio-
 nes eorū audieris. Singula autē animo
 cōsyderans expende, neq̃ id obiter aut seg-
niter

DE PACE PRIMA

niter facito, sed cum ratione ac sapientia, qua & prædicitum te esse dicunt. His enim adhibitis magis quam opinione multorum, rectius de ipsis iudicaueris. Hæc igitur sunt, quæ ducebam tibi præfanda esse. Iam uero ipsam rem aggrediemur.

Sic enim statuo te, neque tua negligere debere, & in pacanda Græcia hoc efficere, ut in cōcordiam reducas urbē Argiuorū, & Lacedæmoniorum & Thebanorum, & nostram. Si enim has reconciliare inter se poteris, nullo opinor negotio, & alias cōcordes feceris. Nam omnes adharēt istis, & confugiunt si quando metuunt, ad quā cūque earum possunt, & auxilia inde petūt. Quod si quatuor urbibus solum persuaseris, ut cōcordes fiāt, & reliquas multis malis liberabis. Scias autē quod nullam oportet te contemnere, si merita earum erga maiores tuos considerabis. Inuenies enim in unaquaque plurimam erga uos beneuolentiam magnaque officia extare. Argos est tibi patria, cuius non minorem, quam tuorum parentum te curam gerere decet. Thebani authorē generis uestri, oblatio-

Principalis propositio cōtinet duas partes, uidelicet, ut in Græcia cōstituat concordiam. Itē ut Persis bellū inferat. Hic igitur partem priorē proponit, ut ciuitates inter se reconciliet. Et argumenta primū a meritis ur-

O R A T I O I S O C R A T I S

nibus ac uictimis plusquàm deos alios honorāt. Lacedæmonii uero semper iis, qui habent originem ab illo, & Regnū & Principatum tradiderunt. Et si quid historiis ueterum credimus, aiunt urbē nostram causam Herculi extitisse immortalitatis, quemadmodum ex aliis facile cognosces. Nō est enim mihi nunc referendi spaciū. Præterea huius autoritate defensos fuisse liberos eius. Sola enim maxima pericula aduersus potentiam Euristhei sustinēs, prohibuit eum inferre iniuriā, & liberos Herculis à perpetuo, in quo erant, metu liberauit. Pro quibus æquum erat non solū illos qui tunc conseruati fuerunt, sed etiā qui nunc supersunt gratiam nobis habere. Nam beneficio nostro, & uiuūt, & præsentibus bonis fruuntur. Nisi enim illi seruati fuissent, ipsi ne nati quidē essent. Cū igitur eiusmodi omnes urbes sint, nullas te quidem simultates cum ulla exercere oportebat. Sed hæc est hominum natura, ut sæpius peccemus omnes, quàm recte facim⁹. Quare præterita errata cōdonemus communi hominum conditioni. In posterum

rum

DE PACE PRIMÆ.

tum autem prospiciamus, ne quid tale accidat. Estq; tibi cōsiderandum, ut eiusmodi beneficio illas afficias, quod & te & ipsarum meritis dignum uideatur, & oportunitatem nactus es. Nam propter spaciū longi téporis putabunt non reddi sibi gratiam, sed se nunc primum accipere beneficium. Videtur autē præclarum esse, de potentissimis urbibus benemereri. Nec uerominus teipsum quàm illas adiuueris. Præterea si uoluntates alicuius ciuitatis offendiisti, iam redibit tecum in gratiam. Priores enim offensiones præsentibus beneficiis obruentur. Iam & illud manifestū est, quod omnes homines diu retinēt memoriam istorum beneficiorum, quibus in calamitatibus affecti sunt. Vides autē quam misere sint bello adflictæ, nec dissimiles sint priuatis inter se dimicantibus. Et enim illos incensos ira nemo placare potest. Postquàm autē se mutuo læserūt, nemine dirimente certamen, ultro desinunt, quod & istas, nisi tu anteuertaris, facturam arbitror. Fortassis autem dicat aliquis, me suadere tibi, ut res impossibiles

Ab utilitate.

A possibili tate.

ORATIO ISOCRATIS

aggrediari. Neque enim Argivos unquam Lacedæmonios amicos esse potuisse, neque Lacedæmonios Thebanis. Neque posse in cōcordiam redigi tales, qui semper de imperio contenderunt. Ego uero si urbs nostra, aut urbs Lacedæmoniorum dominaretur, nō iuberem hoc tentare. Facile enim iudicarem alteram alteri impedimēto fore.

Ab urbiū
calamitati-
bus.

Nunc autem de illis non idem sentio, quia enim similibus calamitatibus omnes afflicte sunt, magis optabūt nunc pacem, quā olim cupiebant imperium. Ac fateor neminem alium posse reconciliare has urbes. Tibi autem nihil eiusmodi difficile. Video enim te multa perfecisse supra spem atque opinionem aliorum.

A Philippi
& potentia
& fortuna

Itaque uni tibi non difficile erit, has res efficere. Oportet enim excellentes uiros nō tentare hæc, quæ aliquis è uulgo possit efficere, sed ea quæ nemo ali⁹ aggrediatur, nisi tibi fuerit & prudentia & rerum gestarum gloria conferendus. Miror autem esse qui arbitrentur impossibile esse, ut hoc aliquid perficias, si ignorāt ipsi, nec audierūt ab aliis quod sæpe accidit, ut qui inter se gesse

se gesserunt atrocissima bella, postea recō-
 ciliati maximorum bonorum authores
 sibi mutuo extiterint. Quod maius bellū
 gessimus quàm cū Xerxe? At huius ami-
 ciciam constat nos & Lacedæmonios po-
 stea magis coluisse, q̃ illorum, qui utrisq̃
 auxilio ad parandum imperium fuerunt.
 Ac quorsum pertinet uetera, & quæ cum
 Barbaris gesta sunt cōmemorare. Quod
 si quis aliorū calamitates perspiciat & cōsy-
 deret, nullæ uidebuntur maiores iis quas
 à Thebanis & Lacedæmoniis accepimus.
 Tamen cum Lacedæmonii bellum The-
 banis intulissent, ac Bœotiam deuastatu-
 ri excindere urbes conarentur, nihilomi-
 nus nos præsidio nostro illorum impetū
 fregimus. Ac rursus mutata fortuna cum
 Thebani & Peloponnenses omnes Spartā
 fundit⁹ euersuri essent, nos soli ex Græcis
 eos, fœdere cum ipsis factō, defendimus.
 Stultissimus igitur fuerit, si quis non exi-
 stimet, eundem nunc animum ipsas habi-
 ruras, cum uideat tantas mutationes esse
 factas, & urbes neq̃ odia neq̃ fœdera, aut
 aliud quicq̃ utilitati anteponere, præferre.

O R A T I O I S O C R A T I S

tim si tu fueris author reconciliationis & hâc suadeat utilitas, & præsentia mala cogant amplecti. Hæc cū omnia cōcurrant, facile pacem constitui posse arbitror.

Distribu-
tio q̄re La-
cedæmoni
pacem op-
tare uide-
antur.

Commodissime autem te intellecturū puto, utrum urbes inter se pacem an bellum malint, si præcipuas causas pacis faciendæ colligemus, etiam si nō omnes ex æste recensebimus. Ac primum quidē consideremus Lacedæmoniorum statum. Hi enim cum Græcorum imperium obtinerent, breui tempore summam mutationē terra mariq; perpeffi sunt, postquā pugnā in Leuctris commissa uicti imperium Græciæ amiserunt. Huiusmodi autem uiros perdiderunt ex suis, qui mori quā uiuere maluerunt, superati ab his quibus ipsi prius dominabantur. Ad hæc uniuerfos Peloponēses, qui prius ipsos sequuti aduersus alios erant, eos cū Thebanis in suā ditionem irruptionem facere uiderunt. Cum quibus non foris de possessionibus, sed in media urbe ad ipsam curiam pro uita liberorum & coniugū pugnare coacti sunt. In quo prælio si non uicissent, mox
uniuersi

D E P A C E P R I M A .

uniuerſi funditus periſſent. Poſtq̃ autem uicerunt, tamẽ nondum his malis deſun- cti fuerunt, ſed foris cū uicinis perpetuū bellum gerere coguntur, & propter perſi- diã ab omnibus Peloponenſibus deſerun- tur, ſuntq̃ in odio apud omnes Græcos, die ac nocte à ſeruis uexantur, nullū tem- pus intermittentes, quo non aut ſua, aut ſociorū cauſa militent. Ad quæ mala hoc accedit etiam quod eſt maximū. Semper enim metuunt, ne Thebani reconciliati Phocenſibus, reuerſi maioribus q̃ prius unquã calamitatibus ipſos afficiant. Atqui cum ita ſe res habeat, quis non exi- ſtimet Lacedæmonios libenter uiſuros eſ- ſe præſtantem uirum, qui efficiat ſua au- thoritate, ut concordia coeat, & præſentia bella dirimantur? Arguios igitur in eodẽ uideas discrimine uerſari, & propemodũ deterius habere. Nam undiq̃ bellum cū fi- nitimis gerunt, quemadmodũ & Lacedæ- monii. Hoc autẽ differunt, quod illi qui- dem aduerſus inferiores ſe, hi uero contra potentiores dimicant, id quod omnes mi- ſerrimū eſſe intelligunt. Suntq̃ adco in-

Quare Ar-
giuis pace
opus ſit.

O R A T I O I S O C R A T I S

fortunati, ut parū absit, quin singulis an-
 nis deuastari regionem uideant. Sed illud
 magis etiam miserum est, cū defunt ex-
 terna bella, domi præstantissimos ac ditis-
 simos quosq; ciues trucidant, ex quo faci-
 nore maiorem animi uoluptatē capiunt,
 quàm ulli alii, si quando hostes suos inter-
 fecerint. Neq; uero alia causa est istarū do-
 mesticarum discordiarū, quàm illud per-
 petuum bellum, quod si composueris, nō
 solum liberaueris eos ab externis malis,
 sed etiam efficies, ut inter ipsos domesticā
 concordia constitutatur. Sed neq; ignoras
 quo in statu sint res Thebanorum, qui cū
 præclara uictoria potiti, & maximā ex ea
 gloriam cōsequuti essent, quia nesciebant
 secunda fortuna recte uti, nihil à uictis &
 calamitosus differūt. Priusquàm enim de-
 functi essent bello cum Lacedæmoniis,
 cunq; nondum eos domitos in potestate
 haberent, incipiebant omnes contēnere,
 urbes uexabant in Peloponneso, & Thessa-
 liam inuadebant redacturi eam in seruitu-
 tem. Megarensibus quoq; uicinis suis mi-
 nabātur, ac parte aliqua dicionis urbem
nostram

Quare
 Thebani
 pacē opta-
 re uideant.

D E P A C E P R I M A

nostram priuabant. Deuastabant Euboeā,
 Bizantiū Triremes mittebant, tanq̃ im-
 perium terra mariq̃ sperantes. Tandē bel-
 lo aduersus Phocenses suscepto, hoc sibi
 plane persuasum habebant, quod breui
 omnia finitima loca superatis urbibus oc-
 cupaturi, & pecunias in Delphis propriua-
 tis sumptib⁹ accepturi essent. Sed nihil ho-
 rum successit. Interim enim dum urbes
 Phocensium oppugnant, proprias urbes
 amittūt, dumq̃ hostium ditionem incur-
 sant, plus damni acceperunt priusquā
 redirent, quā intulerunt. Nam in Pho-
 cide quidem perpaucos conducticios mi-
 lites, quibus mori quā uiuere magis ex-
 pedit occiderunt. Discedentes autem præ-
 stantissimos, & qui uitam profundere pro
 patria audebant, interfecerunt. At tunc
 temporis eorum res in eo statu erant, ut
 cum se uniuersos Græcos in potestatem
 suam redacturos esse sperassent, nunc in
 uno te omnem salutis suæ spem positam
 habent. Proinde arbitror illos statim fa-
 cturos esse, quicquid iusseris. Reliquum
 esset ut quoq̃ de urbe nostra dicerem, ni

O R A T I O I S O C R A T I S

Quod si ea bene sibi prospiciens, prima pacem
Athenien fecisset, quam tibi nunc adiumento fore,
ses pacem in iis quæ constitueris, nullum mihi du-
oprauerint bium est, maxime si animaduernerit om-
 nia tua consilia spectare ad bellum aduer-

Conclusio sus Barbaros mouendū. Quapropter non
 loca possi impossibile esse, ut has urbes inter se con-
 bilitare. iungas ex his quæ dicta sunt, manifestum
 tibi esse puto. Et multis præterea argumē-
 tis declarabo, quod nullo negotio hæc res

Amplifica confici queat. Nam si cōstat quosdam ex
tio ex mi- maioribus nostris, minus his, de quibus
nore. nos deliberauimus, & honesta & pia ag-
 gressos esse, multa tamen maiora ac diffi-
 cilia perfecisse, quare nonnulli affirmāt
 te facilia perficere nō posse, cum illi dif-

Ab exem- ficilia perfecerint? Primum autem cō-
plo Alcibi sydera Alcibiaden, qui cum à nobis esset
adis ciuis expulsus, aliosq; simili ante se iniuria affe-
Athenien- ctos uideret propter magnitudinem ur-
sis. bis deterritos quieuisse, non eodem quo
 illi animo exilium tulit, sed ui conandum
 esse aliquid existimans, aduersus eam bel-
 lum suscepit, quæ igitur consequuta sint,
 nihil attinet singula recensere, & fortas-
 sis in

DE PACE PRIMÆ

sis in præsentia intempestium foret. Hic uero non modo urbem, sed Lacedæmonios etiam cum cæteris Græcis in tantum discrimē adduxit, ut ei⁹ belli uulnera nō dum sanata sint. Lacedæmonii autem, qui per id tempus florebant, per Alcibiaden in præsentia infortunia inciderunt. Cum enim ab ipso persuasi essent, ut imperium mari affectarent, terra principatum amiserunt. Atq; hoc uere dici potest, Lacedæmoniis hoc fuisse seminarium horum malorum, in quibus nunc sunt, cū principatum maris adepti fuerunt. Postquā igitur tantas ille res effecit, rediit in patriam maxima cum gloria, etsi à nonnullis reprehenditur. Conon non multis annis post similia fecit istorum, qui cum naua-
 li prælio circa Hellespontum, non sua culpa, sed collegarum, superatus esset, noluit domum redire. Traiiciens autem in Cyprum, priuatam aliquātisper uitam egit, dum Agesilaū ingentibus copiis in Asiā transiisse, ac regionem occupare accepisset, ubi magnitudinē animi tantam ostēdit, ut cum nullam aliam occasionē, præ-

A Cono-
 nis ciuis At-
 tici exēplo

O R A T I O I S O C R A T I S

ter suum corpus atq; cōsiliū haberet, in
 spem uenerit se Lacedæmonios, qui tunc
 aliis Græcis terra mariq; imperabant, de
 bellare posse. Ac missis Legatis ad Præse-
 fto Regis Persarum, se facturum hæc cō-
 firmavit. Quid opus est uerbis? Compara-
 to nauali exercitu, cum circa Gnidum ui-
 ctoriam adeptus esset, principatū ademit
 Lacedæmoniis, & cæteris Græcis liberta-
 tem reddidit. Neq; uero muros solum pa-
 triæ refecit, sed urbi etiam restituit pristi-
 nam dignitatem, quam ante amiserat. At
 quis unquā sperasset fore, ut ab homi-
 ne priuato, & quem fortuna fregerat, sta-
 tus totius Græciæ uerteretur? & uir talis,
 aliis urbibus imperium ademptum aliis
 redderet? Dionysius autem (multis enim
 exemplis tibi persuadebo rem facilem es-
 se ad quam te hortor) cum genere & glo-
 ria & aliis reb⁹, cæteris Syracusanis esset in-
 ferior, tamen ualde & furenter cōcupisce-
 ret monarchiam, omnia tentauit per quæ
 imperium se consequi posse existimabat.
 Occupauit Syracusas & ciuitates in Sici-
 lia quotquot Græci nominis erāt, omnes
 redegit

Ab exem-
 plo Diony-
 sij superio-
 ris regis Sy-
 racusani.

DE PACE PRIMÆ

redegit in suam potestatem. Copias autē
 tantas & pedestres & nauticas compara-
 uit, ut haud quisquam alius maiorem pri-
 us exercitum habuerit. Præterea Cyrus, A Cyri ex-
emplo.
 ut mentionem quoq; Barbarorum facia-
 mus, cum & matre in uiam expositus, &
 muliere Perside sublat⁹ esset, mutata post-
 ea fortuna imperium totius Asiæ adeptus
 est. Si uero Alcibiades urbe eiect⁹, Conon
 profligatus, Dionysius ignobilis, & Cyrus
 ex tam miserabili uitæ initio, maximis re- Epilogus
exemplo -
rum.
 bus gestis adeo processerunt, ac tantas res
 perfecerunt, cur te maiorum imaginib⁹
 clarum ac Macedonia regem tam poten-
 tem facile effecturum hæc quæ dicta sunt
 sperare non oporteat? Considera autem
 quam honeste sis facturus, si tales res im- Ab honesto.
 primis gerendas susceperis, quæ si foelici-
 ter procedent, parem tibi gloriam illis cō-
 paraueris, qui fama & laude amplissimi
 extiterunt: sin expectatione frustratus fue-
 ris, magnam tamē gratiam apud Græcos
 inibis, quorum retinere beneuolentiam
 tibi longe honestius est, quàm multas il-
 lorum urbes ui occupare. Nam ea res in-

O R A T I O I S O C R A T I S

uidiā atq; odium & maledicta parit. Illud uero quod nos tibi consulimus, nihil istorum habet. Ac si quid tibi à diis optandū foret, quo laudatam uitam gloriose degeres, me consiliario nihil perinde quā hoc tibi expetendū esset. Non solum em̄ aliis admirationi eris, sed tu teipsum beatum prædicabis. Nam quæ maior fœlicitas tibi contingat, quā cum legati præstantes uiri ex potētissimis urbibus ad tuū principatum uenient, de communi tecū salute deliberaturi, & te plurimi facient, propterea quod nemo perinde ut tu communis status curam suscipiat. Senties autem te authore totius Græciæ consensum fore, eamq; quidquid præscripseris diligēter facturam esse. Nam alii audient prædicari res easdem quas tecum gerunt. Alii optabunt ne in perficiendis rebus spe tua frustreris. Alii solliciti erunt ne quid addant tibi priusquā finē rebus imponas. Quæ cum ita accident, cur nō merito glorieris? cur non magno cum gaudio uitā agas? cum scias te tantarum rerum authorem esse factum? Quis autem eorum est, qui uel

D E P A C E P R I M A.

qui uel mediocriter iudicare possunt, qui
 nō maxime ad has res suscipiendas te hor-
 tetur, quæ tibi geminum fructum afferre
 possunt, uidelicet, uoluptates maximas,
 atq; honores sempiternos. Desinerem
 modo, nisi pratermissem quandam ad-
 monitionem, quam nō obliuione, sed ue-
 recundia impeditus, nōdum exposui, atq;
 etiam num uereor dicere. Verū tibi pro-
 desse existimo ut audias, & me libere de-
 cer, ut soleo, loqui. Animaduerto quosdā
 inuidos te calumniari, qui urbes & sediti-
 onem concitant, & in cōmuni pace bellū
 optabilius sibi esse iudicant, hi rebus aliis
 neglectis de potētia tua loquuntur, quod
 non pro Gracia, sed contra ipsam augeat.
 Et iam olim nobis insidieris, pollicitus
 uerbis te Messeniis auxiliaturum, cum re
 hoc agas, ut si Phocensium negocia cōfe-
 ceris, Pelopōnesum in tuam potestaté re-
 digas. Habes Thebanos & Thessalos, &
 omnes Amphictyones qui te sequantur.
 Argiui uero, & Messenii, & Megapolitæ,
 aliiq; multi te ad delendos Lacedæmoni-
 os adiuuare parati sunt. Proinde si hæc cō-

Occupatio qua re-
 cte signifi-
 cat Philip-
 po, qd de
 ipso suspi-
 centur Græ-
 ci, et admo-
 net ut pur-
 get re ipsa
 suspensiones
 illas.

O R A T I O I S O C R A T I S

feceris, minimo negotio dicunt te ceteros
Græcos oppressurū esse. Has fabulas spar-
gūt in uulgus, tanquā exacte cōsilia tua
norint. Et quia dicendo peruertūt omnia,
multis persuadent, ac præsertim istis qui
eadem mala, quæ Oratores, expetunt, &
aliis plurimis, qui ipsi non sapiunt, nec
Reipub. curam gerūt, sed credunt his qui
simulant se pro ipsis sollicitos esse. Postre-
mo persuadent nonnullis suspiciosis, qui
& apparatu tuo mouentur, & arbitrantur
rem dignam esse, quam aliquis concupi-
scat. Qui tantum abest, ut recte iudicent,
ut non intelligant eadem argumenta in
aliis non idem ualere. De rege Asiæ recte
diuinarēt, quod Græcis insidiarēt, si quid
appararet. Nam hæc res esset ei gloriosa.
Si quis autē de aliquo qui ortus est ab Her-
cule, qui uniuersæ Græciæ seruator fuit,
hoc suspicetur, maxima cum contumelia
affecerit. Quis enim non indignetur, si il-
lis insidiari uideatur, pro quibus maiores
eius nulla pericula adire recusauerunt? ac
beneuolentiam quam reliquerūt suis po-
steris, non retinere conetur, sed his negle-
ctis,

Diluit su-
spitionē ab
honesto si
gurate de-
hortās Phi-
lippum.

D E P A C E P R I M A

etis, res turpes & ignominiosas appetat.
 Quorum te meminisse oportet, nec despi-
 cere talem famam tibi undiq; exorientē,
 qua te inimici tui deformare conantur.
 Amicorū aut nemo est, qui te excusare nō
 audeat. Atqui in his diuersis sententiis po-
 tissimum ueritatem, & quid tibi faciendū
 sit, perspicere poteris. Sed fortassis indig-
 num putas, hęc conuicia curare, præser-
 tim cum nullius tibi criminis cōscius sis.

Verum nō est aspernanda publica homi-
 num beneuolentia, nec leuiter curandū,
 ut de te bene sentiat omnes, sed existima-
 bis tūc honestam & magnam gloriam te
 cōsequutum esse, quæ & te & maiorū tuo-
 rum gestis digna sit, si dederis operam, ut
 uniuersi Græci sic erga te affecti sint, sicut
 Lacedæmonii erga suos reges, & socii tui
 erga te. Nec difficile dictū est, quo modo
 hęc consequi possis, uidelicet, si fueris cō-
 munis omnibus ciuitatibus, nec signifi-
 ces te aliis familiarē esse, alios odisse. De-
 inde si talia geras, ex quibus Græci intelli-
 gant, se tibi fidem tuto habere posse, Bar-
 baris uero formidabilis existas. Ac ne mi-

Publica ho-
 minū opi-
 nio nō ne-
 gligenda
 principi.

ORATIO ISOCRATIS

reris, quæ ad Dionysium Tyrannum scripsi, si liberius tecum egi, cum neque dux sim belli, neque Orator. Denique prorsus non sim in Repub. Ego enim minime omnium & natura instructis fui ad capeffandam Rempub. Nam neque uocem ad dicendum accommodatam, neque animum habui, quo resisterem multitudini, eosque laceffere ac irritare auderem, qui in foro uersant. Quod autem ad sapientiam & rectam institutionem attinet, tametsi inciuili hoc aliquis dictum putet, contenderim ac mihi ipsi locum, haud inter postremos, sed qui praestantiores sunt aliis, tribuerim, ideoque hoc modo quo solitus sum, quoque possum ciuitati aliisque Græcis ac uiris praestantibus consulere studeo. Hastenus & de me dixi, & exposui quid tibi agendum esse erga Græcos existimem. De expeditione autem in Asiam uideor mihi consilium tunc daturus ciuitatibus, quas tibi reconciliandas esse dixi, quod aduersus Barbaros oporteat bellum geri, quando eas esse concordes uidebimus Sed nunc ad te scribam longe affectus aliter atque olim eram, cum idem argumen

Transitio.

Secunda pars orationis in qua est adhortatio ad suscipiendum bellum contra Persas.

xi, & exposui quid tibi agendum esse erga Græcos existimem. De expeditione autem in Asiam uideor mihi consilium tunc daturus ciuitatibus, quas tibi reconciliandas esse dixi, quod aduersus Barbaros oporteat bellum geri, quando eas esse concordes uidebimus Sed nunc ad te scribam longe affectus aliter atque olim eram, cum idem argumen

DE PACE PRIMÆ.

argumentū ad te scribebam. Tunc enim iubebam auditores, ut me audacter iriderent & contemnerent, si quid infra dignitatem rerum, & existimationis meæ & temporis, quod in studio eloquentiæ collocaueram, dixissem. At nunc uereor ne his omnibus dictis multo frigidius differam. Etenim cæteris qui philosophiæ dant operam, oratio Panegyrica præter alia magnam ubertatem ad eloquentiam attulit, me uero reddidit infantem, quod nec eadem quæ in Panegyrico scripta continebantur, sum dicturus, nec noua inuenire possum. Nec desistendum tamen, sed de quibus institui, dicendum est, & colligenda ea quæ conducere uidentur ad te persuadendum. Et ut maxime non satisfaciam magnitudini rei, nec Panegyricum æquare nunc possum, subministrabo tamen idonea argumenta his qui hanc causam absolvere poterunt. Cum igitur sine domestica concordia aduersus Asiam bellum suscipi nequeat, commode me exordium sumpsisse puto, ex causa quæ maxime ad rem faciebat. Neminē enim quic-

O R A T I O I S O C R A T I S

Repetitio quàm tentare oportet, quàm alterutrum
 primæ par Græcos esse facturos cognouerit, aut unâ
 tis cum am militaturos, aut certe non aduersaturos ef
 plificatiõe se, quæ Agesilaus, qui Lacedæmoniorû
 cōmemo prudentissimus iudicatus est neglexit, nō
 rato insign per imprudentiam, sed per ambitionem.
 ni exēplo. Duas enim cupiditates habebat, utramq;
 quidem honestam, sed quæ non consen
 tiebant inter se, nec poterant simul existe
 re. Nam & regi bellū inferre & socios La
 cedæmoniorû reducere in ciuitates suas,
 & Lacedemonios rerum omnium domi
 nos efficere conabatur. Dum itaq; tantū
 Lacedæmoniorû potentiam augere stu
 det Græci in magnas discordias incide
 runt. Quare neq; domi otîū habebat, neq;
 Barbaris inferre bellum poterat. Ex illis
 erratis istius temporis facile nunc iudica
 ri potest, non inferendum esse bellum ex
 teris, priusquàm concordia inter Græcos
 cōstituta sit, idq; tibi consulam, & arbitror
 neminem, qui modo sanus sit, hoc consi
 lium reprehendere posse. Existimo autē
 Incipit ar gumētari alios, si qui te ad bellum Persicum cohor
 & hortari tantur, his uti argumentis, quod omnes
 suscepto

DE PACE PRIMÆ

suscepto hoc bello ex obscuris clari facti
 sint, ex tenuibus diuites, ac multarum ur-
 bium atq; regionum domini. Ego autem
 aliis utar argumentis, uidelicet, comme-
 moratione istorum, qui uidentur aliqua
 clade affecti. Commemorabo autem Cy-
 ri & Clearchi expeditionem. Hos fatentur
 omnes tam facile fuisse regis exercitū,
 ut si uiri cum foeminis dimicassent. Sed
 cum potiti iam uictoria uiderentur, Cyri
 temeritate cladem accepisse. Cōstat enim
 hunc successu elatum, dum longe ante ali-
 os ad persequendos hostes in fugam uer-
 sos prouolat, circumuentum ab illis fuis-
 se, ac interfectum, nōdum tamen, & si for-
 tuna mutata erat, rex uiribus suis confide-
 re audebat, adeo ut cum Clearcho & aliis
 ducibus accersitis in colloquium uenerit,
 promittens se magna munera daturum
 ipsis ac soluto integro stipendio, milites
 ceteros dimissurum esse. Quos cum tali
 spe ac data publica fide subduxisset, eos cō-
 prehensos contra datam fidem interemit,
 quod erga deos peccare mallet, quā ut
 cū militibus, qui tamen amiserant ducē,

ad bellum
 Persis infe-
 rēdum, &
 primum a
 facili ducit
 argumen-
 tum.

Ab exem-
 plis argu-
 mentat, &
 primū ex
 minori.

O R A T I O I S O C R A T I S

pugnaret. Quæ possit adhorratio effica-
 cior esse? Apparet enim hos futuros fuisse
 uictores, nisi propter Cyri temeritatem ui-
 ctoria rursus eis crepta esset. Tu autem ta-
 les casus facile cauere poteris, & ubi semel
 uicerit exercitus tuus, multo acrius insta-
 re, & renouare bellum. Quorum utrunq;
 cum tu efficere queas, maxime oportet te
 in hac expeditione suscipienda confidere.
 Nemo uero existimet me uelle dissimula-
 re, quod horum aliqua eodem modo pri-
 us dixi. Si enim eadem argumēta consul-
 to repeterem, ut fierent nociora, præcla-
 re dicta essent. Quod si declamationē scri-
 berem, huiusmodi reprehensionem caue-
 re studuissem. Desipere autē uiderer, dum
 tibi cōsiliū mei sententiam expono, si ma-
 iorem haberem curam dictiōis quàm re-
 rum. Præterea cū uideam alios meis uti,
 cur ipse solus, ab iis quæ prius dicta sunt,
 abstineam? Proinde cū res postulat, & de-
 cori ratio finit, ex meis aliquid mutuari so-
 leo, ab aliis nihil sumo. Idem nunc quoq;
 facio. Porro differendum mihi uidetur,
 qualis esse tu⁹ apparatus debeat, & qualis
 sit isto-

DE PACE PRIMÆ.

sit istorum. Quod igitur potissimum est, Amplificat
 tu habebis Græcos erga te beneuolos, si locū a pos-
 quidem consilium meum sequeris. Illi au sibili, ex cir-
 tem propter decem præfectos Lacedæmo cumstātiis
 nios, Græcos inimicissimos habebant. & collatio-
 Existimabant enim si rex uinceret, futu ne, quare
 rum ut & præsentibus malis liberarentur, aliq̃ ante nil
 idq̃ accidit. Si uero Cyr⁹ & Clearchus uin effecerint,
 cerent, fore ut in acerbiorē seruitutem & contra
 inciderent, aucta potentia Lacedæmonio nunc Phi-
 rū. Et milites facile inuenies, quotquot lippo uide
 uolueris. Sic enim res Græciæ habent se, atur res suc-
 ut minori negotio, multo maiorem ac ua cessura esse
 lidiorem exercitum ex uagabundis confi one militū
 cere, quā ex ciuib⁹ possis. Illis autē tem conducē-
 poribus nulli mercenarii milites erant. dorum.
 Itaq̃ cum uellent in urbibus cōducere mi-
 lites, maiore pecunia opus erat ad eā rem
 impetrandā, q̃ ad stipendiū. Quod si iam
 cōferre uoluerimus te, qui cū exercitū sis
 ducturus, omnia ex arbitrio tuo governa-
 bis, & Clearchū penes quē olim rerū sum-
 ma fuit, inueniemus illū nulli unq̃ exerci-
 tui antea præfuisse, sed ex calamitate, quæ
 ei ad Epirum accidit, primū inclaruisse.

O R A T I O I S O C R A T I S

**A persona
regis Persa-
rum.**

cū tu multas & maximas res præclare ges-
seris, de quibus si apud alios dicerē, digna
essent quæ cōmemorarentur. Nunc cum
ad te orationem habeam, superuacaneū
est eas recensere. At dignum est ut mētio-
nem quoq; faciamus, aduersus qualem re-
gem te ad suscipiendum bellū incitemus,
& qualis ille fuerit, cum quo bellum gessit
Clearnchus, ut consiliū ac potentiā utriusq;
cognoscas. Huius pater urbē nostram, de-
inde Lacedæmonem bello uexauit. Iste
autem nullos unqām hostes regionē suā
deuastantes uicit. Deinde ille totam Asiā
certo fœdere à Græcis recepit. Iste tantū
abest, ut Græcis imperet, ut nec suam diti-
onē in officio retinere queat. Itaq; nemo
non dubitauerit, utrum existimare oport-
eat, utrum hic alienet a se uoluntates ho-
minum propter molliciem, an uero pro-
uinciæ fastidiant & contemnant Barbari-
cam potentiam. Quis autem non excite-
tur ad bellum illi inferendum, hoc statu
regni istius cognito? Aegyptus quidē tūc
defecerat. Verum metuebant ne quando
illaturus bellū, & transitu fluminis, & uni-
uerso

DE PACE PRIMÆ.

uerso apparatu potiretur. Nunc autē iste liberauit eos hoc metu. Maximo enim exercitu cōparato, postquā acie dimicasset cum ipsis, recessit illinc non uictus solum, sed etiam derisus, nec dignus uisus est, qui aut regnaret, aut exercitui præesset. Itaq; Cyprus, Phœnice, Cilicia, & alia uicina loca, unde classes contractæ erant, tunc quidē cum rege erant, nunc partim descuerunt, partim bello ac tantis malis affliguntur, ut nulla utilitas ex his gentibus ad ipsum perueniat, tibi uero, quod si bellum aduersus illū susceperis, non inutiles sint futura. Et Menidrea opulentissimum omnium in continente, uerissimile est inimiciorem esse regi, quā omnes qui cum eo bellū gerunt. Miserrimus enī omnium hominum esset, nisi exitium isti optaret, qui fratrem ipsius iniuria affecit, & secum bellum gessit, omniq; tempore sibi insidias machinatus est, ut corpore ipsius ac fortunis omnibus potiretur. Quæ metuēs illi nunc seruire, & magnam uim pecuniæ quotannis transmittere cogitur. Quod si tu in Asiam traieceris, ille tuū ad

A dubia si
de præfe-
ctorum,

O R A T I O I S O C R A T I S

uentum libenter uidebit, existimans te in
 auxilium sibi uenisse. Et facile efficies ut
 alii quoq; multi Satrapæ deficiant, si liber
 tatem eis pollicitus fueris, & nomen hoc
 in Asiam seminaueris, quod cum in Græ
 cos incidisset, & nostrū & Lacedæmonio
 rum imperium dissoluit. Plura adhuc re
 censere possem, qua ratione bellum gestu
 rus, statim regno potiaris, sed uereor ne
 aliqui reprehédant nos, quod cum nunq̃
 res tantas gesserimus, tibi qui plurima &
 maxima bella confeceris, consilium dare
 audeamus. Itaq; nō opus esse puto, ut plu
 ra de his dicam. Cæterum non opinor
 longa adhortatione opus esse. Satis est em̃
 recensere exempla maiorum tuorum, ui
 delicet patris tui, & eius qui prius regnum
 Macedonia constituit. Præterea & Hercu
 lis, qui generis uestri author est. Si quē ho
 rum in consilium adhiberes, eadem tibi
 consulerent. Coniecturam enim facio ex
 rebus gestis eorum. Nam pater tuus stude
 bat urbium istarum beneuolentiam reti
 nere, quarū amicitiam tibi profuturam
 esse dixi. Et primus Macedonia rex, cum
 regnum

Reiectio q̃
 non uelit.
 plura dice
 re de mo
 ra de his
 dicam. Cæ
 terum non
 opinor lon
 ga adhorta
 tionē opus
 esse. Satis
 est em̃ re
 censere ex
 empla mai
 orum tuorū
 uidelicet
 patris tui
 & eius qui
 prius regnū
 Macedonia
 constituit.
 Præterea
 & Hercules
 qui generis
 uestri auth
 or est. Si
 quē horū
 in consiliū
 adhiberes
 eadem tibi
 consulerent.
 Coniectura
 m enim fa
 cio ex reb
 us gestis
 eorum. Na
 m pater tu
 us studebat
 urbium ist
 arum bene
 uolentiam
 retinere, q
 uarū amicit
 iam tibi pr
 ofuturam
 esse dixi. Et
 primus Ma
 cedonia rex,
 cum regnum

DE PACE PRIM A.

regnum concupisceret non est usus eius-
 modi consiliis, qualibus utuntur alii, qui
 regna inuadere conantur. Alii enim in su-
 is ciuitatibus tumultus excitant, ciues tru-
 cidant, & per seditionē imperia inuadunt.
 Iste autem relicta Græcia, de occupanda
 Macedonia cogitauit. Sciebat enim Græ-
 cos nō assuefactos esse ferre monarchas.
 Alias uero gentes non posse tranquillas es-
 se, nisi monarchas haberent. Cum igitur
 hoc peculiare cōsiliū sequeretur, regnū
 adeptus est longe maius ac potentius aliis.
 Solus enim Græcorum cū suæ genti im-
 perare nollet, pericula quæ impendēt mo-
 narchis effugit. Nam cæteros quicunq;
 apud Græcos tale aliquid moliti sunt, in-
 uenimus non solum oppressos, sed fundi-
 tus cum suis familiis deletos esse. Iste au-
 tem cum in summa fœlicitate uixisset, po-
 steris etiam regnum suum tenendum re-
 liquit. De Hercule igitur, alii in laudan-
 da eis fortitudine, ac recensendis certami-
 nibus, immorantur, de cæteris uero ani-
 mi uirtutibus, quibus præditus fuit, neq;
 Poëtarum quenquā, neq; Oratorum ul-

Ab exem-
 plo Hercu-
 lis.

ORATIO ISOCRATIS

Iam fecisse mentionem constat. Ego autem locum esse uideo singularem ac perdifficilem, nec humilem aut inanem, sed qui multis laudib⁹ & præclaris rebus abundet, quiq; requirat aliquem, qui pro dignitate illas explicare possit. Quæ si ætate florente tractandū suscepissem, facile demonstrassem progenitorem uestrum, non minus prudentia, philosophia, ac iusticia, q̃ corporis robore, maiores omnes excelluisse. Iam uero postquàm ad locū ipsum perueni, perspecta rerum magnitudine quas cōtinebat, intelligebam uires meas imbecilliores esse, & hanc orationem duplo longiorē fore sentiebam. Ob quas quidē causas, omnia alia omittens, unā ex ipsis rebus elegi, quæ & cōueniebat his quæ dicta sūt, & hac causa digna erat, & huic loco maxime idonea. Ille enim cum uideret Græciā bellis, seditiōibus & aliis malis esse plenā his pacatis & ciuitatibus in concordiam reductis, exemplum in posterum proposuit, quibus cū, aut aduersus quos, bellū gerere cōueniat atq; oporteat. Ausus est enim bellum inferre Troianis, qui tunc in Asia poten-

DE PACE PRIMA.

potentissimi erant, ac tantū excelluit uirtute, ut cū alii decennio uix potiti essent Troia, iste paucioribus diebus, quā alii annis, & quidem cum exiguis copiis rem perfecerit. Deinde reges in utroq; littore maris mediterranei occidit: quos, nisi eorum exercitus uicisset, nunquā perdere potuisset. Hæc postquā perfecit, extruxit columnas illas quæ uocantur Herculis, trophæum quidem Barbarorum, uirtutis uero suæ ac periculorum monumentum, totiusq; Græciæ terminos. Propterea uero hæc tibi recensui, ut intelligas quod hac oratione ad eas res te adhorter, ad quas ipsis factis te hortari maiores uidentur. Omnes igitur qui sibi magnas res in animo proponunt, & qui imperia concupiscunt, tales existere conari oportet. Tibi uero in primis conuenit. Cum enim non alienis, sed domesticis exemplis utar, æquum est ut ipsum te excites, desq; operam, ut progenitoris similimus fias. Nō autem dico, quod omnes res Herculis gestas imitari queas, nam pleriq; Deorum id præstare non possent, sed quantū ad mansuetudi-

O R A T I O I S O C R A T I S

nem animi pertinet, ut humanitate ac beneuolentia, quam habuit erga Græcos, illius uoluntatem possis adæquare. Sit autē tibi persuasum, quod si his quæ dixi obsequutus fueris, te qualencūq; uolueris gloriam consequuturum esse. Facilius enim tibi est ex præsentī statu ad summam gloriam peruenire, quàm olim erat ex humili loco ad præsentem statum ascendere. Considera autem quod te adhortor, non ut Barbaros adducas aduersus hos, quos iniustum esset inuadere, sed ut Græcos ducas aduersus Barbaros, aduersus quos maxime decet ortos ab Hercule bella gerere. Nec mireris, quod subinde ad beneuolentiam ac mansuetudinem, humanitatīq; officia Græcis præstanda te adhortor. Video enim acerbitatem imperiorum, & iis qui in subditos exercent eam, & illis in quos adhibetur, esse perniciosam, mansuetudinem uero non solum in brutis & hominibus, cæterisq; omnibus probari, sed etiam in diis, quorū qui beneficia in nos conferunt, Olympii uocantur. Alii uero qui sunt ad pœnas suppliciaq; ordinati, odiosis

Locus cōmunis de mansuetudine principum.

DE PACE PRIM A.

odiosis appellatur nominibus. Et hos honore afficimus tum priuatim tum publice positis aris ac templis. Illis autē neq; sacrificia fiunt, sed depulsæ. Quæ te consyderantem illis assuescere ac meditari oportet, ut omnes multo de te præclarius, quàm hactenus sentiant. Nam quicunq; maiorem, quàm cæteri, gloriam expetunt, hos in animo sibi res possibiles quidem, sed uoto similes proponere decet, quas per occasionem perficere conentur. Cum autē ex multis intelligere queas, quod hoc modo tibi agendū sit, maxime intelliges ex iis, quæ Iasoni acciderūt. Ille enim quanq̃ tantas res, quātas tu perfecisti, nunquām gessisset, maximam tamen gloriam, non factis, sed dictis consequutus est. Prædicationem enim se in Asiam traiecturum esse, ut Persis bellum inferret. Quod si uero is, dissipato isto rumore famam nominis sui illustriorem reddidit, qualē ipsos de te opinionem habituros existimas, ubi hæc re ipsa perfeceris, ac præsertim si totum regnum subigere conatus fueris? Sin minus, regionem quantū poteris maximam eri-

Redit ad
hortationē

Ab exem-
plo Iasonis
Pherci, qui
non multo
ante Phi-
lippū The-
saliam tenuit

O R A T I O I S O C R A T I S

Deducēde
Colonię et
tradēdi a-
gri uagis
militibus.

pias, camq; Asię partem occupes, quam & Cilicia terminari ad Sinopen aiūt. Vrbes praterea ibidem condas, & istos eo deducas, qui passim propter inopiam rerū necessariorum uagantur, omnia quocunq; uenerint deuastantes. Qui nisi coacti in unum locum coherceantur, & quę ad uitam sunt necessaria habuerint, paulatim nobis non animaduertentibus ita crescēt, ut non minus Gręcis, quā Barbaris formidabiles sint, quorum nullam gerimus curam, sed nobis omnibus augeri cōmunem metum ac periculum ignoramus.

Alia utili-
tas ut Grę-
cia exoner-
etur inquit
eis homi-
nibus dedu-
cti one co-
loniarum.

Est igitur prudentis uiri, qui & Gręcos diligit, & longius ante alios animo prospicit, talibus contra Barbaros abuti, ac tanta regione, quāta paulo ante diximus, abscessa, uagos milites liberare his malis, quę & ipsi paciuntur, & aliis prębent. Tum cōstituiere ipsis urbes, quę Gręciam muniant, ac tanquā nobis omnibus propugnaculum esse possint. Hęc enim si feceris nō solum illos beatos, sed nos omnes etiā securos reddes. Sin autem frustratus fueris, tamē illud facile assequeris, ut ciuitatibus in

DE PACE PRIMÆ

bus in Asia sitis pristinam libertatem restituas. Quidquid autem horum efficere potueris, uel tentaueris solum, non dubiū est, quin longe clarior futurus sis ceteris. Nec immerito. Siquidem ipse tua sponte ad hæc incitatus, Gracos quoq; impuleris. Quoniam nemo est qui nō iure nunc miretur ea quæ contigerunt, ac despiciat nos, quod apud Barbaros, quos effœminatos & imbelles, & delinitos esse uoluptatum illecebris existimabamus, uiri extiterint, qui imperium Græciæ concupiscere ausi sint. Nec Græcorum quisquæm habuerit tantū animi, ut dominos Asiæ nos efficere conatus sit. Adeo autem superant nos animi magnitudine, ut cū illi ultro nobis iniuriam attulerint, nos ne laceffiti quidē propulsare uim audeamus. Cūq; ipsi fateantur se in omnibus expeditionibus, neq; milites neq; duces habere, nec illis deniq; rebus ad pericula necessariis instructos esse, sed hæc omnia à nobis accersiri, tamen amentia nostra tanta est, ut cum tuto potiri illorum imperio possemus, bella tamen inter nos de nihili rebus gera-

O R A T I O I S O C R A T I S

mus. Et simul dum eos, qui ab imperio regis desciverunt, euertimus, non animaduertimus quod una cum paternis inimicis hos qui nobis cognati sunt, perdamus. Proinde existimo etiam te ex utilitate tua facturum esse, si cum alii tam effœminati sint, bellum illi inferas. Decet autem ceteros, qui ab Hercule orti sunt, quiq; eadem Repub. & eisdem legibus tenentur, illam urbem amare, quam ipsi inhabitant. Te uero tanquam liberum natum, totam Græciam patriam existimare, quemadmodum & progenitor uester, & pro ipsa æque te periculis obicere, atq; pro iis, quorum ma-

Cur ad Philippum curam geris. Fortassis autem alii qui me reprehendere audebunt, qui nihil aliud quam calumniari possunt, quod omnis sua urbe nostra, te ad expeditionem aduersus Barbaros, & ad suscipiendam curam totius Græciæ hortari uoluerim. Ego uero, si cum ullis aliis prius de his quam cum patria disputassem, quæ Græcos in libertatem ter asseruit, bis quidem à Barbaris, semel à potentia Lacedæmoniorum, faterer me iure reprehendi. Nunc autem constat, quod

D E P A C E P R I M A .

quod primū illam summo studio ad hæc cohortatus sim. Sed ubi orationē meam animaduerti, minus authoritatis apud ipsam habere, q̄ illos qui pro contione furebant, eam quidē missam feci, nec ideo tamē à suscepto negotio destiti. Quapropter omnes me nō immerito laudarint, quod quantum in me est, summā semper diligentiam adhibui, ut Barbaris bellum inferret, & accusaui eos qui diuersum à me sentiebant. Persuadere autem istos conatus sum, quos maxime sperabam posse, & de Græcis benemereri, & præsentem foelicitatē Barbaris eripere. Propterea etiam ad te orationem nūc habeo. Quāq̄ enim oratio mea inuidiam subitura est, tamen res ipsas, ubi abs te perfectæ fuerint, omnes probabunt, ac quamuis hoc consiliū nemo adiuuerit, tamen omnes beneficio tuo frui uolent. Porro considera, quā turpē sit nobis perpeti, Asiam dominari Europā, & Barbaros opulētiores esse Græcis. Præterea Cyri posteros, quē in publicā uia mater exposuerat, reges ignos nominari, Herculis uero posteros, cuius ortū

Ab indignitate, cōfert enim ortū Cyri et Herculis posterorum.

G ;

O R A T I O . I S O C R A T I S

Collatio lo
corū utilita
tis & hone
statis.

genitor ipsius propter uirtutē ad deos re
tulit, humilioribus quā illos titulis ap
pellari. Quorum nihil concedendum est,
sed transponenda hæc omnia, & inuerten
da sunt. Scias autem quod nihil horum ti
bi persuadere conatus essem, si solam po
tentiam, & opes te ex istis cōsequuturum
uiderem. His enim iam & abūdare te pu
to, & omnes eorum copiam existimo con
sequi posse, quicunq; pericula adire uolue
rint, ut aut hæc assequatur, aut uitam pro
fundant. Enimuero horum causa non in
stitui orationem, sed quod amplissimā ac
pulcherrimam gloriam tibi propositam
esse iudicaui. Cogita autem quod omnes
mortalia corpora habeamus, uerum glo
ria, & laude, & fama posteritatis, immor
talitatem assequimur, quam qui concupi
scunt eos multa perferre decet. Vides hos
qui inter priuatos habētur honestissimi,
quod cum alioqui propter nullam rem in
periculum uitam adducāt, pro insigni ta
men gloria consequenda, in bellis æquo
animo mortem oppetant. Quicūq; enim
subinde maiorem famam concupiscunt,
plane

DE PACE PRIMÆ

plane ab omnibus laudantur, qui uero nihil aliud, quàm quod uulgus nullo iudicio admiratur, desyderant, abiectiores esse & deteriores uidentur. Quod autem omnium quæ dixi maximum est, sæpe quidē contigit, ut imperia & opes peruenerint in hostium potestatem, at beneuolentia ciuium stabile bonum est, quæ nō potest ad alios trāsmitteri, nisi ad liberos. Itaq; puderet me, nisi horum gratia, mouendam hanc expeditionem & suscipiendum bellum, & periculum adeundum esse, tibi cōsuluissem. Verū ita de his optime statues, Epilogus
 si nō modo hanc te orationem, sed maiores egregiis factis, atq; exēplis te adhorta- adhortatio
 ri existimaueris, qui propter susceptam ad nis.
 uersus illos expeditionem clariore facti, Ab. occa-
 pro semideis habent. Præcipue uero ex- sione.
 uscitet te tantarum rerum perficiendarū
 occasio, cum regum in Europa longe po-
 tentissimus sis, & is contra quem bellū ge-
 res, præ cæteris omnibus qui unq̃ fuerūt,
 odio & cōtemptui habeatur. Magnopere
 uellem me omnia, quæ de hac causa alibi
 dixi, colligere posse. Opera pretium enim

O R A T I O I S O C R A T I S

esset in hoc argumento elaborare. Verum
oportet te quoq; considerare hæc argu-
menta, & expendere ea quæ ad præsens in-
stitutum faciunt, teq; ad bellum hortant.

A possibili Nec ignoro quod pleriq; Græcorum, Per-
sicum exercitum inuictum esse arbitran-
tur, quorum opinionem miror, quod co-
pias ex seruis ab homine Barbaro ac ma-
le instituto collectas, ab homine Græco &
rei militaris perito, non posse dissipari ab
Ab honesto. his qui libertatis retinendæ causa pericu-
lū suscipiūt, existimāt, cū sciant, facilius es-
se delere magnos exercitus, q̃ compara-
re. Cogita autem, quod hos præcipuo ho-
nore omnes afficiant, qui utrūq; & domi
gubernare Respub. & foris bella gerere
norunt. Cum igitur illos tantopere præ-
dicari uideas, quorum eiusmodi aliquod
erga unam ciuitatem beneficium extat,
quantas laudes te consequuturum putas,

A persona ubi totam Græciam beneficio tuo admi-
Philippi re nistrari, tuisq; auspiciis Barbaros fundit⁹
gis, q̃ ne deletos esse, compertum erit? Ego quidē
mo res ma perfici rem posse statuo, cum nemo sit qui
iores antea unquē maiores res gesserit, Nec maius
gesserit, abs

DE PACE PRIM A.

abste fieri quicquàm potuit, q̄ quod inter
Græcos restincto bello publicam pacem
& concordiam constituisti. Neq; possibi-
le erit Barbaris semel amisso exercitu cō-
parare nouum, & bellum instaurare. Itaq;
nemo alius hoc tēpore existit, etiamsi in-
genio excellat, qui hoc efficere queat. Et
res tuæ præclare & ex utilitate publica ge-
stæ, maiorum res gestas quantumuis lau-
datas, superant. Plura enim regna euerti-
sti, quàm uel alii Græci urbes expugnaue-
runt. Idcirco si cuiquàm horum te confer-
re uelim, facile demōstrare queam, quod
res longe maiores q̄ illi gesseris. Sed mi-
hi duabus de causis abstinendum ab hac
collatione duxi, tum propter eos qui non
in loco uterentur, tum propter hos qui
istos, quos semideos fuisse persuasi sunt,
nolūt postponi præsentiis. Porro ut ue-
terum quoq; mentionem aliquam facia-
mus, animaduerte quod Tantali opes, &
imperium Pelopis, & Euristhei potentiā,
nulli neq; Oratores neq; Poëtæ laudaue-
rint, sed quod non solum Herculem, qui
longe excellit omnes, sed etiam Theseū, qui,

Collatio
meritorū
& potētiae
ex qua rati-
ocinat ho-
nestius esse
beneface-
re, q̄ mag-
nam potē-
tiam conse-

O R A T I O I S O C R A T I S

& hos qui Troiam ceperunt, ac quicunq;
deniq; horum similes fuerunt, cunctice/
lebrauerint, quorum cum præstâtissimos
& optimos quosq; in paruis oppidis & in/
sulis regnasse compertum habeamus, di/
uinam tamen atq; ab omnibus prædica/
tam nominis sui famam reliquerunt. Om/
nes enim amant eos, non qui magnum
sibi ipsis regnum cõpararunt, sed qui au/
thores plurimorum bonorum Græcis ex/
titerunt. Nec de regibus tantũ, sed de om/
nibus hanc opinionem habuerunt. Quo/
niam nec urbẽ nostrã ideo quisquã lau/
dauit, quod imperiũ maris habuit, quod
magna exacta pecunia, socios in arcẽ per/
duxit, nec quod multis deniq; ciuitatib;
imperauit, quas partim euertit funditus,
partim auxit, nõnullas etiã pro arbitrio
suo gubernauit, nã quidlibet horum faciẽ/
di potestaté habebat, sed hæ res odia pe/
pererunt ei acerbissima. Propter pugnam
autẽ in Marathone, & propter nauale præ/
lium ad Salamina commissum, quod cõ/
munem isthic Græcorũ salutem suã an/
teposuit, ab omnibus amplissimis laudi/
bus ue-

D E P A C E P R I M A.

bus uehif. Idē & de Lacedæmoniis sentiūt,
 quorum in Thermopylis stragem pluris
 quā alias uictorias faciūt. Ac Trophæū
 quod à Barbaris aduersus eos erectū est,
 laudant & spectant. Quæ autem à Lacedæ
 moniis cōtra alios erecta sunt, iniquo ani
 mo uident. Illud enim uirtutis argumen
 tum esse, hæc uero cupiditatis arbitrant̃.
 Quæ cum omnia perpenderis, atq; apud
 te reputaueris, si quid frigidius dictū erit,
 rationem te ætatis meæ habere decet, cui
 omnes merito ignoscere debent. Sin autē Amplificat
 horū quæ prius exposui, non dissimilia fu authorita
 erint, ea non meam senectutē inuenisse, tem oratio
 sed mihi diuinitus esse suppeditata credē nis per trāf
 dum erit, nō propter me, sed propter Græ lationē ad
 ciam, quod eam dii à presentibus malis li authorem
 berare, & te maiore gloria cumulare uo Deum, &
 lunt quā hactenus cōtiguit. Nec te igno se extenuas
 rare opinor, quomodo res humanas dii
 gubernēt. Non illi obiiciūt bona ociosis,
 sed mentem incitant ad bonā uirtute pa
 randa. Sicut fortassis & nunc me ad dan
 dum consiliū impulerunt, te uero ad susci
 piendum bellum destinauerunt, quod id

O R A T I O I S O C R A T I S

gubernare te posse, meam autem orationem nulli molestam esse iudicent. Neque enim existimo te, res maximas, quas hactenus gessisti, sine ope diuina efficere potuisti.

A signo. Atque affuit Deus, non ut cum Barbaris qui in Europa habitant perpetuo bellum gereres, sed ut in his exercitatus, vires tuas experireris, & postea his animum adiiciendum esse intelligeres, de quibus tibi consului. Turpe igitur est, fortunam ad optima ducentem nolle sequi, neque his se accommodare, ad quæ perducere te conatur. Cum autem omnes honore afficere debes, qui res tuas prædicant, tum illos maxime dignos honore existimes, qui ingenium tuum maioribus rebus gerendis dignum putant. Nec hos solum, qui in præsentia uirtutes tuas laudibus uehunt, sed illos etiam qui hoc agunt, ut uniuersa posteritas te magis quam omnes omnium temporum reges, admiretur. Plura disputare in hanc sententiam cum uelim, non possum, propter eam causam, cuius mentionem feci sepius quam opus erat. Reliquum igitur est, ut ea quæ dicta sunt, colligam, quibus in pauca collatis

DE PACE PRIM A.

latis summā totius cōsiliī mei perspicias.
Sentio em̄ te benemereri de Gracis debe
re, ac regnū Macedonum ita cōstituere,
ut Barbaris quāplurimis imperes. Quod
si hæc feceris, omnes tibi gratiam habe
bunt. Græci quidem, quod maximis à te
beneficiis affecti sint. Macedones quod re
gio nō Tyrannico more regnaueris. Aliæ
uero gētes quod tuo beneficio à Barbari
ca seruitute liberatæ, Græco more guber
nentur. Hæc utrum sint apte & satis accu
rate à me scripta, uestrum iudicium erit.
Hoc affirmare possum, nullum tibi consi
lium melius aut cōuenientius huic
tuæ potentiaē atq; foelicitati,
quàm hoc meum est,
dari posse.

FINIS.

ILLV.

EPISTOLA NVN-
ILLVSTRIS

SIMO PRINCIPI AC DOMI-
no, D. Friderico, Sacri Romani Imperij Hyperip-
parcho, Principi Electori, Saxonie Duci, Marchio-
niq; Myſſie, ac Præſidi prouinciæ Tyringiæ,
Heroi manſuetiſſimo, & ſtudioſũ Me-
cœnati liberaliſſimo, Pe-
trus Moſellanus
S. D.



OGITANTI
mihi Friderice
Princeps incly-
te, uaria morta-
lium ſtudia, qui-
bus hinc atq;
hinc peccatur,
nulli mihi a ſue
naturæ dignita-
te longius rece-
dere uidentur,

quam quilibet, rixis, bellis, uelut rebus bo-
nis gaudent, & in eiufmodi rerum neceſſita-
tem quãtũuis leui occasione arrepta, ſe ipſi
ſi intrudũt. Etenim cum iuxta Platonem ho-
mo ſit animal natura $\omega\lambda\iota\pi\kappa\omicron\rho$, amicitiam
ipſo uocabulo præ ſe ferens, & qui ad diuinę
concor

C V P A T O R I A.

concordiæ imaginē componatur, quid posset esse monstrosius, quam hunc solum sic litigare, sic rixari, sic bellis sursum ac deorsum nascere omnia, præsertim quum id sine ullo aliarum creaturarum, quatumvis ferarum exemplo committat. Nanq; cœlestes globi concordii progressu ac regressu suos motus conficiunt. Nec quicq; supremi orbis celerrimæ uertigini tardus inferiorum detrahit renisus, quo minus suauissimus ille cœlorum concentus, surdis ad hæc hominum auribus, mirabili ratione conficiatur. Stella cum stella nō pugnat, imo altera lucis suæ beneficium alteri lubens impertit. Elementa, ut quodq; pro suo ingenio a naturæ principe Deo locum sortitur, in sede sua permanent, nec proximo negotium facessunt. Quin diuersissima cum sint, tamen ad rerum naturalium compagem inter sese certis legibus coeunt ac conspirant. Et si quādo inter sic coniuncta oriatur seditio, dubio procul impendet totius structuræ ruina. Vt huc etiā respexisse uideatur Heraclitus ille tenebricosus, quū litem & amicitiam rerum omnium parentes uere quidem, sed parum aperte iactaret. Iam ex animantibus mutis, nulli se uita inest tanta, ut cum hominis ferocia componi possit. Gregatim uolant aues, & si q̄ sunt *μὴν ὅρα ἄλλα* suis regionibus contentæ, in alias sui generis non inuolant, Simul pascuntur armēta, Gre-

Omnes
creaturæ
mansue-
tiores sūt
hominib.

EPISTOLA NVN.

ges in eodem stabulant loco. Taurorum furor rarissime cōcurrit. Leonum feritas inter se non dimicat. Lupi etiam ferarum effertissimæ in prædam conspirant. Et, quod magis mireris, rebus surdis, sensuq; carentibus inest amicitia ac pacis uestigium. Conuenit Magneti cū ferro. Pyritæ cū igne. Et ne plura recensens ingerā fastidiū, totus rerū ordo *συμπάθεια* constat. Solus homo ruptis, discissis, disiectis tot naturæ fœderibus in suum genus armatur. An nō est stupendum, Dux illustrissime, animal hoc paci natum, quippe nullis armis a natura munitum, oculis amoris ducibus illustratum, sermonis mutui capax, ferro ab ipsis inferis in hominum perniciem eruto, in fratrem necandum irruere? Cur enim non fratres simus omnes, quum communem omnium habeamus parentē, corporum quidem Adam, animorum autē Deum? Miranda sunt hæc, cū in omnibus, qui hominis appellationem sibi sumunt,

Propria tū uero maxime in nobis Christianis, quos, ut de prioribus taceas, & insuper nihil aliud addas, ab hac truculentia deterrere potuisset
Christia-
norū pax
esse debet
professionis nostræ author CHRISTVS

IESVS, qui ut absolutissimū mansuetudinis suæ exemplum nobis relinqueret, agni

In Euan- patientissimi nomine uoluit appellari. Nec
gelio lo- hoc contentus toties inculcat illud, Pax uo-
annis. bis. Pax uobis, Pacem meam do uobis, pacē
meam

C V P A T O R I A.

meam relinquo uobis . Postremo in unam
 ueluti summā colligens omnia, inquit. Hoc
 est præceptum meum, ut diligatis inuicem,
 sicut ego dilexi uos. Imo ut arctioribus uin-
 culis nos inuicē astringeret, suos unius cor-
 poris mēbra esse uoluit, cuius ipse sit caput .
 Vnius uitis palmites, quam uitē represen-
 tet ipse . Et nec tot præceptis, tot symbolis
 commendatam pacem amplectimur ? Non
 est prodigiosum membrum cum membro
 in eodem corpore, & sub eodē capite, eoq;
 Christo, bellum gerere ? Palmitem cum pal-
 mite in eadem uite luctari ? Iam uero, ut le-
 uia sint argumēta naturæ, & Christiana pro-
 fessio, cui tamē in baptismi lauacro iurati su-
 mus oēs, pa& nos moueat, tot cōmoda, quæ
 secum adfert mutua cōcordia, tot incommo-
 da, in quæ nos semel conijcit discordia, ab in-
 sanis illis bellorū tumultibus retrahere nos
 deberēt . Pacis tempore omnia uelut nouo
 uere florent . Expletur principis ærarium, Imago pa-
 simulq; ciuium opes succrescunt, & cum his catæ regio
 in principē pacis studiosum, incredibilis sub nis.
 ditorum nascitur amor . Procedunt homi-
 num cōmercia. Exornantur ædificiis tum pu-
 blicis tum priuatis ciuitates . Super omnia
 uero bonæ illæ ac liberali ingenio dignæ ar-
 tes, & mores probati nō nisi pacis sunt alum-
 ni . Ediuerso intromitte bellum, omnia hæc Imago
 pessum ibūt . Aerarium, quod multis annis belli.

E P I S T O L A N V N =

congestum est, pauculis mensibus exhaurietur. Ciues exactiōibus ad uiuum usq; radetur, & in Tyrannum submurmurabunt. Tum quod ipsi miseri geniū fraudando suū uix comparlerūt, hoc omne explendæ Barbarorum militum uoragini dabitur. Mercatoribus tuto commealre non licebit. Ciuitates ob habitatorum infrequentiam fient ruinosa. Literæ in contemptum abibunt & extinguentur. Morum integritas sensim degenerabit in militarem peccandi licentiam. Breuiter non perinde erumpentes uitium gemmas uernum adurit gelu, ut belli imminētis aura quicquid est bonarum rerū corrumpit, & uicissim omnem malorum segetem secum adducit. Vt non iniuria apud Homerum illum ingeniorum fontem Phœbus sapientia antistes, insanum Martem (sic enim eum uocat subinde diuinus uates) hoc modo insignibus epithetis obiurget.

Homericae
fabulae alle-
goria.

Ἀρεὶ Ἀρεὶ βροτόλοιτε μὲν Φοῦν τὴν χεὶρ ἄλκῃται
Nec id iniuria, quando stupidissimi huius numinis culpa, cœlestis illius Veneris manus, hoc est, sanctissimæ amicitia iura hominum animis insculpta uulnerantur. Quem deū Poeticū idē Homerus alibi πλὺν δακρυῶν hoc est, multarum lachrymarum authorem nuncupat. Nam cui non lachrymas belli pēstis excuteret? Statim ubi tuba terribili sonitu taratantara dixit, plorant matres orbari se filijs

C V P A T O R I A .

filijs, auelli a complexu maritos. Pueri, puel
laeq; parentes ac fratres in aciem proficiscen
tes fletu prosequuntur. In bellum profecti
suorum desyderio grauius ingemiscunt. In
summa, luctu, gemitu, complorationeq; per
strepūt omnia, & apparet tristis rerū imago.

Iam quod imperium tam fuit florēs, ex quo Nulla po
non decerpserit aliquid bellorum nimbust^r tentia tan
Quod tam firmum, quod discordia non la^r ta, quā dis
befecerit. An non laudatissimas illas bonarū cordia nō
artium inuentrices Athenas immodicū belli euerat.

studium euerit, & in nihilum pene redegit.

Non & Roma urbs orbis regina, intestinis

& ciuilibus armis concidit. Et o nostrum stu

porem, tam multa naturalis concordiae do

cumenta, tam dulcia amicitiae commoda, tot

ac tanta bellorū incommoda, exitusq; infœ

lices, pacem nobis persuadere non sufficiunt.

Pugnatum quidē est plus satis iam aliquot

sæculis, Regnum cum regno conseruit ma

nus, Princeps cum Principe, Episcopus cū

Episcopo, Sacerdos cum Sacerdote, Mona

chus cum Monacho, ciuitas cum ciuitate, ca

stellum cum castello, uicus cum uico, ciuis

cum ciue, uicinus cum uicino. Quid multa,

paucis exceptis locum habuit aliquandiu

istud paululum detortum.

Ruptis inter se legibus omnes

Arma ferunt, sæuit toto Mars implus orbe.

Sed, quod scelix, faustumq; sit, nobis illu

EPISTOLA NVN.

xit seculum longe omnium foelicissimū, quo Christiani Principes, haud dubie Christi spīritu agitati, in pacem firmandam, pacifico illo Leone decimo Pont. Max. auctore, cōspīrant, iam omnia concordiae impedimenta e medio tollunt. Pacis artes passim reflorescūt quæ multis iam seculis Marte furente, aut in totum exularūt, aut frigide admodum & cōtemptim sunt habitæ. Videre mihi uideor, id quod gaudio gestiens scribo, seculū illud Augusti exoriri, quo pene solo, ut Solinus ait, cessarunt arma, et ingenia floruerūt. Nec hoc mirum uideri debet, quādo eo tempore sese in terrā ex ipso usq; cœlo dimisit unicus pacis Princeps IESVS. Quod si tuam prudentiam, Princeps Opt. Max. Christiani reges, quisq; pro se in ditione sua, fuissent imitati, neq; superiorum temporum querelis esset locus, neq; literarum ac pietatis iacturam, quā bellis undiq; strepētib; fecimus, tanto negotiō restituere necesse haberemus. Tum nec in eam necessitatem uentū esset, ut cōmunibus armis capiti nostro imminētē hostē Turcam propellere cogeremur. Hos animos, hos spīritus, hanc fiduciam, sæuissimæ beluæ Christiani orbis discordia fecit. Videt afflicta mutuis armis Christianorū uires. Nostra memoria. uix semel a bellis quieuit Italia. Galli in perpetuis fuere armis. Nec otium egerunt Hispaniæ. Campania illa terrarum

CVPATORIA.

rarum omnium fertilissima tot modis dilania-
 ta est. Multę Germaniarum regiones Bombar-
 darum tonitrua exaudiuerunt. Tibi laus, tibi Laus Fri-
 gloria debet HEROS mansuetiss. qui ditio derici Prin-
 ne tua, in medio armorum strepitu, tot annis cipis.
 nullis bellorum moribus concussam, sic ædifi-
 ciis magnificis instruis, sic nobilium artium ope-
 ribus illustras, sic honestiss. literarum studiis ex-
 colis, sic religionis cultu adornas, puerisque,
 ut quod olim in laudatiss. illa Massiliensi Rep.
 tot prudentissimi præstiterunt Senatores, idem
 tu intra tuæ ditionis pomeria, uel solus præ-
 stare uidearis. Quorum autem attinet hoc loco
 recensere quot oppida, quot castella, quot ar-
 ces, quot delubra, structuræ magnificentia
 splendidiora reddideris? Quot uiros artifi-
 cibus egregiis nobiles ad tua expolienda undique
 contraxeris? Vnicum est celsitudinis tuę factum ue-
 re regium, et te tanto principe dignum, quod quum
 pro dignitate celebrare mea infantia non pos-
 sit, tacere tamen non possum. Quid hoc inquires?
 Witteberga tua, quę quum ante a ueteri Ger-
 manorum rusticitate parum differret, nunc tuo be-
 neficio, sic religionis cultu mansuescit, sic om-
 nigenarum disciplinarum gloria floret, ut alię ci-
 uitates etiam publicorum studiorum rationem hinc
 petere queant. Habes hic præter laudatissi-
 mum sacerdotum collegium tuis sumptibus a primis
 fundamentis extructum, & redditibus abunde lo-
 cupletatum, Theologos sanctiss. Iureconsultos

EPISTOLA NVNCVPAT.

prudentissimos, Philosophos naturæ interpretes perspicacissimos. Et quia partim ex pōtificū ueterū & Theologorū sanctiōe didicisti, partim ipse, quæ tua est prudētia, animaduertisti, in publicis scholis Christianorū studia citra externarū linguarū opē nō sceleriter procedere, Græcæ & Hebraicæ linguarū professores, aliunde magnificis propositis præmijs humanissime accersis. Hæ tuæ uirtutes uere principales, pariter & tuum in me homuncionē nihil egregie de tua Cels. promeritū, singulare studiū, Princeps sapiētiss. me cōmouit, ut grauissimil **SOCRATIS** Oratoris ac Philosophi prudētissimā orationē, de bello fugiēdo, & pace seruāda, nuper a me Latinitate donatā, tuæ Cels. nominatim dedicare uoluerim. In ea, Cels. tua legetur qua uia amplissimæ duæ Græcorū Respub. Atheniēsiū uidelicet ac Lacedæmoniorū pacis artibus ex minimis inītijs in tantā amplitudinē accreuerint. Quæq; ratiōe uicissim immodicis bellorū studijs funditus interierint. Hos labores, si fronte Principe digna, a nobis susceperis, animum facies, ut & id genus alia Latinis auribus hætenus inaudita, post hac e Græcorū penu, in Latinorū usum depromere audeamus. Bene uale, Princeps illustriss. ac diutissime, scelicissimeq; uiue. Lipsiæ Idib.

August.

ISOCRA.

ISOCRATIS

ORATORIS AC PHILOSOPHI

Oratio grauiſſima ad populum Athenienſem

ſem de bello fugiendo, & pace ſeruan-

da, Petro Moſellano Prote-

genſe interprete.



MNES QUIDEM
qui ad dicendū in
hunc cœtum pro/
deunt, cōſueuerūt
dicere ea eſſe maxi/
ma, & in quæ toti/
us ciuitatis ſtudia
potiſſimum debeāt

incumbere, de quibus ipſi ſentētiam ſunt
dicturi. Quod ſi in aliis cauſis in hunc mo/
dum præfari conuenit, haud quaquā
indecorum uideri poterit, & de his quæ in
manibus ſunt, eiufmodi facere exordiū.
Venimus enim concionem habituri de
bello & pace, quæ res, cum in comuni
mortalium uita in utranq; partem pluri/
mum poſſunt, tum ſunt eiufmodi, ut qui
de eis cum laude conſilium ceperint, eos
uitæ quoq; commoditate foelicitateq; cæ-

O R A T I O I S O C R A T I S

teros anteire sit necesse. Itaq; de quibus cō-
 sultaturi conuenimus, quanta sit magni-
 tudo hinc liquet. Sed uideo uos, nescio
 quomodo, haud quaquam tanta attentio-
 ne aureis dicentibus præbere, quanta illi
 cura uobis uerba faciunt. Quin aliis uel
 animum diligenter aduertitis, aliorū rur-
 sum ne uocem quidem æquis auribus su-
 stinetis. Neq; uero hoc admodū mirū ui-
 deri debet, cum & alijs exhibilare, atq; ex-
 plodere soleatis omneis, si qui ueritati, &
 nō potius uestris cupiditatibus oratione
 sua patrocinetur. Quis autem hoc ne iure
 optimo uitio dederit, quod, cum nō igno-
 retis ab adulatoribus multas, magnasq;
 domus subuersas, & quisq; uestrum hanc
 pestem in priuatis rebus excretur, in Rei
 pub. tamen administratione non perin-
 de affecti estis? Quin usu uenit, ut dū ma-
 xime eos, qui adulatoribus patefaciunt au-
 rei, damnatis, interim ipsi deprehenda-
 mini maiorem habere fidē eiusmodi ho-
 minibus, q̃ bonis & incorruptis ciuibus.
 Nam quod Oratores in hoc sunt toti, &
 ante omnia meditantur, non ut quæ sint
ciuitati

DE PACE SECVNDA.

ciuitati profutura, sed uestris auribus gra-
 ra dicant, eius uos ipsi fuistis authores, &
 culpa in uos transferenda: atq; adeo & nūc
 Rhetorum uulgus ad hoc studiū confluit.
 Neq; id immerito, quando ex ipsis nulli
 non est manifestum, qui bellum suscipiē-
 dum suadent, eos esse uobis longe gratio-
 res, quā qui de pace consulunt. Illi enim
 spem faciunt, quod per uictoriam nō for-
 tunas tantū, quæ in hostiū urbibus sunt,
 nobis sumus acquisituri, sed & potentiam
 pristinam recepturi. Hi uero eiusmodi ni-
 hil portendunt, imo consulunt ocio studē-
 dum: & cupiditates, quæ ut plurimū æqui-
 tatis metam transiliunt, ab insolentis for-
 tunæ strepitu arcēdas: ac quod bonæ mor-
 talium parti omniū est difficilimū, præ-
 sentem fortunam boni consulendam. Sic
 enim à spe pendemus, & quæ uidentur lu-
 cra insatiabiliter affectamus, ut ne hi qui-
 dem, qui maximas possident opes, in eis
 manere uelint, sed præ maiorum cupida-
 te uel iā parta, & in tuto collocata denuo
 periculo exponant, quod crimen omniū
 maxime nobis fuerat declinandum. At

Suasores
 belli, quare haud
 grauatim
 audiantur,

O R A T I O I S O C R A T I S

Cupiditas, nunc uidere uideor quosdam ad bellum
 quantū ualeat. magna festinatione non aliter proficere,
 quā si huc non homunculorū consilia,
 sed deorum uoces uocarent, hinc certissi-
 me fore pollicentes, ut simul res nostras la-
 befactas restituamus, simul ab hostibus
 uictoriam uel citra negotium reportem⁹.
 Sed enim prudentium, & cordatorum ui-
 rorum est, non de his, quæ qualia sint cō-
 perta habent, consilium capere, quando
 hoc fuerit superuacaneæ curiositatis, ueꝛ
 quæ iam decreuerint, ipso facto præstare,
 quæ porro in consilium ueniant, eorum
 quis tandem sit futurus exitus, haud quā-
 pro certo statuere, sed magis qualibuscūq;
 coniecturis uerisimili rerum euentu colle-
 ctō, sic demum sententiam ferre. Quorū
 neutrum uos facitis, imo deliberatio hæc
 uos perturbatissimos ostendit. Etenim in
 hoc conuenistis, ut ex omnium sententiis
 inuicem pensitatis, quod optimum factu
 sit, eligatis: attamē perinde ac si hoc iam
 in aperto proflaret, quæ hic dicuntur, au-
 dire nō uultis, nisi forte eos, quorum con-
 cio non tam rerum quærīt ueritatem, q̃
 audien-

DE PACE SECVNDA.

audientium spectat uoluptatē. Atqui conueniret uos, si modo quæ ciuitati profutura sunt, quærere est cordi, iis magis animū aduertere, qui uestris animi decretis aduersa suadent, q̄ qui dicendo hoc unum agunt, ut gratiam uestram eblandiantur. Siquidē non nescitis quod ex his, qui huc dicturi prodeūt, si qui uestris animis gratia dicunt, ii facile decipere possunt. Nam quod ad gratiam dicitur, tenebras secum adfert, ut quod optimum est conspici nequeat. Ab his autem, qui in consulendo, nō ad uoluptatē loquunt̄, nihil tale fuerit timendum. His enim, nisi quid utile sit futurum ostēdēt, nulla relinquitur uia, qua sententiam suam persuadere possint. Iam uero quid tandem superest, quo homines queāt aut de præteritis recte iudicare, aut de futuris foeliciter consultare, si non sententias in utranq; partē dictas inter sese cōpositas, uelut ad libram examinēt, ac ipsi se cōmuneis auditores utriusq; partis consiliis exhibeant? Quod ad me attinet, de miror profecto uel senes uos, si nō adhuc in memoria habetis, uel iuuenes, si e nule

Adulatores ad gratiam loquuntur,

O R A T I O I S O C R A T I S

Qui bellū
 suadēt ma-
 gnarū cala-
 mitatū sem-
 persunt au-
 thores.

 lo audiuitis per eos quidē, qui paci studē-
 dum suadēt, nihil unq̃ mali nobis accidis-
 se. Atqui quantumuis leui de causa bellū
 exuscitant, eos multarum magnarūq; ca-
 lamitatum nobis authores extitisse, quae
 in praesentia nullam facimus mentionē,
 imo expediti, & tantum non ad bellum
 instructi astamus, nihil prius potiusue exi-
 stimantes, q̃ ut delectu habito Triremes in-
 struamus, pecunias exactione cōgeram⁹,
 & sine discrimine quibusuis mittam⁹ au-
 xilia, uel inferamus bellū. Perinde enim,
 ac si in aliena urbe de summa rerum peri-

Omnis in
 Repub. ma-
 li causa, q̃
 Magistra-
 tus magis
 suum q̃ pu-
 blicum cō-
 modū que-
 runt.

 clitaremur, trepidamus. Horū omnium
 hāc causa est, quod non deceat non mino-
 re sollicitudine Reipub. commodum, q̃ &
 priuatae procurare, uos tamen in cōmuni-
 bus ciuium rebus non eundem animum
 praestatis. Sed si quādo priuata negotia in
 deliberationem cadunt, qui melius q̃ uos
 ipsi sapiunt, eos in consilium adhibetis.
 Si uero frequēte senatu Reipub. salus aga-
 tur, bonis eiusmodi fidem non habetis, &
 quod insolentius est, inuidetis. Porro ma-
 los, qui forte in contionē ascendunt, lau-

datis,

D E P A C E S E C V N D A.

datis, & ebrios magis esse populares cen-
 setis quàm sobrios, ameteis quàm cordatos, ci-
 uitatis bona dissipanteis, quàm qui ne familia-
 ribus quidem copiis parcunt, quo Reipub.
 comoda promoucant. Quamobrem mó-
 stro simile uidetur, si quis ciuitatem hanc
 nostram tantisper, dum eiusmodi consilia-
 riis utitur, crescere posse sperat. Ego profe-
 cto non ignoro quàm sit lubricum, & periculo
 plenum uestris placitis dicendo reluctari
 & quod stante hac Reipub. forma, ut Ma-
 gistratus non tam uirtute quàm sorte commit-
 tant, liberius loquendi facultas iacet, nul-
 lique datur copia aperte agendi, nisi qui sit,
 aut egregie stultus, aut uestri, hoc est, pu-
 blici comodi nullam plane gerat curam.
 Sed interim admiror comœdiarum actio-
 ribus, quod est omnium absurdissimum, rum actio-
 hanc licentiam in theatro impune esse. Et res.
 quæ nam hæc peruersitas, his qui singu-
 lorum ciuium peccata per uniuersam spar-
 gunt Græciam, tantam habetis gratiam,
 quantam uix eis qui de Reipub. bene me-
 ruerunt. At in illos, qui uos obiurgant &
 libere monent, non alios geritis animos,

O R A T I O I S O C R A T I S

quàm si malo aliquo Rempub. laderet.
 Hæc tamen, ut dixi, se habent non tamè
 ab his, quæ in animo statui, deterritus de
 sistam, quando huc prodii non ut uobis
 gratificarer, aut honoris acquirendi gra-
 tia suffragia uestra eblandirer, sed quæ ip-
 se sentiam, dicerem: primum de quibus
 Magistratus retulerunt: deinde de aliis
 Reipub. negociis. Nisi enim & de reliquis
 recte cõsiliũ inierimus, nihil plane pro-
 fuerit ea, quæ ad pacem attinent, decerne-
 re. Itaq; consultissimum mihi uidetur, fa-
 cere pacem, non solum cum Chiis, Rho-
 diis & Byfantiis, sed omnibus omniũ gen-
 tium hominibus, & fœdus ipso usu firma-
 re, non quod nuper quidam seorsim per-
 cusserunt, sed quod cum rege & Lacedæ-
 moniis ictum est, quo Græcis libertas de-
 cernit, præsidia ex alienis urbibus educi-
 iubentur: atq; hac ratione quiq; suam ip-
 forum teneant ciuitatem. Nam his pactis,
 neq; æquiora, neq; ciuitati magis profutu-
 ra inuenire poterim⁹. Iam si hoc loco ora-
 tionem sistam, uidebor, sat scio, ipsius ciui-
 tatis commodis detrahere. Siquidem ita
 fiet, ut Thebani Thespias, Plataeas, ac reli-

Cum om-
 nibus, si li-
 cet, seruan-
 da pax.

DE PACE SECUNDA.

quas ciuitates, quas præter iurisiurandi sacramenta occuparunt, retineant. Nos autem, etiam si nulla necessitas urget, iam par-
tis cedemus. Cæterum si intentis animis ad finem usque nos audiueritis, opinor fore, ut eorum magnam stultitiam, imo insaniam omnes uno ore damnetis, qui iniusticiam lucrum putant, quique alienas urbes per uim detinent, parumque reputant, quot calamitates ex huius iniquitatis fonte iam sint ante sæpe in Remipub. deriuatæ. In hoc ergo tota uersabit oratio, hocque uobis omnibus sic habere conabor ostendere. Ac primum quidem de pace differe-
mus, & quid tandem sit illud cuius gratia conuenimus quodque nobis contingere uelimus. Hoc si recte & animo præsentente statuerimus, huc uelut ad scopum respiciendo, scilicet & de cæteris consilium quaerere poterimus. Itaque an non abunde nobis foret satis, si & ciuitatem hanc nostram tuto habitarem, & illis quæ ad uitæ usum requiruntur, abundaremus. Tum autem in nostris ipsorum rebus essemus concordantes, ac denique apud reliquos Græcos om-

Quæ ciuitas, quæ uelut diuio forlax

Belli præmium.

O R A T I O I S O C R A T I S

neis nominis nostri gloria celebraretur.
 Equidem existimo, si hæc nobis suppete-
 rēt, nihil plane deesse quomin⁹ Respub.
 nostra in fœlicem suum statum rediret.
 Nunc autem bellum in his bonis nos spo-
 liauit omnibus. Etenim non solum pau-
 periores nos reddidit, & plurima pericu-
 la sufferre coëgit, sed & Græcis omnibus
 odiosos præstitit: breuiter modis omni-
 bus rem nostram afflixit. Quod si pacem
 fecerimus, & quales communia fœdera
 iubent, tales nos ipsi exhibuerimus, futu-
 rum, ut bellis, periculis, deniq; turbulen-
 tissimis turbis, in quas ipsi nos mutuo cō-
 iecimus, remotis omnibus, cum magna
 tranquillitate ciuitatem teneamus, & in-
 dies magis ac magis fortunæ nostræ cre-
 scant. Nam præterquàm quod ab exactio-
 nibus, & naualis expeditiōis muneribus,
 quas *Συναρπξία* Græci uocant, aliisque
 belli oneribus requiescere licebit, agros
 colendo, mare nauigando, aliisque operib⁹
 belli iniuria iamdiu intermissis instando
 consequemur: ut si ad hoc tempus respi-
 ciatur, ciuitatis reditus plane duplicent⁹,
usq; adeo

DE PACE SECVNDA.

usq̃ adeo ut mercatoribus, peregrinis, inquilinis, a quibus ob bellorum tumultus est deserta, remigrātibus, ciuitas maxima sit futura : sed &, quod mihi omniū summum uidetur, habituri simus socios homines uniuersos, & eos quidem non coactos, sed uoluntarios : non qui potentiam nostram reueriti in tranquillo rerum statu nos suspiciant, uerum periculis imminentibus deserant, sed qui hoc sint erga nos animo, quo decet uere socios, & amicos. Præterea quæ nunc nullis uel bellis, uel sumptibus quantumuis magnis recipere possumus, ea pace facta per legationes facile recuperabimus. Neq̃ enim existimandum uel Cersobleptē pro Chersoneso, uel Philippum pro Amphipoli nobiscū dimicaturos, ubi uiderint nos præ modestia nihil alienū cōcupiscere. Nunc autē quia semper nostri nosmet poenitet, uidentq̃ nos nunq̃ non plura affectare, ne imperium hoc in suarum ditionum confinio nimīū crescat, non immerito uerentur. At si mores commutauerimus, & opinionem saniozem induerimus, non mo-

O R A T I O I S O C R A T I S

do & nostra ditione manus abstinebunt, sed & suæ partem nobis ultro cedet. Hinc enim hoc lucrifacere uidebuntur, ut dum nostræ ciuitatis potentia inferuiunt, hoc prætextu in regnis suis ab hostium incur su tuti⁹ sedeant. Sed & à Thracii regni corpore tantam regionem detrahare poterimus, ut non solū nobis sit satis, sed & Græcis egentibus, ac ob inopiam incertis sedibus errantibus, uiuendi commoditatem præstare queat. Nam si Athenodorus, si Callistratus, ille quidem priuatus, hic uero exul, ciuitates condere suffecerunt, cur non & nos, modo uelimus, sedes eiusmodi multas obtinere poterimus? Qui porro inter Græcos primas tenere gestiunt, eos in eiusmodi rebus curandis magis oportet duces esse, q̃ belli, & exercitus peregrini, quorum tamē nos in præsentia mirum q̃ sumus cupidi. Proinde de his, quæ legati huc annunciarunt, hæc dixisse nobis sit satis: quanq̃ alius quispiam plura forsan adiecisset. Post hæc autem sic sentio concionem non ante dimittendam, q̃ nō solum suffragiis pacem decreuerim⁹,
sed &

DE PACE SECVNDA.

sed & consilium, quo retineri queat, inuenimus: ne quod ante saepe, & nunc usu ueniat, nimirum ut ubi paulisper quieuerimus, denuo in easdē turbas recidamus. Nec tam præsētia mala effugiam⁹, q̄ ad tempus suspēdamus. Atqui horum nihil fieri poterit foeliciter, prius q̄ uobis persuaferitis, ocium agere, rem esse utiliozem, inq; maius cedere lucrum, q̄ alienarū rebus tumultuari. Tum iusticiam sectari potius q̄ iniusticiam, nostrorū curam gerere satius q̄ aliena concupiscere. De quib⁹ tametsi nullus unq̄ Oratorū uobis uerba facere est ausus, ipse tñ de iisdē plurimas apud uos oratiōes sum habiturus: neq; id præter rationē, quādo in his rebus Reip. foelicitatem, non autem eis, quæ nunc agimus uideo consistere. Sed enim, qui publica & omnium usu trita dicēdi uia posthabita, noua aliqua suadendi ratione populum in sententiā diuersam traducere studet, ei necesse est, non tantum in dicendo plura attingere, & per hoc orationem prolixiozem afferre: sed pro iudiciorum uarietate, alia quidē uelut in memoriam re-

Ocium ne
gocio præ
ferendum.

Pro uarie-
tate audiē-
tiū dictio
est tempe-
randa.

O R A T I O I S O C R A T I S

Verissima
sententia.

uocare, alia rursus incusare, rursus alia
laudare, de aliis uero consilium dare. Vix
enim iis omnibus quis annisus, ad melio-
rem mentem uos reducere poterit. Et cer-
te ita se res habet. Omnes quidē mihi ui-
dentur, quæ commoda sunt cōcupiscere,
& ut plus cæteris habeant, conari, sed uiā
quæ eò perducatur, ignorare. Quinetiā opini-
onibus inter se longe, lateq; dissidēt. Nāq;
alii quidē sunt cordati, & quod potissimū
ad rem pertineat, coniecturis assequi pos-
sunt. Rursus alii ab eo quod conferre pote-
rat q̄ longissime aberrant. Id quod & ciui-
tati huic nostræ accidit. Persuasum enim
habemus, si multis Triremibus mare na-
uigauerimus, si ciuitates alienas tributū
dare, & subinde legatos huc missitare cō-
pulerimus, nos quiddam magnopere pro-
futurum confecisse: cum interim à ueri-
tate procul absumus. Nam præterq̄ quod
ex illis, quæ sperabamus nihil plane pro-
cedit, insuper inimicitias, bella, & sumpt⁹
nobis lucri fecimus: idq; nō iniuria, quan-
do quidem ut ante ex eiusmodi curarū tu-
multu in extrema pericula deuenimus,
ita per

DE PACE SECVNDA.

ita per hoc quod partim iniuria depressos subleuabamus, & ciuitatem omnibus exhibebam⁹ æquam, partim aliena nō affectabamus, à Græcis ultro offerētibus principatum nacti sumus. Quas arreis multo iam tempore certe parum prudēter, ne dicam stulte, contemnimus. Etenim eodem mentis prolapsi sunt quidam, ut iniusticiam sui cultoribus probrosam quidem, sed tamen quæstuosam & in quotidianæ uitæ usum accōmodam arbitrentur. At iusticiam honestam quidem censeant, uerum parum utilem, ut quæ nō tam sui cultores, q̄ alios promouere queat. Quib⁹ falsa plane est opinio, quippe siue opes, siue honestæ uitæ officia, in summa, fœlicitatem acquirere studeas, nihil tantum præsens momēti attulerit, quantum uirtus, quæq; ei subiacent partes. Nam per ea bona, quæ in animo possidemus & alias cōmoditates, si quibus egemus, parare licet. Quapropter qui mentis suæ bonâ negligunt, interim & occasiōes, per quas aliis & recti⁹ sapere, & fœlicius uiuere possent, sese negligere non aduertunt. Demiror

Nulla facultas præstantis ruitute.

ORATIO ISOCRATIS

autē si quis opinetur fore, ut qui pietatē & iusticiam colant, inque his perseverare, permaneretque uelint, ii peius quā mali, sint habituri : præsertim cum illud constet, bonos eiusmodi & apud Deos & apud homines plura q̄ reliquos consequi. Ipse certe in hac sum opinione, ut ea, qui
 Soli boni bus in uitæ usum est opus, bonis uel solis
 satis habēt. suppetere putem : uerum malos eius gene-
 ris rebus affluere, quibus carere non pau-
 lo sit satius. Etenim illis, qui iniquitatem
 in precio habent, & aliena rapere, summū
 putant bonum, simile quiddam accidere
 uideo, quod & animalib⁹, quæ sese inescā-
 re sinunt. Nam tametsi principio quidē
 eis, quæ forte corripuerint, fruūtur, tamē
 haud ita multo post in maxima mala de-
 uenire solent. At qui cum pietate & iusti-
 cia uiuūt, tempora omnia in tuto transi-
 gunt, & in omnem usq; ætatē foelicis con-
 scientiæ dulceis spes sentiunt. Et si forte
 hæc in singulis non ita usu ueniant, tamē
 ut plurimum sic cadere uidemus. Iam ue-
 ro quia quod in posterum est profuturū,
 non ita promptum semper est expedire,
 cordato

DE PACE SECVNDA

cordatorum hominum fuerit, quæ sæpe penumero conferunt, præ aliis eligere. Porro omnium absurdissima committunt, qui quanquam iusticiæ studium cum præclariorum Deo gratius existimant, eos tamen, qui iusticiam ipsa uita exprimunt, miserius, quam qui maliciam colunt, uiuere putant. Atque utinam quàm est ad manum cuiusque uirtutem laudibus uehere, tam esset quoque facile, auditoribus, ut ipsis moribus eam referre studerent, persuadere. Nunc autem plane uereor, ne omnia hæc frustra dicam. Corrupti enim sumus ab iis, qui nil nisi fraudes struere possunt: quibus plebs adeo est contemptui, ut si quando bellum aliquibus inferre destinaret, ipsi plebe adeo inconsulta pecunias exigant, interim asserentes operæ precium maiores hoc pacto imitari. Tum asserunt non committendum, ut cum per ignauiam aliis risui simus, & illi etiam si imperata tributa non pendant, nihilominus tamen mare nauigent. Hos ego lubens equidem interrogarem, quos tandem maiores ad imitandum nobis proponant: eos ne, qui bello Per-

Nihil stultius quam a stultis maiorum factis nolle reredere.

ORATIO ISOCRATIS

fico in Repub. floruerunt: an qui paulo ante bellum Peloponnesiacum ciuitatē moderabant? Quos si designent, aliud profecto cōsulunt nihil, quā ut libertatem nostram in seruitutis casum demus. Sin eos, qui apud Marathonem cum uictoria pugnarunt, aut iis etiam priores putant, quid reliquum est, quin omnium sint impudentissimi, ut qui, cum eos, qui tum Reipub. præsuerunt, laudent, nobis tamē uiam longe ab illorum exemplo diuersam ingredi suadeant: maxime cum hic non sine periculo graui peccetur. Qua in re quid equidem faciam, incertum est. an quemadmodum in aliis consueui, ita & hic, quod uerum est dicam? An ne quē ex uobis offendam ueritus, conticescam? Vtcunq; cadat, commodissimum mihi uidetur de huiusmodi rebus differere. Veruntamen uideo uos minus propicios iis, qui uos obiurgant, quā qui malorū omnium fuerunt authores. Quod ad me attinet, pudendū foret, si cui meæ ipsius gloriæ maiorem, quā publicæ salutis rationem habere uiderer. Quamobrē ut meæ
partes

D E P A C E S E C V N D A.

partes erunt ex eo orationis genere, quod
 ciuilibus rebus procurandis adhibetur,
 non quæ gratissima sunt, sed ciuibus uti-
 lissima sequi: sic uestri habebitur officii,
 primum omnium expendere, quod mor-
 bis quidem, quibus corpusculum hoc no-
 strum impetitur, abigendis curationes, &
 omnis generis medicinæ ab eius artis stu-
 diosis sunt inuentæ: sed animo ægrotan-
 ti, & prauis cupiditatibus laboranti præ-
 ter orationem, quæ peccantem obiurga-
 re libere audeat, nullū suppetit remediū:
 deinde consyderare, q̄ sit ridiculū, quo plu-
 ribus doloribus semel defungamur, ustu-
 ras quidem & medicorum sectiones forti-
 ter perferre, orationem autem prius auer-
 sari quàm plane comperias eiusmodi ne-
 fit, quæ audienti queat prodesse. Atq; hæc
 eo sum præfatus, quod deinceps animus
 est citra metum, imo modis omnibus li-
 bere apud uos uerba facere. Quis enim
 aliunde huc profectus, si nondum nostro
 contagio sit corruptus, sed ex improviso
 his nostris coeptis interueniat, non arbi-
 tres desipere nos & insanire: qui cū egre

O R A T I O I S O C R A T I S

giis maiorum nostrorum factis nos uenditemus, & eorum exemplis ciuitatem celebrare satagamus, ipsi tamen nihil, quod cum illorum factis conueniat, imo nihil non aduersum facimus? Nam illi quidē pro Græcis contra Barbaros cōtinua bella gesserūt. Nos eos, qui domi e suis facultatibus uix uictum sibi quæritare poterant, e Barbaris euocatos in Græcos, hoc ē, nos ipsos immittimus. Illi, quo Græcorum ciuitates in libertatem assererent & eisdem laborantibus succurrerent, imperio sunt dignati. Nos qui omnia sub seruitutis iugum redigimus, & illis contraria facim⁹ adhuc stomachamur, non alio nomine, q̃ quod non æquus nobis cum illis antiquis habeatur honor: cum interim, siue rerū gestarum gloria, siue consiliorum opportunitate tāto simus ueteribus illis inferiores, quanto illi quidē pro communi Græcorum salute, patriæ relictæ desyderium perferre, & cum hoste, nunc terra, nunc mari sunt ausi decernere. Nos autem ab ea laude tam procul absumus, ut ne pro re quidem nostra familiari amplificāda periculum

DE PACE SECVNDA:

riculum facere sustineamus. Certe omni
 bus imperitare uolumus, at militiae labo-
 res perferre nolumus. Et bellum quidem
 in omnes, pene dixerim, homines moue-
 mus, uerum, ut coeptum quoq; foeliciter
 geramus, militari disciplina non ipsi nos
 exercem⁹: quin homines alienos partim
 incertis sedibus uagabundos, partim trasfu-
 gas. partim aliis facinoribus coopertos
 undiq; huc confluentes cōducimus. Qui-
 bus si quis alius amplioris mercedis spem
 faciat, eius statim signa sequuntur. Atta-
 men hæc hominū sentina adeo nobis pla-
 cet, ut si quando, quod non raro contin-
 git, in liberos nostros peccent, pœnam ta-
 mē eos, quam hoc facto commeruissent,
 subire nolumus. Sed & si cui res suas rapue-
 rint, si cui uim attulerint. si impotenter
 quid fecerint, quorū crimina ad nos sint
 peruentura, nō solum non grauitè factū
 ferimus, sed interim dū eiusmodi eos per-
 petrasse accipimus ex animo gaudemus.
 Quin & eo stulticiæ progressi sumus, ut tā-
 etsi illis, quæ ad uictum quotidianum per-
 tinent, ipsi egemus, peregrinos tamē ex-

Ut graphi
 ce milites
 istos cōdu-
 citios de-
 pingit.

O R A T I O I S O C R A T I S

ercitus alere conemur. Tum quo commu-
 nibus omnium hostibus mercedem pactā
 præstemus, sociorum opibus detrahim⁹,
 & tributis exigendis omnia compilamus.
 Porro maioribus, non iis solum, qui lau-
 dem, sed & qui culpam meruerunt, tanto
 nō sumus inferiores, quanto illi, si quan-
 do communibus suffragiis bellum gere-
 re decreuissent, etiamsi arx tum plena au-
 ro & argento erat, tamen suam ipsorum
 uitam pro communibus decretis exequē-
 dis in periculum dare duxerūt operæpre-
 cium. Nos autem cum in tantam pecuni-
 arum egestatē sumus redacti, & tanta mul-
 titudine ciuitatem oneremus, non aliter
 tamen, ac magnus Persarum rex merce-
 nariis exercitibus utimur. Olim quidem,
 si quando ad naualem expeditionem clas-
 ses instruerentur, peregrinos certe, & ser-
 uos nauium dirigendarum labori præfici-
 ebant: ciueis uero cum armis emittebāt.
 Nunc autem peregrinis utimur armatis,
 ciues naues agere cogimus. Itaq; cum in
 ipsum hostium littus uentū est, ciueis qui-
 dem nostri, qui imperium sibi in Græcos
 asserunt,

DE PACE SECUNDA.

asserunt, remulco saltem instructæ naue prodeunt. At conductitii illi dubia fide homines, quales eos supra paucis expressi, nō sine graui periculo rem ferro gerunt. Iam si quis quæ ad ipsum ciuitatis statum pertinent, recte administrari cerneret, forsan & de aliis non ita laboraret. Nunc autem cum res longe se aliter habeât, quis non uel ob hæc iure optimo nobis indigetur? Nam cum indigenas nos, nec aliū de translatis ipsi iactemus, & urbem hæc nostram primam omnium conditam gloriemur, uel hoc nomine nos aliis omnibus Reipub. optime administrandæ præbere exempla conueniebat. At nunc ipsi nostram peius sane gubernam⁹ & perturbatius, quàm qui ciuitateis suas nuper admodum condiderunt. Et cum nobis ipsi placeamus, ac quasi ceteris generosiores, superbo spiritu turgeamus, nihilominus tamen nobilitatem hanc nostram aliis, si qui uelint, minus grauate impertimus, quàm quengquam in suæ obscuritatis consortiū recipiant uel Triballi uel Leucani. Leges quidem rogauimus plurimas, sed harum

O R A T I O I S O C R A T I S

tam paruam gerimus curam. Vno enim exemplo expreffo, & de reliquis facile con-
iicere quifq; ſibi poterit, ut cū capitis ſup-
plicium ei, qui uel ſuffragia, uel iudicia pe-
cunia corrumpere deprehendatur, leges
decernant, nos tamē tanto ſcleri palam
obnoxios communibus ſuffragiis impe-
ratores faciam⁹. Atq; adeo, ut quifq; ciueis
quamplurimos muneribus corrumpere
ſuffecerit, ita maximarum rerum guber-
naculis admouetur. Quanquam autē de
Reipublicæ ſtatu nō minus quā de to-
tius ciuitate ſalute ſatagamus, & populi
imperium, popularemq; ciuitatē, Græci
δημοκρατία uocant, rebus tranquillis, &
pacatis crefcere, ſtabiliriq;: In bellis autē
iam bis cuerſam, & deperditam ſciamus,
tamen qui pacem cupiunt, tanquā im-
perium omnibus commune in paucorū
potentiam redigere ſtudeāt, ſuſpectos ha-
bemus. Qui porro bellum inducunt, eos
ut popularis libertatis tutores ſuſpicimus,
& nobis bene uelle putamus. Et quamuis
cum dicendi, tum agendi peritiſſimi ui-
deri uelimus, tamen temere adeo, & incon-
ſyde

DE PACE SECUNDA.

syderate consilia capimus, ut de eisdem uno atq; eodem die, nō eadem tamen statuamus. Sed quos antequā in comitia ingredimur, inculamus eosdem, ubi in comitia uentum fuerit, suffragiis nostris cōprobamus. Porro discessione facta nō ita magno tēporis spatio interiecto, quos ante suffragio elegimus, denuo culpamus. Et cum Græcorum omnium sapientissimi uideri uelimus, consultoribus tamen utimur eiusmodi, cuiusmodi nemo non cōtemneret. Tum illos ipsos Reipub. summa præfecimus, quibus nemo rem suam familiarem crederet. Quodq; omnium est indignissimum, quos uno ore omnes pessimos ciueis confitemur, eos fidelissimos ciuitatis custodes opinamur. Iam incolas tales censemus omnes, quales sibi delegerint patronos, & non illis nos opinionibus sensim indui credimus, quibus Magistratus nostros imbutos uidemus. Quid multis? A maiorum nostrorū laude tantum absumus, quantum illi quidē eosdem, & ciuitatis Magistratus, & belli duces fecerūt, uidelicet quod qui domi po-

Hoc fere
hodie in
Magistra-
tibus usu
uenit.

O R A T I O I S O C R A T I S

pulo concione optime consulere poterit, eundem hunc & militiae apud sese rectissima quæque statuere putarint. Nos autem contra fecimus. Nam quibus consiliariis domi in maximarum rerum momentis utimur, eos quasi mentem non habeant, bellorum duces creare dedignamur. At cum quibus cōsilia neque de priuatis, neque communibus rebus communicarit quisque eos imperatores emittimus, perinde ac si foris prudentiores futuri de negociis cum Græci nominis uniuersi, tum præcipue nostræ Reipub. consilia sint inuenturi facilius, quàm hic de eis, quæ à Magistratibus proponunt. Atque hæc dixerim non de omnibus, sed tantum huic culpæ obnoxiiis. Hic si, quæ per eiusmodi errores in Rep. haftenus perturbate contigerunt, accuratius persequi coner, sat scio, reliqua diei pars me deficeret. Sed fortasse quispiam ex his, qui huic obiugationi palam sunt obnoxii, commotus, sic interroget, quid ergo? si tam parum consilio ualeamus, interim tamen res nostræ sint saluæ, & potestiam nulla alia ciuitate minorem obtinemus?

Hoc illud est quo sibi & hodie plerique & Magistratus & Principes placeant.

DE PACE SECVNDA.

mus? Huic ego sane responderim, aliena nos frui infania, & hostes nobis esse nihil plus, q̃ ipsi simus, sapiētiore. Nam si post eam pugnā, qua Lacedamonios uicerūt Thebani, & Peloponeso cæterisq; Græcis libertatem, ac leges suas restituerant, quieuisent, nosq; non minus tum q̃ nunc perturbate Rempub, administrassemus, certe futurum erat, ut neq; obiectioni esset locus, & nobis re ipsa foret cōpertum, quanto sit satius contentum suis agere modeste, quā præ maiorum fame nihil non tentare. Nunc autem in eo cardine res uertitur, ut nostrarum rerum salus & Thebanis, & uicissim Thebanæ rei summa & nobis pendeat. Siquidē, si quando res sit in periculo, nos illorum, illi uicissim nostro gaudent auxilio. Quare si cordati essemus, pecunias quoq; nostras mutuo in ipsas populi contiones communes exhiberemus. Hac enim uia utri sapius collegerint, alterius populi rem promouerint. Sed qui minutula eiusmodi ad calculum uocare norunt, eos quidem deceret non in hostium errore, sed sua ipsorū

O R A T I O I S O C R A T I S

uirtute & prudentia, salutis spem ponere.
Grauisom Nam quicquid id est commodi, quod ex
nino ad illorum imperitia nobis accedit, hoc om-
monitio. ne illis forte fortuna resipientibus decede-
 re, & permutatione facta in diuersum abi-
 re poterit. Quod uero ex nostra nobis uir-
 tute contigit stabilius fuerit, & diutius
 utiq; nobis permanserit. Itaq; iis, qui eius
 modi excusationū latebras sibi quærunt,
 respondere non admodum fuerit diffici-
 le. Sed si ex cordatioribus quispiam acrius
 instet, uera quidem me dicere, & quæ in
 Repub. parum recte fiant, iure optimo re-
Obiurgan prehendere. Verum nihilominus qui be-
tis officiū. neuole corripiant, eorum esse officium,
 non solum quæ perperam fiant, accusare,
 sed & emendandi uiam monstrare, uideli-
 cet, quibus fugiendis, quibusq; amplecten-
 dis simul ad meliorem mentem queam⁹
 redire, simul tot errorum turbis explica-
 ri. Hæc sanè oratio me destituere posset fa-
 cultate respondendi, nō quæ uera sunt &
 Reipub. utilia, sed uestris animis grata.
 Cæterū quando aperte uobiscum agere &
 statui & iam incepti, non cunctandum &
hoc

DE PACE SECVNDA.

hoc loco, quid sentiam aperire. Itaq; quibus rebus eum, qui sit futurus beatus, præditum oporteat, nempe pietate, temperantia, iusticia, reliquisq; uirtutum generibus, paulo ante diximus. Sed ut breuissimo cōpendio ad ea liceat peruenire, uerissimum fuerit, quod iam sum dicturus: tā etsi uobis forsan ubi audieritis durum, & graue uidebitur, imo longe, lateq; ab aliorum sententia alienum. Etenim si semel maris imperium affectare desiuerimus, fore arbitrarer, ut ciuitatē hanc nostram foelicius habitarem, tum nos ipsi meliores euaderemus. Breuiter omnia nobis negocia ex animi sententia procederent. Quando hæc proferendi imperii cupiditas sola est, quæ nos in has turbas cōiecit, & eam Rempub. subuertit, in qua maiores nostri degentes Græcorum omnium foeliciissimi fuerunt. Quin fons est malorum omniū, & eorum quæ nos iam premunt, & quæ per nos in alios deriuantur. Iam uero quanq̃ non ignoro q̃ sit arduū, eum, qui Magistratū, rem omnibus gratissimam & nulli non uel summa ope ex-

Malorum
maxia cau
sa proferē
di imperij
cupiditas.

O R A T I O I S O C R A T I S

petitam accuset, uideri tolerabile aliquid
 dicere, tamen cum iam ante multorum
 orationes ueras quidem, sed tamen offen-
 sæ proximas, & parum suaues sustinueri-
 tis, præcor & hæc nostra interim toleretis,
 nec statim meam insaniam damnetis: qua
 si ipse apud uos de rebus inopinatis dice-
 re instituerim, de quibus tamen nihil ue-
 ri, nihil certi afferre queam. Imo uniuersis,
 opinor, hoc manifestum reddam, im-
 perium, quod affectamus, primū neq; iu-
 re in nos competere: deinde ad id paran-
 dum uires nostras non esse pares. Postre-
 mo ut maxime habeamus & ius, & uires,
 neq; tamen id nobis conferre. Principio
 quod eius ius nobis non competat, quia
 iam ante à uobis sum edoctus, nunc uicis-
 sim minori negotio uos edocere possum.
 Nam quum eandem ditionē Lacedæmo-
 nii haberent, quæso uos, quot uerba pro-
 degimus, iam iniustum eorum imperiū
 incusando, iam æquum esse, ut Græci om-
 nes in libertate uiuentes suis legibus uterē-
 tur, iactando? Deinde quas Græcorum ci-
 uitates in auxilium, quod pro eis liberan-
 dis

Vt felici-
 ter propo-
 nit.

DE PACE SECUNDA.

dis tum cogebat, non sollicitauimus? Tū ad magnum illum Persarū regem quot legationes emisimus, quæ exponerent quæ esset iniquum, quæ inq; parum utile, unicam ciuitatem Græcis uniuersis imperare? Nec ante belli finem fecim⁹ terra mariq; periclitando, quæm Lacedæmonii in fœdera quibus Græcis libertas redderet, facienda consentirent. Itaq; non per omnia iustum esse, ut potentiores inferiorib⁹ imperent, partim temporibus illis ipsi decreuimus, partim in hac Reipub. quacumq; forma apparet. Porro quod ad eam ditionem recuperandam nō sufficiant uires, paucis, opinor, ostendi poterit. Nam si semel partam decies mille talētis tueri nō poteramus, qui nam perditam in tanta rerum omnium egestate recuperaremus? maxime cum iam moribus simus præditi non illis, quibus id imperii olim peperimus, sed quibus partum amisimus. Iam hinc certe aperte mihi colligere posse uidemini, eam ditionem, etiam si ultro offeratur, nobis non acceptandam. Sed priusquam hic progrediar uisum est pauca

O R A T I O I S O C R A T I S

cula quædam præfari. Vereor enim ne dum crebro adeo uos obiurgo, uidear aliquibus ipsum Senatū dedita opera accusare. Profecto si de rebus nostris ad eum modum apud alios uerba facerē, crimen hoc utiq; in me hæreret: nunc autē apud uos ipsos dico, non huc spectans, ut uos apud alios in crimen uocem, sed ut & noxiis eiusmodi coëptis deducam. & uos ipsi pacem, qua tota hæc oratio nititur, cum in ipsam ciuitatem, tum Graciam omnem reducat. Atqui necesse est utrūq; & qui amice monet, simul qui nocēdi studio accusat, quod ad uerba attinet, similia loqui, sed ipsa re, atq; animis inter sese q̄ longissime dissidere. Quamobrem erga eos, qui eadem dicunt, auditorem non eodem modo decet affici. Quin eos, qui nocendi studio male dicunt, tanquā Reipub. inimicos cōuenit odisse, qui uero iuuandi animo castigant, laudare, optimosq; ciues iudicare. Tum ex his ipsis, cæteris præstare putādi, qui luculentissime ostendere, & uelut oculis subicere queant, cum quæ in agendis rebus sint fugienda, tum calamitates, quæ
ex malis

Non quid
 sed quo a-
 nimo dicat
 attēdendū

DE PACE SECVNDA.

ex malis moribus in Rempub. scaturiāt.
Quod si feceritis, celerrime quis apud uos
cōsequeretur, ut eis, quæ noxia sunt, post
habitis, meliora sectaremini. De uerbo-
rum ergo asperitate, deq; his, quæ hæten⁹
diximus, quæq; deinceps dicturi sumus,
apud uos hoc modo ueniam præfari uo-
luimus. Nunc autem aliud, unde sum di-
gressus, initium faciam. Equidem quàm
sit parum utile uobis maris imperiū uel
oblatum accipere, hinc uos pulcherrime
colligere posse dicebam, si expenderem⁹,
primum quo nam modo Respub. sit ad-
ministrata, qualiq; in statu fuerit prius, q̃
hanc potentiam nacti essemus: deinde in
quas angustias sensim sit dilapsa res no-
stra, ex quo imperium in mare habuim⁹.
Nam si hæc inter sese composita præsentī
animo inspexeritis, quot & quantorū ma-
lorū causa ciuitati fuerit, cognoscetis. Cer-
te Respub. quæ tum erat, ea quæ postea est
inducta, tanto superior florentiorq; fuit,
quanto Aristides, Themistocles, & Miltia-
des uiri erant Hyperbulo & Cleophonte,
eisq; qui nunc Reipub. habenas tractant,

O R A T I O I S O C R A T I S

meliores . Quod si ad populū, qui tum ciuitatem tenebat, cogitatione conuertamini , inuenietis non qualem hodie desidia, egestate, & uana spe plenum, sed eiusmodi , qui in pugnis sua manu omneis , qui regionem hanc inuadebant, uincere potuerint , quiq; periculis pro communi patria Græcia subeūdis fortissimorū militum dona ab imperatoribus emeruerint : tum fide adeo bona, ut ei se in manum ultro dederent ciuitates pleræq; omnes . At his nostris succedentibus, immodica potētia , qua per stultitiam abutebantur , nos coniecit in hanc licentiam , quam nemo sane laudaret . Pro uictoria porro, quā ab hostibus illi reportarunt olim, sic ciues instituit, ut neq; sub ipsis urbis mœnibus hostibus occurrere audeāt . At pro sociorum erga maiores nostros beneuolentia, & studio, proq; gloria, quam ei dabant alii Græci omnes, eo odii peruētum est , ut parum abfuerit quin ipsa nostra ciuitas direpta fuisset, nisi Lacedæmonios, qui denuo aduersum nos bella gerebant, magis propicios, quàm eos qui nobis socii fuerāt , sensisse

DE PACE SECUNDA:

fissemus. Quibus equidem quod male nobis uoluerint, non admodum uitio dederim, quando non uoluntarii, sed laceffiti, ac multis, magnisque malis à nobis affecti hunc animū in nos induerunt. Quis enim patrum nostrorum insolentiam perferre potuisset, qui ex uniuerſa Gracia deſidiſſimum quenq; & omni ſclerum genere coopertum colligere ſolebāt, atq; hominū ſece claſſibus inſtructis, reliquis Græcis bella inferebant? Atq; ad eum modū optimos quoſq; in aliis ciuitatibus habitanteis expellebant, & eorum bona peſſimis quibuſq; diſtribuerunt. Cæterum ſi quæ temporibus illis facta ſunt accurati⁹ au derem perſequi, futurum forſan eſſet, ut uos quidē de cæteris conſyderati⁹ conſuleretis, ipſe uero calumniam uix effugerem. Etenim pro more habetis eorū, quæ perperam ſiunt, non tam authores, quā incuſatores odiſſe. Ergo cum hoc animo ſitis præditi, uereor, ne dū beneficiis uos demereri ſtudeo, mihi ipſe mali aliquid accerſam. Attamen ab his, quæ apud animū ſtatui, non omnino deſiſtam. Certe

O R A T I O I S O C R A T I S

quæ quidē uestris animis maximū sunt al-
 latura dolorem, prætermittam, quæ uero
 patrum nostrorum stulticiam docere uos
 poterint, eorū inferam mentionē. Nam
 quasi dedita opera rationem inuenerunt,
 qua omnium maxime odiosos se facerēt,
 adeo ut pecuniam, quæ forte ex tributis su-
 pereffet, per talenta distractam in Diony-
 siis apud Orchestram populo diuidendā
 decreuerint. At ubi iam plenum erat thea-
 trum, aliud quiddam excogitarunt, nem-
 pe eorum qui bello cecidissent, liberos in-
 ducebant ex ærario publico nutriendos,
 sese per hoc utrisq; & fociis, & Græcis reli-
 quis ostentantes: illis quidem quanta fa-
 cultatum suarum precia mercenariis mi-
 litibus sibi peperissent: his uero quanta
 pupillorum, quos e publico nutrent, es-
 set multitudo: tum, calamitates in quas
 propterea, quod plus cæteris habere stude-
 rent, incidissent. Atq; hæc dum facerēt &
 ipsi ciuitatem scilicet promouebant, &
 multi, qui parum mente ualebant, eam
 per hoc beatam prædicabant. Itaq; acci-
 dit ut dum opum fulgorem mirantur, si-
 biq;

DE PACE SECVNDA.

biq; hac gratia placent, nihil eorum, quæ postea essent euentura prospicerent, uide- licet, quod opes per iniuriam aliunde in ciuitatem cōuectæ & pristinas nostras for- tunas unâ secum fuerât perdituræ. Etem suas ipsorum familiares copias adeo ne- gligenter curabant, & alienas facultates affectabât, ut quamuis Lacedæmonii ho- stes hanc patriam inuaderent, etiam pro pugnaculo illo Decelico iam erecto, ipsi tamen classem contra Siculos instruerêt, nec puderet, modo in eos qui nunquã ali- quo in nos commissso peccarunt, exerci- tum ducerent, patriam hostibus diripen- dam deferere. Quin eo demētia sunt pro lapsi, ut cum suburbia sua non tenerent, totius tamen Italiae, Siciliae, ac Carthagi- nis imperia sibi pollicerentur. Porro stul- titia mortalibus omnibus tanto fuerunt superiores, quanto alios quidem omneis mala sua & modestiores & prudentiores faciunt. Illi uero tot calamitatibus ne tan- tillum quidem facti sunt emendatiores. Sed enim interea, dum in foelix illud ma- ris imperium tenuerunt, in mala & plura

ORATIO ISOCRATIS

& maiora ceciderūt, q̄ omī seculorum memoria ciuitati acciderit. Etenī, ut e multis pauca recenseam, Triremes ducentæ, quas in Aegyptum duximus unā cum ipsis ueſtoribus interierunt: circa Cyprum autem centum & quinquaginta. In Ponto decem milia armatorum, partim suorum, partim sociorum perdiderunt: at in Sicilia milites quidem quadragies mille, Triremes autem quadraginta supra ducētas: postremo in Hellesponto Triremes itidē ducentas. Porro naues, quas nunc decē, nunc quinque, nunc plureis perdidimus: & milites, quorum iam milleni, iam bismilleni ceciderunt, quis certo numero comprehenderit? Ac uero tot, & tantis cladibus subinde recurrentibus uix per ocium licebat singulis annis ciuiū, qui bello cæsi desiderabantur, funera celebrari. Ad quos ludos Græci multi, partim uicini, partim remotius habitantes commeabāt, non ut mortuos unā nobiscum lugerent, sed miseriarum nostrarū spectaculo suos oculos oblectarent. Et ne sic tandem senserunt stolidi se simul, & publica sepulchra ciuibus

DE PACE SECVNDA.

tiuibus indigenis, & simul tribus & ratio-
naria quibus Magistratuum nomina in-
scribuntur alienigenis implere. Iam quā-
ta sit eorum, qui his malis succubuerunt
multitudo, hic uel maxime quis poterit
colligere, quod Illustrissimorum uirorū
familias, ac domos, quæ tyrannicos illos
tumultus, bellumq; Persicum effugerūt,
eius imperii, quod nunc captamus, tem-
pore emortuas, ac funditus euersas inue-
niemus: ut si de reliquis cōsiderādo huc
uelut ad exemplar respicere uelis, uideas
pene permutatos ad unum omneis. At Quæ ciui-
qui ciuitatem conuenit existimare foelicē, tas foelix.
non quæ ciueis q̄ plurimos ex omni ho-
minum genere citra delectū collectos ha-
beat, sed potius, quæ maiori cura nobili-
tatem eorum, qui primi ciuitatem habita-
rint, studet conseruare. Tum uiros admi-
rari decet, neq; qui per occasionem tyran-
nidem occupent, neq; qui potentiam iu-
sto maiorem habeant, sed qui etiam si ma-
ximis honoribus sunt digni, tamen qua-
lescunq; honores sibi à populo delatos bo-
ni consulant. Hæc enim est potentia, qua

O R A T I O I S O C R A T I S

Quæ opt. sola, neq; Princeps, neq; Senatus ullū aut
 potentia. honestiorem, aut stabiliorem, aut etiam
 pluris æstimandam poterit consequi, q̃
 cū illo qui belli Perfici tempore in Rep.
 floruerunt, haberent, non quemadmo-
 dum nos nunc latronum & prædonum
 exemplo sic degebant, ut iam immodica
 rerum copia affluerent, iam frumenti pe-
 nuria laborarēt, iam obsidionis discrimi-
 ne premerentur, breuiter in summis ma-
 lis uersarentur. Verum quod ad uictum
 quotidianum attinet, neq; egestate labo-
 rabant, neque luxu difflebant. Porro in
 Reipub. gubernandæ seueritate, iusticiæq;
 & item uirtutibus eiusmodi aliis, inter se
 pulcherrimo certaminis genere contē-
 debant. Quibus rebus sunt consecuti, ut
 ætatem suam suauius longe, q̃ cæteri, per-
 agerent. Has ueterum arteis, quia posteri
 neglexerunt, non imperare, sed tyranni-
 dem exercere cœperūt. Quæ duo tametsi
 eodem recidere uidentur, longissimo ta-
 men interuallo inter se dissident. Nam
 ut Principis est officium, suis ipsius curis
 & studiis subditorum statum reddere for-
 liciorem,

DE PACE SECVNDA

liciorē, ita Tyrannis mos est ciuium labo Tyrānī &
 ribus, & malis ocium sibi, & uoluptatē pa Principis
 rare. Atqui necesse est, qui eiusmodi res discrimē.
 conant, & in tyrannicas calamitates inci-
 dere, atq; eisdem retaliari malis, quibus ip-
 si alios afficere studuerunt. Id quod & ciui-
 tati accidit. Etenim pro eo, quod aliorū
 arces nostris præsidiis occupare ueteres so-
 lebāt, maiores nostri hostes suæ ipsorum
 dominos factos cōspexerūt. At quod olim
 hostium liberos & parentum complexu
 abductos obsides capiebamus, pro eo ci-
 ues multi coacti sunt suos per obsidionē
 peius q̄ eis conuenit, instituere, educareq;
 Tum autem cum olim alienos agros co-
 luerint patribus nostris per hostiū incur-
 sus, suos multis iam annis ne uisere quidē
 licuit. Quam ob rem si quis nos roget an
 tantuli temporis imperium, tot ac tantis
 ciuitatis incommodis emere parati sim⁹,
 quis utiq; huic assentiret, nisi qui forsan
 sit mente plane captus, ut neq; sacerdotū,
 neq; parentum, neq; liberorum, breuiter
 nullius gerat curam, sed imperium suo
 tantum seculo duraturū spectet, cuius sen-

ORATIO ISOCRATIS

tentiam sequi sit indignissimū. Quin eos magis æmulari conuenit, qui omnium earum rerum cura solliciti nihil minus pro communi omnium gloria, quam propria elaborant, quique, si detur optio, malint cum iusticia modicas facultates, quam per iniusticiam summas opes. Etenim quia eiusmodi uiros se Reip. præstabant nostri maiores, & ciuitatem posteris foelicissimam traderunt, & uirtutum suarum memoriam immortalē reliquerunt. Ex quibus utraq; hæc discere perfacile est. Primum, quod hæc nostra regio uiros aliis præstantiores alere potest: deinde quod imperiū illud, quod uocant, nam in re nihil aliud est, quam calamitas, in hoc uelut natum est, ut quicumque id amplectantur, eos peiores faciat. Cuius rei maximū est indicatiū, quod non modo nos, sed & Lacedæmoniorum ciuitatem ita corripit. ut hi, qui illorum uirtutes laudibus ferre consueuerant, non amplius in orationem assumere uere queant, nos quidem ob immodicam populi libertatem, rerum successu abusus: at Lacedæmonios si eam potentiam nacti fuissent
per

DE PACE SECVNDA.

per eam occasionem, tum sese, tum alios
foelices facere potuisse. Ac citius quidem
& longe minore negotio tam malum es-
se imperii illius uelut geniū ostenderint,
ut Rempub. quam septingentis iam an-
nis turbatam nec periculis, nec calamita-
tibus uidit nemo, eam non ita tēpore lon-
go labefactarit, & ruinæ proximam fece-
rit. Nā pro honestis studiis, quæ apud eos
olim erant in precio, nunc priuatos qui-
dem reddidit totos iniquos, desides, licen-
tia solutos, auaros. Sed communes ciuita-
tis Magistratus sociorum quidem cōtem-
ptus, aliena uero rapiendi libido inuasit.
Tum iureiurandi ac fœderum religio ab
his p̄ nihilo duci cœpit. Etenim iniuriis,
quibus Græcos uexarunt, tanto nostros
præcelluerunt, ut ad priora facinora, sedi-
tiōes, & cædes adiecerint. Quas ob res per-
petuas, nec unquam e memoria delendas
inimicitias inter se gerunt. Et cum alijs
in eiusmodi rebus suscipiendis cauti, & re-
ligiosi fuerunt, eius imperii tempore in-
considerate adeo, & cupide bellicis pericu-
lis sese exponebant, ut neq; à sociis, neq;

O R A T I O I S O C R A T I S

ab his, quibus maximis erāt beneficiis deuincti, manus abstinuerint. Quin etiam ubi iam imperium nacti essent, Persarū regi pepercerunt, qui sibi in belli contra nos suscepti sumpt⁹ plus q̄ quinquies mille talenta suppeditarat: neq; Chiis, qui ex sociis oībus naualis praelii pericula promptissimi subierunt: neq; Thebanis, tametsi hi pedestribus copiis præcipuum robur addiderunt. Ac Thebanos quidē statim sunt adorti, uerum in regem, Clearchum, ac Strathiam immiserunt, Chiorū uero primarios e sedibus suis fugarunt, eorumq; Triremes e portu extractas secū abduxerūt. Neq; uero tot ac tanta in amicos committere eis fuerat satis, sed eisdem ferme temporibus & Epirum uastabant, insulasq; circumiacentes iniuriis uexabāt. Sed & euersis Italiæ Siciliæq; rebus publicis tyrannos præficiebant. Nec huius mali flamma à Pelopōneso abstinuit: quin eam insulam seditionum ac bellorū procellis concussit. In summa, quam ciuitatē bello non tentarunt, aut quibus uim non attulerunt? An non Eleis ditionis partē detra-

detraxerunt? Non Corinthiorum fines
distraxerunt? Non Mantinenses e suis se-
dibus fugatos disperferunt? Non expug-
narunt & Phliasios? Postremo non & in-
uaserunt Argiuos? Certe nō ante quieue-
runt, q̄ alios quidem omneis afflixissent,
sibi ipsis uero cladem illam apud Leuctra
comparassent, quam cædem qui eis malo-
rum omnium causam faciunt, uehemen-
ter sane errant. Neq̄ enim per eam cladē
in sociorum odium peruenere, sed iniuri-
arum nomine, quas ante exercuerunt, &
tum infeliciter pugnarunt, & postea su-
am ipsorum patriam in periculum con-
iecerūt. Porro causas tribuere oportet nō
malis, quæ in fine obueniunt, sed ipsis pri-
mis peccatis, per quæ in eiusmodi infæli-
ces exitus tandem quasi per gradus deue-
nitur. Quare si quis calamitatum omniū
fontem eis tum inuentum diceret, cū ma-
ris imperium captare cœpissent, hic om-
nium fuerit uerissimus. Siquidem ex eo
tempore Lacedæmoniorum potentia de-
generare cœpit. Nam propterea quod in-
eorum Repub, cui unus summ⁹ erat prin-

O R A T I O I S O C R A T I S

ceps, omnia recto fiebāt ordine, pariterq;
 ciues militari disciplina ad fortitudinem
 exercebātur, imperio marino facile sunt
 potiti. Verum cum per imperii tempus li-
 centia diffluerent, non magno negotio
 honore tum imperii, tum principatus sui
 sunt exuti. Neq; enim leges, quas & maio-
 ribus acceperūt, amplius seruabant, neq;
 in pristinis permanebant morib⁹. Sed cū
 quicquid liberet, hoc etiam licere sibi pu-
 tarent, in maximam rerum perturbatio-
 nem se ipsi coniecerunt. Nec perspexerūt
 immodica illa potentia, quanq̃ eam am-
 biunt omnes, q̃ sit res lubrica, q̃ & mente
 alienet sui cupidos, quodq; natura similis
 est meretricibus, quæ spectatoribus amo-
 rem quidem sui instillāt, sed eos irretitos
 misere perdūt. Sane quod per omnia sint
 similia, eandēq; uim habeant, multis ex-
 emplis uobis est ostēsum. Si quidem, qui
 potentia plus cæteris ualuerunt, eos uide-
 as in maximas semper incidisse calamita-
 tes. Et ut & nobis ac Lacedæmoniis sumā
 initium, an nō hæ ciuitates, quæ ante mo-
 destissime gubernabantur, & summam
habe

Cuiusmo-
 di res sit im-
 modica po-
 tentia.

DE PACE SECVNDA.

habebant gloriam, posteaquam potentiā illam immodicam & maris imperium natæ sunt, ex æquo retrocedere cœperunt: Certe quemadmodū, qui eisdē cupiditatibus laborant, eisdem quoq; morbis sunt obnoxii: ita nostri & Lacedæmonii, quoniam eandem uiam sunt ingressi, & similiter errarunt, ac per hoc tandem in idem præcipitium deuenerunt. Et nos quidem cum sociorum omnium in nos odium exasperassemus & libertas nostra in seruitutis periculum esset adducta, Lacedæmoniorum auxilio seruati sumus. Illi uero cū in eorum excidium conspirassent omnes, ipsiq; ad nos confugissent, per nos salutē sibi inuenerūt. Et adhuc, si diis placet, laudare oportebit imperium, quod adeo infœlices habet exitus: Quin potius execramur, & modis omnibus fugimus, quod utramq; ciuitatem multa adeo grauique perpulit tum facere, tum pati: Iam uero quod antehac homines non aduertint illam maris ditionem habentibus, tantorum esse malorum fontem, quodq; eius imperii gratia & à nobis & à Lacedæ

O R A T I O I S O C R A T I S

Bona pars hominum in rerū delectu errat.

moniiis est pugnatum, non admodum mirū uideri debet: quando bonam mortalium partem in rerum delectu hallucinari deprehendas, tum plures quidem malorum, quàm bonorum cupidos. Ad hæc reperire licet qui pro inimicis melius, quàm pro sese consilium captent. Id quod tam in maximis, quàm minimis licet obseruare. Quid enim nō ad eum modum est factū? Principio nos ipsi, an non ea facere statuimus, per quæ Lacedæmoniis totius Græciæ obtigit imperiū? Illi uero perperam adeo res suas sunt moderati, ut nos haud ita multo post denuo eorum salutem nobis asseruerimus: deinde Atticorum immodicum habendi studium ciuitates nostras in Lacedæmoniorum ius transtulit: ut & Lacedæmoniorum iniuria ferox su-

Olim nulli populo erant gratiores, quàm qui tyrannorum stipatores interemerunt,

as ciuitates Atticorū ditionem subire cōegit. Postremo Magistratum, qui populo in Democratia præerant uitio factum est, ut populus ipse ὀλιγαρχίαν, in qua quadringenti rerum summæ præessent, maluerint. Porro triginta tyrannorū in subditos libido effecit, ut uel tyrannici satel-

litii

DE PACE SECVNDA.

litii oppressoribus facti sim⁹ magis popu-
lares. Sed quod ad minora illa, & quoti-
dianæ uitæ rationem attinet, multos sane
recensere quis posset, qui edulii ac studiis
eiusmodi gaudent, quæ tum corpori, tum
animo detrimentum adferunt. At, quæ
utiq; & corpori & animo fuerant profutu-
ra, ea molesta, parumq; salubria putant.
Tum eos iudicant constantes, qui in his,
tametsi malis, permāserint. Itaq; si ex his
in quibus semper uiuitur, quæq; maiori
sunt curæ, peiora plures sibi eligunt: quid
mirum si de toti⁹ maris imperio, de quo
nihil unquam pensiculatus est cogitatū,
hallucinantur, & inter sese bello certant?
Iam in ciuitatibus, quæ unius imperio pa-
rent, uidetis, quæm sint multi principatū
ambientes, quorum quisq; ut uoti fiat cō-
pos, nihil non tum facere; tum pati para-
tus est. At tamen eam conditionem, quæ
so uoc^o, quæ molestia, quæ calamitas non
comitatur? An non statim ipse principa-
tus ingressus infinitis te implicat malis, tus incom-
& in extremam necessitatem coniicit? ut moda.
cum ciuibz uniuersis bellum gerere co-

O R A T I O I S O C R A T I S

garis, & intestino prosequaris odio eos, & quibus nihil mali unquam sis passus? Ad hæc clarissimis amicis & iucundissimis sodalibus diffusus, corporis tui salutē mer cenariis hominibus deponas, quos antea ne uideris quidem unquam? Quod genus custodes, tibi nō minori sollicitudine sunt timendi, quā & insidiatores. Deniq; suspectos adeo habeas omneis, ut in congressibus uel intimis & arctissimis necessitudinis uinculo coniunctis parum fidere audeas. Neq; id iniuria: quando illud constat, qui ante tyrannidem obtinuerunt, eorū alios & parentibus e medio sublatos, alios & liberis, alios & fratribus, alios ab uxoribus circūuentos: porro eorundem familias ex hominibus penitus extirpatas. At tamen in tot calamitatum aleam miseri sua sponte se ipsi coniiciunt. Ergo si qui in Repub. primas tenent, ac aliis sapiētiae opinionem de se dederunt, ita sibi malorum sunt authores, suisq; calamitatib⁹ applaudūt, quid attinet alios admirari, qui res eiusmodi ambiunt? Neq; uero me fugit orationem meam, qua parte tyrannos attingit,

DE PACE SECVNDA.

attingit, uobis cum primis esse gratam, qua uero imperium, auribus uestris plane displicere. Nam pessimis omnino laboratis affectibus. Siquidem quæ in aliis obseruata, damnatis, eadem in uobis ipsis ne animaduertitis quidem. Atqui prudentis & cordati hominis, haud scio an non maximum est signum, si earundem rerum æstimationem in omnibus consimiliter facere uideat. Quæ censendi regula & uobis semper modis omnibus negligitur. Etenim tyrannides quidem graues, & noxias putatis non aliis solum, sed & his, qui eas exerceant. At maris ditionem summo rum bonorum causam iactatis, quæ tamē siue perturbationum multitudinem, siue muneris administrandi difficultatē spectes, & monarchiis differt omnino. Et re Thebanam, propterea quod uicinos suos iniuria afficiant, laborare censetis, ipsi uero cum socios uestros nihilo melius tractetis, quàm illi Bœotiam, uos nihil non ad rem pertinens facere persuasi estis. Quin ergo in primis, si me audire uultis, omis- sis uanis illis consultationibus, animos

ORATIO ISO CRATIS

Hic atten-
dat corda-
tus lector.

uestros ad ipsam Rempub. atq; adeo nos
ipsoſ conuertitis. Sicq; accuratius diſqui-
ritis, quid nam ſit illud quod ciuitates hæ
duæ, noſtra dico, & Lacedæmoniorū ab
exiguſ profectæ initiis eò creuerint, ut
imperium toti⁹ pene Græciæ aliquandiu
tenuerint, ac ruruſ reruſ cardine com-
mutato, ex tanta potentia in libertatiſ a-
mittendæ periculum reciderint: tum quid
nam ſit cauſæ quod Theſſali quidem, qui
ſummaſ opes cum ſumma potētia cōiun-
ctas habebant, nunc duriter uitam agūt:
Megarenſeſ autem, cum iam inde ab ini-
tio familiares copiæ eiſ fuerint, exiguum
neq; habeant fertile ſolum, neq; portuſ,
neq; argenti fodinaſ, ſed ſaxa colant, do-
muſ tamen magnificentiffime poſſideāt.
Et illoruſ quidem arceſ, tametſi eiſ ſup-
petūt pluſ quàm ter mille equiteſ & ſagit-
tarij innumerabileſ, alij tenent, hi uere
quantuſ uuiſ exiguiſ copiis inſtructi, totā
ſuam regionem ex animi ſententia uel
nullo obſtrepente, gubernant. Ad hæc il-
li ſemper inteſtiniſ bellis ſeſe conficiunt,
hi uero quamuiſ inter Peloponeſioruſ,
The

DE PACE SECVNDA.

Thebanorū, ac nostræ ciuitatis perpetua
bella sedē habeant, nihilominus in sum-
ma tranquillitate, & pace uitam trāfigūt.
Nam si hæc atq; eiusmodi alia apud ani-
mum uestrum diligenter expendertis,
dubio procul malorum omnium causam
inuenietis iniuriam, licentiam, & immo-
dicum habendi studiū: at continentiam
& moderationem bonarum omniū fon-
tem. Quam uirtutem in priuatis quidem
laudatis, quicq; eam exercent, eos inter ci-
ues omnes tranquillissime uiuere, & cate-
ris meliores putatis. Et ut communes om-
nium custodes Magistrat⁹ hac laude pro-
bētur, nihil ad rem pertinere censebitis?
Certe ut uirtutes magno studio sunt exer-
cendæ, ita uitia fugienda cum omnibus,
tum uero maxime Magistratibus. Nam
priuatus quispiam etiamsi peccat, tamen
aliquoties usu uenit, ut ipsas errati pœnas
morte anteuertat. Verū ciuitates, in quas
redundat, si quid & Magistratibus cōmis-
sum fuerit, quia non perinde, ac homines
emoriuntur, semper manent factis digna
supplicia, eaq; non tantum ab homini-

Nobilis
sententiā.

O R A T I O I S O C R A T I S

bus, sed et ipsis diuis. Quæ uobis prudenter sunt expendenda, ne in animū admittatis eos, qui in præsens quidem gratiosis uerbis aures uestras demulcent, sed temporis futuri nullam habent rationem: nec animum inducatis eis credere, qui multis quidem uerbis suum erga Rempub. studium coram populo iactent, sed re ipsa totam ciuitatem labefactant, quemadmodum & prius: mox ubi publicani pro concione orandi auctoritatem nacti essent, eò dementiæ ciuitatem redegerunt, ut cuiusmodi uobis supra recē sui designare sustinuerint. Quo loco omnium maxime mirari succurrit, eis nos auctoritatem populum concionibus tenendi, communibus suffragiis deferre, nō qui perinde sint affecti ac fuerunt, qui Rempub. ex parua magnam fecerunt, sed qui non alia tum dicant, tum faciant, q̃ qui optimam & maioribus acceptam suo uitio prodiderunt, præsertim cum modo sciatis unicum esse, quo Respub. promoueatur, si quod ad honores attinet, boni malis præferentur. Sed & compertum habeatis popularem liber
tatem

Quod maxime Rēp. promoueat.

DE PACE SECVNDA

tatem sub illis ueteribus multis quidē an-
nis neq; perturbatam, neq; in aliam for-
mam commutatam: uerum eandem sub
his recentioribus iam bis euersam: tum
ciues, qui partim tyrannis, partim trigin-
ta illis præfectis rerum potentibus succes-
serunt, in urbem reductos, non sycophan-
tarum horum opera, sed prudentia eorum
qui hoc hominum genus semper oderūt,
quiq; nomen sua uirtute celebre habue-
rint. Et quanquā tot & ueteribus nobis
sint relicta monumenta, quæ quid quisq;
Reipub. uel profuerit, uel nocuerit, aper-
te declarant: tamen eiusmodi Oratorum
uersutia adeo nobis placent, ut tamen si
oculis corā cernamus bellorum, alia-
rumq; perturbationum, quas illi excita-
rant, causa, ciues quidem multos patrimo-
nii sui facultatibus excidisse: illos uero e
summa paupertate summas opes conscen-
disse, non tamen uel nostro nomine in-
dignemur, uel illis suam foelicitatē inui-
deamus. Imo & ipsam ciuitatem in crimē
uocari sustineamus, quasi ea Græcos af-
fliget, & tributis imperatis premat, illos

O R A T I O I S O C R A T I S

uero, nepe Oratores malos, patimur fructus hos omnes capere. Tum populo quidem, cui imperium uerbotenus tantum tribuunt, conditionē esse priorem, quā his qui paucorum potentia, Græci ὀλιγαρχία dicunt, seruiunt. Hos uero per nostram stultitiam ex angustissima re familiarum ad magnum fortunæ splendorē peruenisse. Atqui Pericles, inquit, qui longe ante hoc tempus populi suffragio Orator in Repub. constitutus erat, cum ciuitatem magis quidem nutantē, quā post acceptum maris imperium, tolerabilius tamen adhuc institutam accepisset, non ad suum ipsius quæstum studia conuertit, sed familiam suam ipsius minorē, quā à patre acceperat, reliquit. At in arcē præter ea, quæ sacris dicauit, intulit octies mille talenta. Hi autem, qui nunc præsunt, tantum ab illius factis absunt, ut dicere etiam non uereantur, sed per Reipub. curam priuatis commodis studere non posse. Cum interim per hanc scilicet rei familiaris negligentiam, eos tantū profecisse apparet, quantum alioqui à diis ne optassent

DE PACE SECVNDA

sent quidem unquam. Ad hæc & illud ob
iiciunt plebem nostram haud quaquàm
latam degere, imo sic tractari, ut ciuium
nemo uiuat neq; commode, neq; molli-
ter. Quin ciuitatem plenam esse complo-
rationibus, sic enim aiunt, alios quidem
huc adigi, ut paupertatem, egestatemq; su-
am apud sese, & quod aiunt, in sinu deplo-
rarent: alios uero de Imperatorū, ac mi-
nisteriorum multitudine queri. Tum exa-
ctiones, atq; æris alieni sollicitudinem ia-
stant. Quæ omnia eiusmodi dolorem fa-
ciunt, ut qui magnas habent facultates,
miserior pene uiuant, quàm qui perpetua
paupertate depressi in diuitiarū spem sese
nunq; erexerūt. Demiror autē uos, si hoc
perspicere non potestis, nullum hominū
genus plebi pestilentius, quàm sint ma-
ligni Rhetores, atq; in Repub. Oratores.
Nam præter aliam calamitatem, quam
secum adferunt, uos & his, quorum in sin-
gulos dies eget usus, spoliare student. Vi-
dēt enim qui domestica facultate ius suū
tueri sufficiunt, eos & pro Reipub. com-
modis stare, & eorum qui optima tum di-

Rabulæ fo-
renses et id
genus ho-
mines litiū
fabri.

O R A T I O I S O C R A T I S

cunt, tum faciunt, partes sequi. At, qui partim in foro, partim populi cōcionib⁹ uictum quæritant, eos inopia coactos & se pendere, uidelicet qui magnam debeant gratiam delationibus, criminibus, atq; id genus aliis sycophantarum strophis. Quibus omnibus locum dat illorū Magistratus. Itaq; iucundissimum eis fuerit, in rei familiaris angustiis, in quibus ipsi atate agunt, & ciues uniuersos conspicere. Cuius rei maximum est indicium, quod non huc spectant, qua uia egentibus uictū subministrant, sed quibus technis eos, qui aliquid habere uidentur, cæteris exæquent. Quæ ergo dabitur & tot malis requies? Equidem, quæ mihi huc pertinere sunt uisa, magna ex parte recensui, non quidem ordine accurat⁹ seruato, sed ut quæq; pro tempore inciderunt. Verum tamen minori negotio dictorum meminisse poteritis si quæ urgere maxime uidebunt, denuo paucis perstringere tentaro. Igitur ex his per quæ res nostræ collapsæ erigi, inq; melius restitui queant, primum fuerit, si publicis negotiis consiliarios adhibuerim⁹
tales,

DE PACE SECVNDA

tales, quales in priuatis rebus nobis contingere optaremus, nec posthac in errore ita simus pertinaces, ut populares existimemus esse sycophantas istos, ὀλιγαρχικοῖς autem, hoc est, qui communem omnium libertatem in suam & paucorum aliorum potentiam redigere studeant, uiros bonos, & honestos, quando cognitum habetis neutros horum, quod uulgo uel per adulationem, uel per inuidiam audiunt, natura esse posse. Quin potius cuique gestit animus eiusmodi Rempub. instituere, in qua ipse maxime in precio sit futurus. Proximum uero, si animum induxerimus non aliter uti sociis, quam & amicis. Nec uerbotenus tantum eis libertatem permittamus, re ipsa uero facultatem eos pro sua libidine tractandi ducibus nostris cedamus. Nec dominorum, sed sociorum exemplo imperium in eos geramus, praesertim cum iam satis edocti simus potentiam nostram sociorum ciuitatibus singulis quidem esse superiorem, sed uniuersis longe inferiorem. Porro tertium est, si post pietatem, quae diuis debetur, tanti pute

Nobilis &
ueris. sen-
tentia.

ORATIO ISOCRATIS

temus nihil, quàm ut Græcis bonam de
nobis opinionē dare modis omnibus stu
deamus. Nam si his armis instructi erim⁹
uoluntarii quiq; non imperium modo,
sed & seipsos in nostram manū dederint.
Quod si quæ dixi, opere executi fueritis,
insuperq; uosipsi comparaueritis, bellico
sos quidem in militari disciplina, & appa
ratu, māsuetos uero, ac pacificos nihil præ
ter æquum faciendo, futurum uel non ue
stram modo ciuitatem reddatis feliciorē,
sed & totius Græciæ statū promoueatis.
Neq; enim, ubi uiderint ciuitatē nostram
huc spectare, & iam instructā, ut si qui in
iuriam patiantur, eis subueniant, ulla ci
uitas quicquàm ferocius designare aude
bit. Imo cuncta mundi ad res nouas incipi
endas erunt, sicq; in summa quiete degēt.
Attamen siue hoc siue illud fecerint, eue
tus in nostrum commodum cedit. Etenim
si ciuitates, quæ inter alias sunt eminenti
ores, ab eiusmodi iniuriis dehinc abstinu
erint, id beneficii nobis acceptū feretur.
Sin aliis per uim iniuriam facere conabū
tur, omnes profecto, quos uel ipsa iniuria,
uel

DE PACE SECVNDA.

uel metus tangit, ad nos supplices confu-
gient, nihil non offerentes non modo im-
perium, sed & seiplos. Quibus rebus futu-
rum est, ut nunquàm desint, quorum mi-
nisterio malignari uolentes, propulsem⁹.
Imo ad manum semper auxiliares copiae
multae suppetant. Nam cui ciuitati, imo
cui omnino homini non erit in uotis no-
strae amicitiae, societatisq; fieri participē?
maxime cum uidebit nos ad utrūq; iuxta
paratos in pace quidem iustissimos, ad bel-
lum uero potētia summa instructos, tum
nobis ut in animo, ita & manu esse alios
defendere, nos ipsos autem nulli⁹ auxilio
indigere iam uero quàm ingens in ciuita-
te rerum omnium expectandus esset pro-
fectus, si exteri omnes magnifice adeo de
Repub. nostra sentirent? Tum autē quā-
tās opes in ciuitatem uelut influere uisuri
essemus, si nos per Graciam uniuersam
in foelici statu seruari constaret? Quis ue-
ro non uel summis laudibus efferret eos,
qui tot ac tantorum bonorum extitissent
authores? Quanq̃ autem singula, quae in
animo meo cogito, oratiōe complecti nō

O R A T I O I S O C R A T I S

licet, hoc tamē nunc docebo, uidelicet, cō
 modissimū esse, ut eis, q̄ inter tot iniquos,
 & q̄ si insanos à rectæ rationis tramite nō
 declinarūt, libertas & Reip. sal⁹ cōmittat,
 nec ut ante boni pūblici corruptores per
 cōuitiū dicant: deinde si qui uirtutū splē
 dore fuerint cōspicui, hi in pristini hono
 ris gradū restituant. Porro caput omniū,
 in qd̄ hactenus & me dicta cōtendūt, qd̄q;
 Reip. negotiis existimādis respicere oport
 tet, illud dicere uere possem, nepe qd̄ oport
 tet, si uolueritis calūnias, quib⁹ hoc tēpore
 male audim⁹, dissoluere, si & bellis frustra
 iam sæpe susceptis regescere, si principatū
 in omne tēpus firmū ac stabile nancisci,
 odisse certe quicquid est tyrānicæ ditiōis,
 atq; itē insolēteis potētat⁹ omneis. Semp
 .n. in memoria hærere debēt calamitates,
 quæ ex eo fonte in Rēp. manare solēt. Sed
 ut hæc uitāda sunt, ita rursus admiratiōe
 æmulationeq; dignū plane Lacedæmoni
 orū regnū. Horū em̄ regib⁹ peccādi licētia
 est minor, q̄ quibusuis priuatis. At reges
 ipsi cæteris q̄ tyrannidē in subditos exer
 cent, eo sunt fœliciores, q̄ qui hos occide
 runt,

DE PACE SECVNDA

runt, & cōmunis Reip. ciuibus ampliffi-
ma munera accipiūt. Pro illis uero, q nō
in pugnae discrimine mortē audēt oppete-
re, abiectiores habent hīs qui ordinē dese-
runt, & abiectis armis aufugiūt. Quare nō
immerito eiusmodi principat⁹ multorū
uotis est obnoxius, Ac nobis quidē, ut nūc
se res habent, eū honorē, quē illi & suis ciui-
bus habēt & Gracis perfacile fuerit impe-
trare, si persuasi erunt potentiā nostrā sibi
nō seruitutis, sed salutis causam fore. Por-
ro cū multæ sanc, & uariæ oratiōes ex hoc
argumēto duci possint, mihi tamē finem
dicendi facere duo suadent, primū huius
oratiōis prolixitas: deinde annorū meorū
multitudo. Iuniores autē dū magis q̄ ego
ætate uigētes partim cohortor, partim iu-
beo in hoc genere plura tum dicere, tum
scribere. Si quidē hac uia maximas ciuita-
tes, & quæ alios sub iugū mittere cōsueue-
runt, ad uirtutē, pariter ad iusticiā perdu-
cent: usq̄ adeo, ut Gracia rebus om-
nibus florente, & rei literariæ
status in melius pro-
uehatur.

D I X I. M s

DIONYSII

HALICARNASSENSIS SEN.

*tentia de Isocratis orationibus, ex qua iudicari pos-
test, alteram orationem ad Philip. in præci-
pua admiratione apud Græcos fuisse,
quod eas res uideretur complexa
esse, quæ maxime tuendæ es-
sent magno Prin-
cipi.*

VI AD REM PVBLICAM AC-
Quæcessuri sunt, hunc Oratorem in ma-
nibus habere debent, & qui ueram
Philosophiam, quæ non uersatur in dispu-
tationibus, sed in rebus gerendis ample-
ctuntur, quiq; non illud ociosum uitæ ge-
nus in quo ipsi suauiter uiuant, sed nego-
tiosum & utile Reipub. uitæ genus sequun-
tur, his censeo hunc Oratorem legendum
atq; imitandum esse. Quem nō accendat
ad patriæ amorem, & laudes amplifican-
das, & ad bene faciendum Reipub. oratio
Panegyrica ad Philippum scripta, in qua
commemorans res gestas ueterum, osten-
dit eos non solum in re militari fortes &
acres fuisse, sed etiā domi moderatos, dig-
num

DIONYSII SENTEN.

nitatem conseruantes, & cōtinentes & magis de Repub, quàm de priuatis rebus sollicitos; nec aut aliena, aut impossibilia affectasse, & foelicitatem non metitos esse pecuniæ magnitudine, sed honestate, existimantes se maximas opes relinquere posteris, & minime inuidiosas, si relinquerent eis beneuolentiam erga se ciuium. Præterea honestam mortem longe meliorem esse ignobili uita ducebant, & dabant operam non tam ut nouas leges accurate scriberent, atq; emendarent, quàm ut ueteres conseruarent. Nec contendebant inter se ut interfectis ciuibus occuparent imperium, sed ut alteri alteros beneficiis superarent. Et eadem ratione utentes erga uniuersam Græciam deuinciebant sibi ciuitates, quas in potestatem suam redigebāt beneficiis adiunctas, non ui captas, promissa fidelius seruantes, quàm nunc seruent iusiurandum: & pacta religiosius facientes, quàm nūc ui imperata faciant. Sic se gerebant erga subditos, quemadmodū se tractari uoluissent, si qui eis imperas-

DIONYSII SENTENTIA

sent. Cuncti hoc modo se gererent, in suis quidem ciuitatibus habitabant, sed uniuersam Græciam patriam esse ducebant. Quis ergo uir potens non libenter legat alteram orationem scriptam ad Philip-pum Macedonem, in qua hortatur bellicosum ac potentem Principem, ut Græcas ciuitates in concordiam redigat, nec excitet inter eas intestinum bellum, sed proferat fines imperii Græcorum, & omnis indignis ac pusillis rebus, talia suscipiat, quibus perfectis clarissimus omnium ducum euadat: & ut maxime non perficiat, tamen beneuolentiam Græcorum maximam consequatur, quam qui adepti sunt, clariores fuerunt aliis, qui maximas urbes atque regiones ceperunt. Hortatur eum & honestissima consilia Herculis & aliorum ducum imitari, qui bella cum Barbaris gesserunt; & dicit magnos Principes, qui excellere aliis uolunt suscipere oportere res magnas atque utiles uniuerso generi humano, nec reformidare pericula, cogitantes quod cum constent ex mortali corpore

DE ISOCRA. ORA.

corpore. immortales propter uirtutis laudem futuri sint. Et quia aliorum bonorū immodice cupidos odio persequimur, at maiorem gloriam expetētes laudant omnes, & aliarum rerū uidelicet opum atq; imperii possessionem ad hostes peruenire, gloriam uero uirtutis & beneuolentiam publicam non peruenire, nisi ad hos qui ex nobis nati sunt. Hæc cum legunt Principes, fieri non potest quin ad magnitudinem animi & uirtutem accendant. Quomodo autem uehementius hortari homines priuatim & publice quispiam possit ad colendam iusticiam, quam hortatur Isocrates in oratione de pace, in qua suadet Atheniensibus, ne cōcupiscant aliena, sed sua ditione contenti sint, & paruis oppidis tanquam propriis facultatibus parcant, socios autem studeant beneficiis in fide retinere, non ui atq; sæuicia, ac maiores imitari, nō qui proxime ante bellum cum Lacedæmoniis gestum funditus euerterunt Rempub. sed illos qui Graciam olim aduersus Persas defende-

DIONYSII SENTEN.

runt, & sine ambitione uixerunt. Ostendit etiam quod Respub. non possit augeri ui atq; armis, sed iusticia & beneficentia ergo hos & quibus depellunt iniurias. Hortatur & ad conciliandas uoluntates omnium suæ nationis ciuitatum, & ut apparatus quidem belli & exercitus habeant, sed ne cui iniuriam afferant, docetq; nihil ad augendas opes atq; imperium magis conducere, quàm iusticiam, & obiurgat alios, qui diuersum sentiunt, qui iusticiam inutilem esse iudicant, & uiolentiam ac fraudes in longum profuturas esse putant, etsi in præsentia alicubi aliquid lucri afferant. Nec mihi honestiora nec magis uera, aut Philosophiæ consentanea dici posse, hac oratione uidentur.

Iam Areopagitica oratio quantum habet utilitatis? quis non euadet ea lecta modestior? aut quis non miretur magnitudinem animi in Isocrate, qui unus ausus est suadere, ut libertas plebi eriperetur mutata forma totius Reipub. de qua re nullus Orator mentionem facere audebat?

Vide

DE ISO CRA. ORA.

Videbat enim tantam esse uulgi licentiam, ut nulli Magistratus coercere priuatos possent, sed & leuissimus atq; audacissimus quisque diceret ac faceret quidlibet libitum esset, & hanc perniciosam licentiam interpretarentur esse populum statum ac libertatem. Suadet autem ut ueterem Reipub. formam à Solone ac Clisthene constitutam renouent, cuius instituta commemorat, quod Athenienses tunc maius facinus esse putauerint contradicere in consilio senioribus, quam aciem deserere. Iubet ut libertatem iudicent esse, non impunitatem, sed modestiam: non contemptum Magistratum, sed reuerentiam. Vetat Magistratus mandare his qui nec leges nec iudicia curant, sed uiris optimis, quia reliqui ciues euadant similes Magistratibus. Hortatur ne ex furtis Reipub. priuatas facultates augeant, sed ut ex priuatis rebus in commune conferant. Narrat olim patres diligentius gubernasse filios egressos adolescentiam, quam curauerint in ipsa

DIONYSII SENTEN.

puericia: iudicantes magis Reipub. in-
teresse, quomodo in uirili ætate regeren-
tur, quàm in prima puericia, & longe
plus ualere rectam educationem atq; in-
stitutionem, quàm bonas leges, quia le-
ges delicta admissa puniant, uerum
bona institutio prohibet, ne
quid pœna dignum
committa-

tur.





Haganoæ, ex officina Seceriana. Anno
salutis M. D. XXXIII.


die 19. Mensis

Martij.









Konserwacja dokonana w r. 1953
przez Piotra Karowskiego
Inteligatora Biblioteki Miejskiej

B 847 - B 855

